




ԶԱՄԱՐՈՒՆ

1978

Բ



ԼԵ
ՏԱՐԻ

ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՅ
Ս. ԷԶՄԻԱԾՆԻ

ՎԻԵՆՆԱ

1978



ՀՐԱՄԱՆԱԻ

S. S. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



ԲԱՂԴԱՂԻ ՀԱՅՈՑ Ս. ԳՐԻԳՈՐ ԼՈՒՍԱՎՈՐԻԶ ԱՌԱՋՆՈՐԴԱՆԻՍԻ ԵԿԵՂԵՑԻՆ
(ԿԱՌՈՒԹՎԱԾ 1954—58 ԹԹ.)



ՀԱՂՈՐԴԱԳՐՈՒԹՅՈՒՆ

Սույն թվականի հունվարի 28-ից մինչև փետրվարի 9-ը Վեհափառ Հայրապետը հովվապետական այցելությամբ գտնվում էր Իրաքի հայոց թեմում՝ հրավերովը թեմի առաջնորդ տ. Ասողիկ արքեպիսկոպոս Ղազարյանի և Ազգային Կենտրոնական Վարչության:

Հայոց Հայրապետի շքախմբի կազմում էին տ. Պսակ արքեպիսկոպոս Թումայանը (Լոնդոն), Մայր տաճարի լուսարարապետ տ. Հուսիկ եպիսկոպոս Սանթրոքյանը, «Էջմիածին» ամսագրի խմբագիր և դասախոս Արթուր Հատիսյանը, տ. Մովսիկ վարդապետ Սարգսյանը՝ որպես գավազանակիր, և Նյու Ջերզիի հոգևոր հովիվ տ. Ավագ աբեղա Ասատուրյանը:

Օղանավակալանում, հանուն Իրաքի կառավարության, Հայոց Հայրապետին ողջունում և բարի գալուստ է մաղթում Իրաքի արտաքին գործերի մինիստրության արարողապետ տիար Ուսամա Խալիլը, Սովետական Միության դեսպան տիար Անատոլի Բարկովսկին և քույր եկեղեցիների հոգևոր պետեր:

Վեհափառ Հայրապետը առաջնորդվում է Բաղդադի հայոց ս. Գրիգոր Լուսավորիչ առաջնորդանիստ եկեղեցի, ուր մուտք է գործում «Հրաշափառ»-ով և օրհնելով հավատացյալների խոտմերսւմ բազմությանը՝ տալիս է Իր պատգամը: Հավատացյալների բազմությունը մոտ երկու ժամ տևող աջահամբույրով ստանում է Հայոց Հայրապետի օրհնությունը:

Բաղդադում Հայոց Հայրապետը Իրաքի կառավարության հյուրն է: Այս առթիվ Իրաքի բարեխնամ կառավարությունը Հայոց Հայրապետին տրամադրել է «Ալ-Մանսուր» պալատը Տիգրիսի ափին:

Հունվարի 30-ին, երկուշաբթի օրը, ժամը 12-ին, Հայոց Հայրապետը պաշտոնական այցելություն է տալիս Իրաքի կառավարության արդարադատության մինիստր տիար Մունդր էլ Ծավիին: Հայոց Հայրապետի և հարգելի մինիստրի միջև տեղի է ունենում ջերմ զրույց:

Հունվարի 31-ին, ժամը 11.30-ին, Հայոց Հայրապետը պաշտոնական այցելություն է տալիս Սովետական Միության դեսպան տիար Անատոլի Բարկովսկուն:

Փետրվարի 1-ին, չորեքշաբթի օրը, ժամը 12-ին, պապական նախագահ Բենեդիկտոս Ժան Ռյուպ արքեպիսկոպոսը, ի պատիվ Հայոց Հայրապետի, իր արքեպիսկոպոսարանում ճաշկերույթ է տալիս, որին ներկա են լինում քույր եկեղեցիների պատրիարքներ, հոգևոր պետեր, ինչպես նաև Սովետական Միության, Ֆրանսիայի և Լիբանանի մեծահարգ դեսպանները:

Փետրվարի 8-ին, չորեքշաբթի օրը, երեկոյան ժամը 18-ին, Իրաքում Սովետական Միության մեծահարգ պարոն դեսպանը դեսպանատան մեջ, ի պատիվ Հայոց Հայրապետի, տալիս է հրաժեշտի ընդունելություն, որին ներկա են լինում նաև Իրաքի կառավարության մոտ Սովետական Միության, Ֆրանսիայի և այլ տասնչորս երկրների հարգարժան դեսպանները:

Հունվարի 29-ին, կիրակի օրը, երեկոյան ժամը 17-ին, Հայոց Հայրապետը այցելում է Բաղդադում «Մելիսե Դանիել Իսկենդեր» հայկական ծերանոց, ուր Նրա պատվին թեյասեղան է տրվում վարչության անդամների կողմից:

Փետրվարի 1-ին, չորեքշաբթի օրը, ժամը 18-ին, Վեհափառ Հայրապետի նախագահությամբ կատարվում է Իրաքի Հայկական Բարեգործական Ընդհանուր Միության նորակառույց շենքի բացման հանդիսությունը, որից հետո, ի պատիվ Հայոց Հայրապետի, տրվում է պաշտոնական ճաշկերույթ:

Փետրվարի 2-ին, հինգշաբթի օրը, ա. Գրիգոր Լուսավորիչ եկեղեցում հանդիսավոր պատարագ է մատուցում տ. Պապ արքեպ. Թումայանը՝ Վարդանանց և Հայոց Հայրապետի անվանակոչության տոների առիթով:

Նույն օրը, երեկոյան ժամը 20-ին, «Բաղդադ» հյուրանոցում Ազգային Կենտրոնական Վարչությունը համայնքային ճիւղ ճաշկերույթով մեծարում է Հայոց Հայրապետին: Ծաշկերույթին ներկա են լինում նաև քույր եկեղեցիների հոգևոր պետեր, դիվանագիտական առաքելության ղեկավարներ և պետական ու պաշտոնական այլ անձնավորություններ:

Փետրվարի 3-ին, ուրբաթ: Հայոց Հայրապետը ա. Գրիգոր Լուսավորիչ եկեղեցում հանդիսավոր պատարագ է մատուցում և «Փա՛նք քեզ, Աստուած. փա՛նք քեզ, յաղագս ամենայնի, Տէ՛ր, փա՛նք քեզ» քնարանով ոգեշունչ քարոզ է խոսում:

Նույն օրը, երեկոյան ժամը 20-ին, Բաղդադի Հայ Երկսեռ Երիտասարդաց Միությունը իր սրահում ճաշկերույթով մեծարում է Հայոց Հայրապետին:

Փետրվարի 4-ին, շաբաթ օրը, առավոտյան ժամը 10-ին, Վեհափառ Հայրապետը այցելում է Մելյանի հայոց ա. Աստվածածին եկեղեցի, որը կառուցվել է 1638 թվականին, իսկ հաջորդ օրը, փետրվարի 5-ին, ժամը 13-ին՝ Բաղդադի հայ կաթողիկե համայնքի առաջնորդարան և Անարատ Հղության քույրերի վանատուն՝ առաջնորդությամբ տ. Հովհաննես Գապարյան արքեպիսկոպոսի, հոգևոր առաջնորդը կաթողիկե հայոց:

Փետրվարի 7-ին, երեքշաբթի օրը, ժամը 20-ին, Վեհափառ Հայրապետը նախագահում է Բաղդադի Հայ Երկսեռ Երիտասարդաց Միության գրական-գեղարվեստական երեկույթին:

Փետրվարի 9-ին, հինգշաբթի օրը, ժամը 14.30-ին, Վեհափառ Հայրապետը հրաժեշտ է տալիս Իրաքի հայ համայնքին և տ. Հուսիկ եպիսկոպոսի ողբեկցությամբ, ոչ պաշտոնական այցով, մեկնում Փարիզ, իսկ շրախըմբի մյուս անդամները՝ Ա. Հատիտյանը և տ. Մոմիկ վարդապետը, վերադառնում են Մայր Աթոռ:

Փետրվարի 10-ին, 11-ին, 14-ին ու 15-ին Փարիզի հայոց առաջնորդարանում Վեհափառ Հայրապետն ընդունում է այցելությունները Լիոնի հայոց հայրապետական պատվիրակի փոխանորդ տ. Դավիթ եպիսկոպոս Սահակյանի, Անգլիայի հայոց հայրապետական պատվիրակ տ. Ներսես եպիսկ. Պողոսյանի, Մարսելի, Լիոնի, Ժնևի, Բրյուսելի համայնքային ընկերակցությանց ներկայացուցիչների և Արևմտյան Գերմանիայի հայոց հոգևոր հովիվ տ. Գարեգին վարդապետ Ներսիսյանի ու այլ պաշտոնական անձնավորությունների, որոնք եկել էին ողջունելու Հայոց Հայրապետին:

Փետրվարի 11-ին, շաբաթ օրը, ժամը 21-ին, Վեհափառ Հայրապետը, տ. Սերովբե և տ. Գյուտ սրբազանների, վարդապետների և քահանա հայրերի ուղեկցությամբ, ներկա է լինում Նոտր Դամ դը Պլանկ Մանտո կաթոլիկ եկեղեցում Հայաստանի «Կոմիտաս» լարային քառյակի տված նվագահանդեսին:

Փետրվարի 12-ին, կիրակի օրը, Վեհափառ Հայրապետը Փարիզի հայոց ս. Հովհաննես Մկրտիչ եկեղեցում ողջունում է հավատացյալներին և քարոզում Մեծ պահոց շրջանում հոգևոր կյանքով ապրելու կարևորության մասին՝ «Յաւել ի մեզ, Տէ՛ր ամենակալ, զհաւատ, զյոյս, զսէր և զամենայն գործս առաքինութեան» բնաբանով:

Փետրվարի 13-ին, երկուշաբթի օրը, Փարիզ է ժամանում Երուսաղեմի հայոց տ. Եղիշե սրբազան պատրիարքը՝ տ. Ծաֆե արքեպիսկոպոսի ուղեկցությամբ՝ ողջունելու Հայոց Հայրապետին և Նրա հետ խորհրդակցելու եկեղեցական մի շարք կարևոր հարցերի շուրջ:

Փետրվարի 16-ին, հինգշաբթի օրը, առավոտյան ժամը 9.30-ին, Վեհափառ Հայրապետը Փարիզում այցելում է Սովետական Միության արտակարգ և լիազոր դեսպան Ստեփան Չերվոննեկոյին՝ ուղեկցությամբ տ. Սերովբե, տ. Հուսիկ և տ. Գյուտ սրբազանների:

Ժամը 18.30-ին Վեհափառ Հայրապետը պաշտոնական այցելություն է տալիս Ֆրանսիայի արտաքին գործերի մինիստր Լուի դե Կիրենկոյին, նրա պաշտոնավարում՝ ընկերակցությամբ տ. Սերովբե, տ. Ծաֆե և տ. Գյուտ սրբազանների:

Փետրվարի 17-ին, ուրբաթ օրը, ժամը 21-ին, Փարիզի Կրոնական Ընկերակցության Վարչությունը, ի պատիվ Հայոց Հայրապետի, կազմակերպում է ողջերթի մեծ ընդունելություն:

Փետրվարի 18-ին, շաբաթ օրը, Վեհափառ Հայրապետը հրաժեշտ է տալիս Փարիզին և մեկնում Մոսկվա՝ ընկերակցությամբ տ. Հուսիկ եպիսկոպոսի, և Մայր Աթոռ ժամանում փետրվարի 21-ին, երեքշաբթի օրը, երեկոյան ժամը 21-ին:

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴ

Ս. Էջմիածին,
27 փետրվար 1978 թ.





ՀԱՅՐԱՊԵՏԱԿԱՆ ԱՅՏԵԼՈՒԹՅՈՒՆ
ԲԱՂԴԱԴԻ ՀԱՅՈՑ ՏԻՐԱԽՆԱՄ ԹԵՄԻՆ

Իրաքի հայոց թեմի քարեխնամ առաջնորդ տ. Ասողիկ արքեպ. Ղազար-
յանի և Ազգային Կենտրոնական Վարչության հրավերով Հայոց Հայրա-
պետը սույն թվականի հունվարի 28-ից մինչև փետրվարի 9-ը եղավ Բաղ-
դադում հովիտապետական այցելությամբ՝ լսնամբ տանելով Մայր Աթոռ
ու. Էջմիածնի օրհնությունն ու Իր ողջույնը Իրաքի օրհնյալ հողի վրա ապրող
Իր սրանդուխտ ու հայրենակարոտ զավակներին, որոնք կհանդիսանան
միաժամանակ մեր օրերի պատմական և վերածնված իրաքյան հայրենիքի
շինարար, կարգապահ ու ազնիվ քաղաքացիները:

Հայոց Հայրապետի այցելությունը Իրաքի հայոց թեմին մեծ ու կարևոր
իրադարձություն էր մեր ազգային-եկեղեցական ժամանակակից տարեգրու-
թյան մեջ:

Հայրապետական սույն այցելությամբ Իրաքի հայությունը ևս, երկար
տարիների սրտագին սպասումներից հետո, վերջապես հոգեկան երջանկու-
թյունն ու ազգային հպարտությունն ունեցավ տեսնելու Հայոց Հայրապետին
և ստանալու Նրա շնորհատառ օրհնությունները:

Իրաքի թեմում մի անգամ էլ Հայոց Հայրապետը ականատես եղավ,
որ ափյուրքի տարածքի վրա Իր հայրենաբաղձ և հավատացյալ զավակների
հոգու մեջ միշտ վատ են մեր նախնյաց հավատքն ու սրբազան ավանդու-
թյունները, հայ մնալու և հայությամբ ապրելու անկոտրուկ վճռականու-
թյունը, հայի ստեղծագործ ոգին ու քարոյական քարեմասնությունները:

Կենդանի է հայ սփուտը, որովհետև կենդանի է ա. Էջմիածինը, որովհետև կենդանի է հայ ժողովուրդը իր վերածնված պատմական հայրենիքի սրբազան հողի վրա, որոնցից փոխանցվում են բովանդակ հայությանը հավատք, ներշնչում և կազդույր, ապագայի մեր է՛լ ավելի պայծառ ու կենսահաստատ ապագայի համար, ամբողջական իրականացման հույսովը նաև մեր բոլոր արդար իղձերի և երագների, ապրելու համար որպես մե՛կ եկեղեցի, միասնական մե՛կ ժողովուրդ ու մե՛կ հայրենիք և պետականություն:

Մեր եկեղեցական տարեգրության մեջ առաջին անգամ էր, որ Հայոց Հայրապետը ոտք էր դնում հյուրընկալ և եղբայրական իրաքյան այս օրհնյալ հողի վրա, որ 1630-ական թվականներից սկսած անընդմեջ ապրում են մեր ժողովրդի թանկագին բեկորները:

Իրաքի արաբ ազնիվ ու բարի ժողովուրդը առաջիններից մեկը եղավ նաև, երբ 1915 թվականի հայկական առաջին ցեղասպանությունից, առաջին համաշխարհային պատերազմից հետո, որ իր եղբայրական գիրկը բացավ մեր տարագիր ժողովրդի բեկորների առաջ, իր աղն ու հացը սիրով բաժանեց նրանց հետ, բուժեց նրա վերքերը և հիանալի պայմաններ ստեղծեց, որ մեր ժողովուրդը կառուցի իր աղոթքի տները, կրկին բացվեն հայկական վարժարաններ և կրկին «մանկանա մեարդաշունչ մեր ալեհեր լեզուն» հայ մանուկների շրթների վրա, և Իրաքի հայությունը ապրի նաև տնտեսական ապահով և բարօր կյանքով՝ վայելելով ամեն ազատություն:

Անցյալի մեր նահատակ ժողովուրդը երբեք և երբեք չի մոռանա Իրաքի արաբ ժողովրդի ազնիվ այս ասպնջականությունը:

Ահա թե ինչու պետք է ուրախությամբ արձանագրել, որ Իրաքի հայությունը, որպես եկեղեցի և համայնք, մեկ սիրտ ու մեկ հոգի, ամբողջությամբ տոգորված է իրաքյան այս օրհնյալ հողի և նրա արդի բարեխնամ կառավարության հանդեպ քաղաքացիական երախտագիտության անկեղծ զգացումով, սիրով ու նվիրումով և իր համեստ նպաստն է բերում այս օրերին. նրա ազգային, սոցիալական, տնտեսական վերածնունդը կերտող Իրաքի արաբ ժողովրդի հայրենասիրական, խաղաղասիրական ձեռնարկներից, որպես հարազատ և օրինապահ մեկ տարրը այս երկրի:

Հայոց Հայրապետին տրված մեծ պատիվը, որպես Իրաքի կառավարության բարձրապատիվ հյուրի, մեծագույն վկայությունն էր դեպի Իրաքի հայությունը կառավարության ունեցած հայասիրության և արաբ ժողովրդի ազնիվ, ասպետական ոգու:

Իրաքի հայությունը ևս իր ողջ էությանը կապված է իր հավատքի դարավոր կենտրոն Մայր Աթոռ ա. Էջմիածնին: Պատահականություն պետք չէ համարել, որ իրաքյան հողի վրա 1638 թվականին կառուցված հայ առաջին եկեղեցին կոչվել է ա. Էջմիածին:

Իրաքի ողջ հայությունը ևս տեսավ, զգաց և մի անգամ ևս հասկացավ, որ Հայոց Հայրապետի բարձր անձնավորության և Նրա վեհ հանգամանքի մեջ մարմնավորվում են ա. Էջմիածնի հազարամյա քարերի պատմությունը, նրա նախախնամական առաքելությունը դարերի խորհրդով և ծանրությամբ, նաև այսօր:

Հայոց Հայրապետի և իրաքահայության օրերը այս այցելության առթիվ լի էին ուրախությամբ և ազգային անույշ հպարտությամբ. «Բախտավոր ենք, որ կվայելենք այս եկեղեցաշունչ խանդավառ պահը»: Այս էր

վկայությունն ու ճշմարիտ ապրումը մեն մի հայի հայրապետական այցելության այդ օրերին:

Դժվար է բառերով նկարագրել համաժողովրդական խանդավառությունն ու հոգեկան ապրումները Իրաքի ողջ հայության եկեղեցիներում, ակումբներում, հանդիսությունների, աջահամբույրների ժամանակ, այդ օրերին:

Արդարև, ինչպես վկայում էին և՛ պաշտոնական ատրիքներով, և՛ մասնավոր ունկնդրությունների ժամանակ արտասանված արտահայտությունները, Հայոց Հայրապետի «օրհնաբեր այցելությունը անցնչելի էջ մը բացալ իրաքահայ պատմության մեջ, որ չի կրնար մոռցվիլ:

Հայաստանյայց եկեղեցին իր պատմության ընթացքին քիչ անգամ երջանիկ շրջան մը բոլորած է, և այդ քիչերեն մեկը եղալ Զեր գահակալության շրջանը:

Այս է ճշմարիտ վկայությունը բոլոր արտերի անցնող 23 տարիների ընթացքում, ամենուրեք, որ Հայոց Հայրապետը, «որպես հովիւ քաջ, որ զանճն իր դնէ ի վերայ ոչխարաց», տարալ Իր ողջույնն ու ս. Էջմիածնի օրհնությունը, և սփյուռքի հայրենակարոտ բազմությունների արտերը որպես ոսկե կամուրջ կապեց Մայր Աթոռին և հայոց հավիտենական հայրենիքին, հավերժական Հայաստանին:

ԺԱՄԱՆՈՒՄ ԲԱՂԴԱԴ

Հունվարի 28-ին, շաբաթ օրը, ժամը 15-ին, Վեհափառ Հայրապետը Մոսկվայի վրայով, հայրենական «Տու 154» ինքնաթիռով, խաղաղ ու սուգահով չորսժամյա թռիչքից հետո ժամանում է Իրաքի մայրաքաղաք Բաղդադի միջազգային օդանավակայան:

Այս ողևորության առիթով **Հայոց Հայրապետին** ողնկցում էին, Էջմիածնից սկսած, որպես շքախմբի անդամներ, Մայր սուանարի լուսարարապետ և Աղբբեջանի հայոց առաջնորդ **տ. Հուսիկ եպս. Սանթրույանը**, «Էջմիածին» ամսագրի խմբագիր և հոգևոր ճեմարանի դասախոս **Արթուր Հատիտյանը** և, որպես գավազանակիր, Մայր Աթոռի երիտասարդ միաբան **տ. Մոսիկ վրդ. Սարգսյանը**:

Հայոց Հայրապետի՝ Բաղդադ ժամանումից սուաջ այստեղ էին ժամանել նաև Լոնդոնից, Նորին Արքության հրահանգով, Մայր Աթոռի միաբաններ **տ. Պսակ արքեպ. Թումայանը** և ԱՄՆ-ից (Նյու-Ճրքի)՝ **տ. Ավագ արեղա Ասատուրյանը**՝ որպես շքախմբի անդամներ:

Բաղդադում Իրաքի հայոց առաջնորդ **տ. Ասողիկ արքեպ. Ղազարյանի** ծանր հիվանդության հետևանքով Հայոց Հայրապետի ընդունելության և հովվապետական այցելության կազմակերպչական աշխատանքները ձեռնհասորեն կատարել էր Իրաքի Կենտրոնական Վարչությունը՝ գլխավորությամբ նախագահ դոկտ. **Հասրաթ Միքայելյանի**, Նորին Արքության բարձր անձնավորության դիրքին և հեղինակությանը արժանավայել շուրով և հարգանքով:

Իրաքի հայոց համայնքը, որը բաղկանում է ավելի քան 20.000 հայ ազգաբնակչությունից, ղեկավարվում է ժողովրդից ընտրված Ազգային Կենտրոնական Վարչության Վերին մարմնի կողմից:

Անցյալ տարի վարչության նոր անդամներ են ընտրվել.



ՎԵՀԱՓԱՌ ՀԱՅՐԱՊԵՏԸ ԲԱՂԴԱԴԻ ՀԱՅՈՑ ԱՌԱՋՆՈՐԴԱՐԱՆԻ ԴԱՀԼԻԺՈՒՄ՝
ԵՐՋԱՊԱՏՎԱԾ ՀՈԳԵՎՈՐ ՊԵՏԵՐՈՎ, ԵՎ ՀԱՅ ՀՈԳԵՎՈՐԱԿԱՆՆԵՐՈՎ

Դոկտ. Հասրաթ Միքայելյան՝ նախագահ.

Տիրան Նասր Օհանյան.

Հայկ Բոստանյան.

Իսմայիլ Ծաֆինյան.

Հրայր Հովսեփյան.

Հովհաննես-Հարություն Դոշոլյանյան.

Վահագն Մեսրոպյան՝ քարտուղար:

Ժամեր առաջ Բաղդադի միջազգային օդանավակայանում հավաքվել էր հոծ բազմություն՝ Բաղդադից, Մուսուլից, Քերքուքից, Ջախտից, Բասրայից՝ ողջունելու և բարի գալուստ մաղթելու համար Հայոց Հայրապետին:

Բոլորի ջրթների վրա թրթում էին երկու քաղցր անուններ՝ սուրբ Էջմիածին և Հայոց Հայրապետ, որոնք իրենց մեջ ամփոփում էին բոլոր ներկաների սերը, երախտագիտությունը, բերկրանքն ու ազգային հպարտությունը, երկու սրբազան բառեր, որոնք սփյուռքի ողջ տարածքի վրա միշտ էլ լույս, կազդույր, օրհնություն են բախշում հայ բազմությունների հայրենակարոտ հոգիներին, ամենուրեք, ուր կան և ապրում են մեր ժողովրդի զավակները:

Օրը պայծառ էր, արևոտ, գարնանային բուրմունքով ու շնչով վերակենդանացած, ուրախ՝ բոլորի սրտերը:

Օդանավակայանի պատվավոր հյուրերի դահլիճում Հայոց Հայրապետին էին սպասում Բաղդադի քույր եկեղեցիների հոգևոր պետեր և ներկայացուցիչներ, այդ թվում՝ Տ. Պուլոս Բ Ծելխուն՝ քաղղեացիների կաթողիկոս-Պատրիարքը, տ. Ժան Ռյուպ արքեպիսկոպոսը՝ Իրաքի կառավարության մոտ Վատիկանի պատվիրակը, տ. Հովհաննես արքեպ. Գասպարյանը՝ Իրաքի կաթողիկե հայոց առաջնորդը, տ. Ջաքա Էլվազ արքեպիսկոպոսը՝ Բաղդադի սիրիանի օրթոդոքս համայնքի առաջնորդը, տ. Էմմանուել արքեպիսկոպոս Տալլին՝ պատրիարքական ընդհանուր փոխանորդը քաղղեացիների, տ. Հաննա արքեպիսկոպոս Բաքուր՝ առաջնորդը Բաղդադի սիրիանի կաթողիկե համայնքի, տ. Էռնեստ եպիսկոպոս Նիսարին՝ առաջնորդը Իրաքի լատին համայնքի, տ. Ֆրանչիսկո Նավարոն՝ Վատիկանի դեսպանատան առաջին քարտուղարը, որոնք եկել էին բաժանելու Իրաքի հայության ուրախությունը:

Արծաթե սկուտեղի մեջ Հայոց Հայրապետին է ներկայացվում իրաքյան հյուրընկալ հողի ավանդական աղն ու հացը՝ ի նշան առատության, բարեկամության և սրտաբաց հյուրասիրության:

Հայոց Հայրապետը օրհնում է հյուրընկալ երկրի առատությունը խորհրդանշող այս բարիքները:

Այնուհետև Նա ողջագուրվում է «ի համբույր սրբության» քույր եկեղեցիների հոգևոր պետերի հետ:

Հանուն Իրաքի բարեխնամ կառավարության, Հայոց Հայրապետի ժամանումը Բաղդադ ողջունում և բարի գալուստ է մաղթում, արտաքին գործերի մինիստրության անունից, Ուսամա Խալիլը:

Հայոց Հայրապետի ժամանումը ողջունում է նաև Իրաքի հանրապետության մոտ Սովետական Միության արտակարգ և լիազոր դեսպան Անատոլի Բարկովսկին:

Առաջին իսկ առիթով Հայոց Հայրապետը օրհնում է Իրաքի բազմադարյան այս պատմական հողը, ջերմ բարեմաղթություններ կատարում

նրա հանրապետության մեծահարգ նախագահ Անմեղ Հասան էլ Բաքրի և Հեղափոխական խորհրդի փոխնախագահ Սադդամ Հյուսեյնի կենաց արեւ-
շատության և արաբ աստվածասեր ժողովրդի ազգային վերագարքների
պայծառ հաղթանակի համար:

Օղանավակայանում հյուրասիրությունից հետո, Հայոց Հայրապետը մե-
քենաների շարասյունի և պատվո ոստիկանների ողևկցությամբ, օդա-
նավակայանի մանապարհի վրա հավաքված բազմահազար ժողովրդի
խանդավառ արտահայտությունների մեջ, առաջնորդվում է Բաղդադի
հայոց ս. Գրիգոր Լուսավորիչ առաջնորդանիստ եկեղեցի:

ՀԱՅՈՑ ՀԱՅՐԱՊԵՏԸ ԲԱՂԴԱԿԻ ՀԱՅՈՑ Ս. ԳՐԻԳՈՐ ԼՈՒՍԱՎՈՐԻՉ ԵԿԵՂԵՑՈՒՄ

Ժամը 17-ին ինքնաշարժերի և պատվո ոստիկանների հանդիսավոր
շքերթը կանգ է առնում Յունիս էլ Սաքաալի պողոտայում, հայոց առաջ-
նորդարանի դարբասի առաջ:

Ուրախ ու տոնական հնչում են եկեղեցու զանգերը: Հրապարակը, մայ-
թերը, եկեղեցու շրջակա բակն ու եկեղեցին լցված են բազմահազար ժողո-
վրդով:

Հայոց Հայրապետը գլխավորում է եկեղեցական թափորը, որը խաչե-
րով ու խաչվառերով, խնկով ու աղոթքով, հանդիսավոր վեճությամբ,
գորգածածկ և դրոշակազարդ մանապարհով ընթանում է դեպի ս. Գրիգոր
Լուսավորիչ եկեղեցի, «Որ գլխորհուրդ քո գալստեան» շարականի երգե-
ցողությամբ:

Կարգապահությանը հսկում են Հ. Բ. Ը. Միության և Հայ երիտասար-
դաց կազմակերպության երիտասարդները՝ ամուր շղթա կազմած:

Եկեղեցական թափորը, ժողովրդական խանդավառ արտահայտու-
թյունների ու զանգերի ավետավոր դողանքների ներքո, «Հրաշափառ»-ով,
մուտք է գործում եկեղեցի:

Թափորին ողևկցում են բույր եկեղեցիների հոգևոր պետերը:

Եկեղեցական արարողության ավարտին տ. Պապկ արքեպ. Թումայանը,
արտահայտելով բոլոր ներկաների զգացած հոգեկան քերկրանքն ու երջան-
կությունը, հանուն թեմի առաջնորդ տ. Ասողիկ արքեպիսկոպոսի, Ազգային
Կենտրոնական Վարչության, իրաքահայ բոլոր կազմակերպությունների և
բովանդակ ժողովրդի, Հայոց Հայրապետի շնորհաբեր ներկայությունը ող-
ջունում է և բարի գալուստ մաղթում՝ որդիական երախտագիտության և
շնորհակալության սրտատուշ խոսքով:

Ազգային Կենտրոնական Վարչության, Բաղդադի Թաղական խորհրդի,
ազգային-հասարակական մարմինների և համայն իրաքահայության անու-
նից Հայոց Հայրապետի շնորհաբեր գալուստը հետևյալ գեղեցիկ ողերձով
ողջունում է վարչության ժրաջան նախագահն ղոկտ. Հասրաթ Միքայելյանը.

ԴՈԿՏ. ՀԱՍՐԱԹ ՄԻՔԱՅԵԼՅԱՆԻ ՈՂԶՈՒՅՆԻ ԽՈՍԺԸ

Վեհափառ Տե՛ր,

Հանուն իրաքահայ Ազգային Կենտրոնական Վարչության, Թաղական
խորհուրդներուն, ազգային հասարակական մարմիններուն և համայն
իրաքահայության, պատիվն ու պարտականությունը ունիմ բարի գալուստ

մաղթելու Ձերդ Վեհափառության այս օրհնյալ երկիրը գալու առիթով: Բարի եք եկած, Վեհափառ՝, հազար բարի:

Վեհափառ Տե՛ր, այս գաղութի հայությունը ծանոթ եղեռնի մնացորդացներեն է, որ իր փրկությունը հրաշքով գտավ այս երկնքի տակ: Խոր երախտագիտությամբ պետք է խոստովանինք, որ առաջին օրեն իսկ հայ դժբախտ խլյակներուն առջև իր դռները լայն բացողն ու տեր կանգնողը եղավ արաբ ազնիվ, ասպնջական ժողովուրդը: Ամեն աջակցություն և եղբայրական գորգորանք տրվեցավ անոնց, որպեսզի աստիճանաբար դարմանեն իրենց վերքերը և բարելավեն իրենց կյանքի պայմանները: Ծնորհիվ այդ հնարավորություններուն էր, որ ներկայիս մեր ժողովուրդը կապրի տնտեսական բարգավաճ վիճակ մը, ունի իր մշակութային և կրոնական բացարձակ ազատությունը և կվայելէ քաղաքական լրիվ իրավունքներ, համահավասար Իրաքի բաղկացուցիչ բոլոր տարրերուն:

Սակայն այս պատիվը որ տրվեցավ Ձերդ Վեհափառության որպես հյուրը ըլլալ մեր սիրելի կառավարության, վեր է ամեն գնահատանքէ, որ վայել է արաբ ազնիվ ժողովուրդի ասպետական ոգիին:

Վեհափառ Տե՛ր, բազմաթիվ անգամներ իբր հավատարիմ քաղաքացիները մեր այս սիրելի հայրենիքին, հայտնած ենք մեր երախտագիտական զգացումները, սակայն կուզեինք այս հանդիսավոր առիթով և Ձեր ներկայության, անգամ մը ևս մեր երախտագիտությունը հայտնել և կոչել՝ կեցցէ արաբ ազնիվ ժողովուրդը, կեցցէ մեր սիրելի նախագահ Ահմեդ Էլ Բաքրը, Հեղափոխական խորհուրդի փոխնախագահ Սատտամ Հյուսեյնը և երկրի ղեկավար Բաաթ կուսակցությունը:

Վեհափառ Տե՛ր, զանազան գաղութներու հայության տված Ձեր այցելություններու նկարագրությունները երբ կկարդայինք հայ մամուլի մեջ, անհամբեր և կարոտով կապասեինք, թե ե՞րբ մենք ևս պիտի արժանանանք այդ բախտին: Սակայն երբ կուշանար այդ օրը, ակամա կտարվեինք մտածելու, թե արդյոք ի՞նչն է պատճառը, որ մոռացության տրված ենք մեր Վեհափառին կողմէ:

Իհարկէ մեր այս մտածումին տուն տվող պատճառը Հայաստանյայց եկեղեցվո հավատարիմ ու հավատավոր զավակները ըլլալնիս էր: Անշուշտ, մենք մեր այս զգացումին անկյունեն է, որ կմոտենայինք հարցին և չէինք կարող անդրադառնալ այն բազմաթիվ ու բազմապիսի հույժ կարևոր և պատասխանատու հարցերուն և զանոնք հաղթահարելու դժվարություններուն, որ դրված էին Ձեր առջև: Բայց բոլոր անոնք, որ բախտ ունեցած են այցելելու Մայր Աթոռ ս. Էջմիածին, անոնք միայն կրնան վկայել, թե անցնող քսան տարիներու Ձեր գահակալության շրջանին հոգեկան մխիթարություն պատճառող ի՞նչ հսկա մշակութային, կրոնական, շինարարական և վարչական աշխատանքներ կատարված են Մայր Աթոռեն ներս:

Այսօր ամեն մի հայ չի կարող չի հպարտանալ հայ ժողովուրդին և Հայաստանյայց եկեղեցվո պատիվ բերող այդ Հաստատությանը: Ի տես այս իրականության, կխոստովանինք, որ մեր դատումներու մեջ մեղանշած ենք:

Վեհափառ Տե՛ր, դժվար է նկարագրել այն հոգեկան ապրումները, որ այս վայրկյանիս կապրի Իրաքի հայությունը Ձեր օրհնաբեր այցելությամբ: Ձեր այս այցելությունը, Վեհափառ՝, անցնելի էջ մը բացավ իրաքահայ պատմության մեջ, որ չի կրնար մոռցվիլ:

Վեհափառ Տե՛ր, Հայաստանյայց եկեղեցին իր պատմության ընթացքին

քիչ անգամ երջանիկ շրջան մը բոլորած է, և այդ քիչերեն մեկը եղավ Ձեր գաղափարության շրջանը:

Վենափառ Տե՛ր, հասնուն իրաքահայության կմաղթեմ Ձեզ երկար և երջանիկ կյանք, որպեսզի հոգեկան մխիթարությամբ կարողանաք Ձեր նպատակները իրագործել՝ ի փառս Հայաստանյայց եկեղեցւո և ի մխիթարություն հայ ժողովուրդին:

Բարի էք եկած, սիրելի Վենափա՛ն, հազար բարի:

Այնուհետև Հայոց Հայրապետը ասում է Իր ողջույնի և օրհնության առաջին խոսքը.

ՎԵՀԱՓԱՌ ՀԱՅՐԱՊԵՏԻ ՈՂՋՈՒՅՆԻ ԵՎ ՕՐՀՆՈՒԹՅԱՆ ԽՈՍՔԸ
Ս. ԳՐԻԳՈՐ ԼՈՒՍԱՎՈՐԻՉ ԵՎԵՂԵՑՈՒՄ
(1978 թ. հունվարի 28, շաբաթ).

Այս պահուս Մենք փառք կուտանք Աստուծո, որ Մեր քայերը ողողեց դեպի այս պատմական, արևոտ, հեքիաթային քաղաք Բաղդադ, մայրաքաղաքը վերածնված այս արաբական հայրենիքի՝ Իրաքի: Եվ Մենք իրապես երջանիկ ենք, որ, իբրև Ամենայն Հայոց կաթողիկոս, առաջին անգամ ըլլալով Մեր ոտքը դրինք քաղաքակրթության այս հնագույն օրրաններեն մեկի հողի վրա: Եվ ամա այստեղ է, որ կհանդիպինք ձեզի, այս Աստուծո տան մեջ: Դուք բոլորդ մեր ժողովուրդի, մեր ս. եկեղեցւո հարազատ զավակներ, հայեր, որոնք ապաստան գտան առաջին համաշխարհային պատերազմի՝ զարհուրելի 1915-ի օրերեն հետո, նաև այստեղ: Արար ժողովուրդը ամեն տեղ իր թևերը լայն քացավ և Մեր պանդուխտ և դժբախտ զավակներդ կարողացաք գտնել ապաստան և ապահովություն, խաղաղություն, կյանքի լավագույն պայմաններ՝ ոչ միայն ապրելու ձեր ընտանիքներով, այլ և դուք կարողացաք ձեր կրոնական համայնքները կազմել, ձեր աղոթքի տունները կառուցել: Կազմակերպեցիք ձեր կրոնական, հոգևոր, կրթական և մշակութային հաստատությունները, կազմակերպությունները ազգային, և ամա այսպիսով իբրև հայ եկեղեցական համայնքներ կշարունակեք ձեր բարգավաճ կյանքը նաև այսօր իրաքյան վերածնված հայրենիքի, հառաջդիմական իրադրության պայմանների մեջ, հավատարիմ և շինարար քաղաքացիները մնալով այս հյուրընկալ երկրին, իրաքյան հայրենիքին: Ինչպես ամեն տեղ, Մենք այստեղ ալ հրավեր կկարդանք ձեզի, որպեսզի, քանելով ձեր կրոնական հավատքը, մեր Հայաստանյայց առաքելական ս. եկեղեցին, մեր մայրենի քաղցր լեզուն, մեր ազնվությունները և մեր հայրենաբաղձ զգացումները, միաժամանակ մնաք հավատարիմ զավակները իրաքյան հայրենիքի:

Սիրելիներ, այս պահուն Մենք չափազանց հուզված ենք, տեսնելով, ինչպես ձեր ամեն մեկի հայացքները ողողված են դեպի Մեր անձը: Աստուծո ողորմությամբ և ազգի կամքով Մենք կոչված ենք ներկայացնելու Հայաստանյայց եկեղեցին և Մայր Աթոռ ս. Էջմիածինը, հավիտենական աստվածակառույց կեդրոնը՝ վեմը մեր քրիստոնեական լույս հավատքի, ինչպես նաև այն ժողովուրդը, որուն ծոցեն կուգանք Մենք այսօր, որ հավիտենական Արարատի փեշերուն վերածնունդի շրջան մը կապրի, քազում ավերածություններ և դժվարություններ անցնելն հետև:

Ահավասիկ նաև այդ սուրբ երկրեն, Արարատյան երկրեն, մեր մայր հայրենիքեն և ձեր բոլոր եղբայրներեն ու քույրերեն կրենք ողջուն՝ և՛

ներ, և՛ ամենաբարի մաղթանքներ, որ ամուր կանգնած մնաք մեր նախնյաց սուրբ հավատքի և մեր բոլոր ազգային սրբությունների վեմին վրա, և հպարտ ըլլաք ձեր կրոնական հավատքով և այն բոլորով, որ կենդանացնե մեր հայկական անմահ ոգին:

Մենք եկած ենք սիրո ողջույն բերելու նաև ձեր եկեղեցական կազմակերպություններում, թեմական խորհուրդին, եկեղեցական վարչության բոլոր աշխատողներում, որոնց շնորհիվ շեն և պայծառ կմնան մեր եկեղեցիները, և որոնց գլուխը կգտնվի ձեր բարեխնամ թեմակալ գերաշնորհ առաջնորդը՝ տ. Ասողիկ արքեպիսկոպոսը: Եվ ցավ է Մեզի համար, որ այս պահուս այստեղ չենք տեսներ: Գիտենք, անկողնին կծառայե, վիճակը ծանր է, և ի՛նչ մեծ, անսահման հոգեկան մխիթարություն պիտի ըլլա Մեզի համար, որ Մեր այցելությամբ, Մեր մաղթանքներով, Մեր աղոթքներով իր առողջական վիճակը բարելավվի: Տա Աստված:

Մենք կուզենք Մեր մասնավոր գոհունակությունը հայտնել, որ սկսած օդանավակայանեն և մինչև այստեղ Մեզ այնքան ջերմ սիրով դիմավորեցին և ողջունեցին Բաղդադի մեջ գործող մյուս քույր եկեղեցիներու բարձրաստիճան ներկայացուցիչները: Մենք կուզենք այս բեմեն, այս առաջին խոսքով Մեր սիրո ողջույնը ուղղելու բոլոր Մեր հոգևոր եղբայրներում, գերապայծառ հոգևոր պետերում: Վստահ ենք, որ նաև ուրիշ առիթներ կունենանք զիրար ավելի մոտիկեն ճանչնալու, փոխանակելու մեր զգացումները և մեր բարի մտածումները. մեր այս հանդիպումներով, մեր միաստեղ աղոթքներում չսփով մը, ավելի ամրապնդած ըլլանք մեր քրիստոնեական եղբայրությունը:

Մենք նույնպես շատ ուրախ պիտի ըլլանք և հոգեպես մխիթարված, եթե հաջորդ օրերում, համաձայն կազմված ծրագրի, պատեհությունն ունենանք նաև հանդիպելու այս երկրի մահմեդական բարձրաստիճան հոգևորականներու հետ, անոնց ալ փոխանցելու համար Մեր եղբայրական սիրո ողջույնը և բարի մաղթանքները, որովհետև բոլորս ալ հավասարապես նույն Աստվածը կդավանինք և նույն Աստուծո զավակներն ենք և նույն Աստուծո փառքին համար կաշխատինք ամեն մեկս մեր տեղը, մեր հնարավորություններու սահմաններու մեջ:

Սիրելի ժողովուրդ, Մեր սիրտը լեցուն է ամենաջերմ զգացումներով, սիրով, կարոտով և լավատեսությամբ, վառ հավատքով՝ դեպի մեր եկեղեցին, դեպի մեր ժողովուրդը և դեպի մեր ապագան:

Մենք համոզված ենք, որ ամենադժվար օրերը մեր ազգի և եկեղեցիի համար եկան ու անցան, վերածնունդի շրջան կապրինք և՛ Հայաստանի մեջ, և՛ սփյուռքի հայ տարածքի վրա:

Թող Աստված անշարժ պահե մեր առաքելական Մայր եկեղեցին, այժմ և հավիտյան:

Եկեղեցական արարողության ավարտին Հայոց Հայրապետը նույն հանդիսավորությամբ առաջնորդվում է գեղեցիկ և լուսավոր ընդունելության դահլիճ հայոց առաջնորդարանի, ուր ջերմ զրույց է ունենում Էկումենիկ ոգով նախ հոգևոր պետերի, ապա Ազգային Կենտրոնական Վարչության և թեմի ալ պատասխանատու պաշտոնական մարմինների ղեկավարների հետ:

Այնուհետև դահլիճն իր դռները լայնորեն բացում է բազմահազար հավատացյալների առաջ, որոնք եկել են որպես ուխտավոր Բաղդադի բոլոր

շրջաններից, ինչպես նաև Մուսուլից, Քերքուրից, Զախոյից, Բասրայից՝ երկրորդ քարեպաշտությամբ Հայոց Հայրապետին մատուցելու իրենց որդիական սերն ու հարգանքը և ստանալու Նրա շնորհաբաշխ օրհնությունները:

Աջահամբույրի այս սրտատույ արարողությունը տևում է առաջին իսկ առիթով շուրջ երկու ժամ: Հայրական գոհունակ ժպիտը դեմքին՝ Հայոց Հայրապետը անհոգնաբեկ և անձանձրույթ ընդունում է Իր հոգևոր զավակներին, «Հայր ճշմարտապետ որդույն բերկրեալ»:

ՀԱՅՈՑ ՀԱՅՐԱՊԵՏԸ ԹԱՆԿԱԳԻՆ ՀՅՈՒՐՆ Է ԻՐԱՔԻ ԿԱՌԱՎԱՐՈՒԹՅԱՆ

Բաղդադում Իր կեցության օրերին Հայոց Հայրապետը Իրաքի բարեխնամ կառավարության թանկագին հյուրն է:

Նորին Սրբության և Նրա շրախմբի անդամների բնակության համար հունվարի 28-ից մինչև փետրվարի 9-ը հատկացվում են Տիգրիսի կանաչազարդ ափերին գտնվող «Էլ Մանսուր» գեղեցիկ կամավորված պալատը:

Իրաքի կառավարության այս բացառիկ ուշադրությունը արդյունք է Հայոց Հայրապետի բարձր անձնավորության, դիրքի և հանգամանքի, Նրա միջազգային հեղինակության և միաժամանակ Իրաքի հայության հանդեպ կառավարության և իրաքցի արաբ ժողովրդի եղբայրական գնահատության, որպես երկրի շինարար, կարգապահ և հավատարիմ քաղաքացիների:

ԱՅՑ ՆԱԽԱԳԱՀԱԿԱՆ ՊԱՍԱՏ

Հունվարի 29-ին, կիրակի օրը, առավոտյան ժամը 10-ին, Վեհափառ Հայրապետն այցելում է նախագահական պալատ՝ ստորագրելու համար պատվո ռեկեմսության մեջ:

Այս առիթով Նորին Սրբությունը մատյանում արձանագրում է.

«Հանուն Հայաստանյայց եկեղեցվո և Մայր Աթոռ ս. Էջմիածնի, Մեր օրհնությունները և ամենաբարի մաղթանքները կներկայացնենք Իրաքյան Հանրապետության և անոր աստվածասեր արաբ ժողովրդին»:

Թող Աստված հավետ խաղաղության և բարօրության մեջ պահպանեալ այս օրհնյալ երկիրը, որուն ծոցին մեջ կապրին նաև Մեր հավատացյալ զավակները՝ վայելելով ամեն թափալանություն, որպես լիիրավ քաղաքացիները այս հողի»:

Այս այցի ժամանակ Հայոց Հայրապետին ողեկցում էին շրախմբի անդամ Ա. Հատիռյանը և Ազգային Կենտրոնական Վարչության անդամ Հովհաննես-Հարություն Դոշոյանյանը:

ՀԱՆԴԻՍԱՎՈՐ ՊԱՏԱՐԱԳ ԵՎ ՔԱՐՈՋ

Ս. ԳՐԻԳՈՐ ԼՈՒՍԱՎՈՐԻՉ ԵՎԵՂԵՑՈՒՄ

Հունվարի 29-ին, կիրակի օրը, առավոտյան ժամը 11-ին, ս. Գրիգոր Լուսավորիչ եկեղեցում հանդիսավոր պատարագ է մատուցում շրախմբի անդամ տ. Հոսիկ եպս. Սանթրույանը և կատարում եկեղեցու կամարների և խաչերի օծումը՝ ընկերակցությամբ տ. Պսակ արքեպ. Թումայանի, տ. Մոմիկ վրդ. Սարգսյանի, տ. Ավագ արդ. Ասատուրյանի, տ. Զավեն և տ. Օշական քահանա հայրերի:

Բաղդադում կառուցվել են երեք հայ եկեղեցիներ:

Ս. Աստվածածին եկեղեցին կառուցվել է 1638-ին, ա. Երրորդություն եկեղեցին՝ 1851-ին, իսկ նրա տեղում՝ ա. Գրիգոր Լուսավորիչ «պայծառ ու նազելի եկեղեցին»՝ 1954—1958 թվականներին: Ս. Գրիգոր Լուսավորիչ եկեղեցու ճարտարապետն է իրանահայ Ալթունյանը: Եկեղեցու հիմնարկերը կատարվել է **տ. Ռուբեն արքեպ. Մանասյանի** առաջնորդության տարիներին, իսկ շինությունն ավարտվել է 1958-ին՝ **տ. Զոհն եպիսկոպոսի** առաջնորդության օրով: Ս. Զոհն եպիսկոպոսը 1958-ին կատարել է նաև եկեղեցու միայն Ավագ խորանի և պատկերի օծումը:

Մինչև Վեհափառ Հայրապետի ժամանումը չէին կատարվել ա. Գրիգոր Լուսավորիչ եկեղեցու կամարների և խաչերի օծումը:

Հունվարի 29-ին, կիրակի օրը, Վեհափառ Հայրապետի այցելության առիթով, ա. պատարագից առաջ, կատարվում է նաև այդ օրհնությունը՝ խուռներամ բազմության ներկայությամբ:

Ժամը 10.30-ին Վեհափառ Հայրապետը հանդիսավորապես մուտք է գործում եկեղեցի:

Ս. պատարագի երգեցողությունը փայլուն հաջողությամբ կատարում է եկեղեցու դպրաց դասը՝ **տիկին Էոժեն Ստեփանյանի** ղեկավարությամբ:

«Հայր մեր»-ից առաջ գեղեցիկ ու բովանդակալից քարոզ է խոսում պատարագիչ տ. Հուսիկ եպիսկոպոսը՝ Իրաքի հայոց թեմին Վեհափառ Հայրապետի տված այցելության եկեղեցական-հոգևոր նշանակության մասին՝ շեշտելով նաև այդ օրը կատարված եկեղեցու կամարների և խաչերի օծման հանդիսության նշանակությունը:

Այսօր Բաղդադի Հայոց եկեղեցում պաշտոնավարում են երեք քահանա հայրեր. **տ. Գեղամ ավագ քահանա Բաշայան** (առաջնորդական փոխանորդ), **տ. Զավեն քահանա Փոլատյան** և **տ. Օշական քահանա Գրիգորյան**:

ԱՅՑ Տ. ԱՍՈՂԻԿ ԱՐՔԵՊԻՍԿՈՊՈՍԻՆ

Նույն օրը Վեհափառ Հայրապետն այցելում է Բաղդադի պետական կենտրոնական հիվանդանոց, ուր մեկ ամսից ավելի հիվանդ պառկել էր տ. Ասողիկ արքեպիսկոպոսը:

Հայոց Հայրապետին ողնկցում էին տ. Պսակ արքեպիսկոպոսը, շքախմբի և Ազգային կենտրոնական վարչության անդամները:

Զափազանց հուզիչ էր Վեհափառ Հայրապետի և հիվանդ տ. Ասողիկ սրբազանի առաջին հանդիպումն ու ողջագուրումը:

Այդ օրն էլ դժբախտաբար սրբազանի առողջական վիճակը շարունակում էր մնալ մտահոգիչ՝ հակառակ ձեռք առնված բոլոր բուժական միջոցների և անձնակազմի անձնվեր խնամքների:

Վեհափառ Հայրապետը գրուցում է տ. Ասողիկ սրբազանի հետ, որը բարեբախտաբար պահում էր իր գիտակցությունը: Նորին Սրբությունը քաջալերում է և օրհնում նրան, մխիթարության ու սիրտանքի ջերմ խոսքեր ասում և հուսադրում նրան շուտափույթ ապաքինման բարի ցանկությամբ:

Բաղդադ գտնված օրերին Հայոց Հայրապետը երեք անգամ դարձյալ այցելում է սրբազան հորը և թելադրում նրան՝ մի քիչ կազդուրվելուց հետո գալ Մայր Աթոռ հանգստանալու և լրիվ բուժվելու համար:

ԲԱՂՊԱԿԻ ՀԱՅՈՑ ՄԵԼԻՆԵ ԴԱՆԻԷԼ ԻՍԿԵՆԴԵՐ ԱԶԳԱՊԱՏԿԱՆ ԾԵՐԱՆՈՑԻ ՀԱՐԿԻ ՏԱԿ

Հունվարի 29-ին, կիրակի օրը, երեկոյան ժամը 17-ին, Վեհափառ Հայրապետն այցելում է Բաղդադի հայոց Մելիքե Դանիել Իսկենդեր ազգապատկան ծերանոց:

Ազգային մարդասիրական այս փառավոր հաստատության դարբասի առաջ Հայոց Հայրապետին դիմավորում են Ծերանոցի Վարչության և խնամակալության անդամ-անդամուհիները և բազում այլ հրավիրյալներ:

Ինչպես հայտնի է, իր տեսակի մեջ բացառիկ և օգտակար ազգային այս հաստատությունը կառուցվել է իշխանական նվիրատվությամբ քարերարարուհի **տիկին Ռենիմե Կարապետ Իսկենդերի**՝ ի հիշատակ իր հանգուցյալ դստեր՝ **Մելիքեի**:

Տիկին Ռենիմե Կարապետ Իսկենդերը քաջամանոք է Բաղդադի հայության եկեղեցական-մշակութային կյանքում իր բազմաթիվ քարերարարություններով և ազգանվեր նվիրատվություններով:

Քարերարուհին իր մահից երկար տարիներ առաջ նշանակում է որպես կոտակարար Ռենիմե Կարապետ Իսկենդեր Վազգֆի Վերին մի մարմին, որի նախագահն է **տ. Ասողիկ արքեպ. Ղազարյանը**, որպեսզի իր կտակը կամ թողոնը գործադրվի Բաղդադի հայության ազգանվեր նպատակներին ի խնդիր:

Քարերարուհին իրեն խորհրդատու է ունեցել իր հանգուցյալ փեսան՝ **Ջոն Գրիգորի Կուրճը**, և **Աբրահամ Ծաֆինյանը**: Այս վերջնույս ջանքերով և նախաձեռնությամբ է, որ քարերարուհու կտակը՝ Հյունեն Վազֆին, պատրաստված է օրինական պայմանների մեջ: Հետագայում Աբրահամ Ծաֆինյանի ջանքերով և հսկողությամբ է կառուցվել ծերանոցը, նրան աղբյուր է **Կարապետ գողտրիկ մատուռը**՝ 1970 թվականին, որի օծումը կատարվել է 1973 թվականի մայիսի 11-ին **տ. Ասողիկ արքեպիսկոպոսի** կողմից:

Քարերարուհին մահացել է 1976-ին: Կոտակի տրամադրության համաձայն թողոնը գործադրելի դարձնելու համար կազմվել է առաջնորդի նախագահությամբ՝ Վազգֆի Վերին մի մարմին, որի կազմում են **Արամ Սեթյանը, Տիրան Նասրը Օհանյանը, Հալկ Բոսթանյանը և Իսմայիլ Ծաֆինյանը**: Մարմնի քարտուղարն է **Պարույր Օրջանյանը**:

Բաղդադի հայոց այս ծերանոցը ևս մաս է կազմում քարերարուհու կոտակի՝ այն աղելի լավ պայմանների մեջ պահելու համար: Այս նպատակով Վերին մարմնին աղբյուր ստեղծվել է խնամակալական մի վարչություն, որի կազմում են՝ **Տիրան Նասրը Օհանյան**՝ ատենապետ, **տիկին Մարի Թաշիրյան**՝ փոխատենապետ, **տիկին Մարի Թյուֆենկչյան**՝ ատենադպիր, **տիկնայք Շուշանիկ Գասապյան, Մարո Պողոսյան, Արմենուհի Չոլագյան, Տիգրանուհի Թերզի, Ռոզա Սոթրի**, որոնք անձնվիրաբար և մեծ սիրով պահում-պահպանում են այս օրինակելի հաստատությունը և հարազատ գործընկերություն խնամում ծերանոցի «քնակիչներին»:

Վեհափառ Հայրապետը առաջնորդվում է քարերարուհու ամուսնու անունը կրող **ս. Կարապետ գողտրիկ մատուռ**, որտեղ կատարվում է մասնավոր հոգեհանգստյան պաշտոն, և Նորին Սրբությունը «Հոգւոց» է արտասանում 1976 թվականին վախճանված քարերարուհի տիկին Ռենիմե



ՄԻ ՊԱՀ ԲԱՂԴԱՂԻ ՀԱՅՈՑ Ս. ԳՐԻԳՈՐ ԼՈՒՍԱՎՈՐԻԶ ԵԿԵՂԵՑՈՒՄ ՀԱՅՐԱՊԵՏԱԿԱՆ ՊԱՏԱՐԱԳԻՑ

Կարապետ Իսկենդերի և նրա ամբողջ մահացած գերդաստանի հոգիների խաղաղության համար:

Այնուհետև Հայոց Հայրապետը մեծ հետաքրքրությամբ և ուշադրությամբ այցելում է ծերանոցի բոլոր հարկաբաժիններ, դարմանատուն, սեմյակներ, ճաշարան ու սեղանատուն: Ամենուրեք տիրում էր իդեալական մաքրություն, կարգ ու կանոն:

Հայոց Հայրապետն ապա զրույց է ունենում ծերանոցի «քնակիչների» հետ, մխիթարում, օրհնում բոլորին և բաժանում խաչիկներ:

Այնուհետև Հայոց Հայրապետն Իր այցելության առիթով ծերանոցի հուշամատյանում թողնում է հետևյալ արձանագրությունը.

«Հոգեկան գոհումակությամբ այցելեցինք Մելինե Դանիել այս ծերանոց, ուր լավագույն պայմաններու մեջ խնամքի տակ են բազմաթիվ տարիքավոր հայ տիկիկներ և պարոններ:

Մեր սրտագին գնահատանքը կհայտնենք եկեղեցվո Կեղրոնական Վարչության և Ծերանոցի Խնամատար Վարչության բարեսիրտ անդամներուն: Բոլորին օրհնություն Մայր Աթոռ ս. Էջմիածնեն և Մեր սրտեն»:

Այնուհետև Ծերանոցի Վարչության անունով, ի պատիվ Հայոց Հայրապետի, տրվում է թելասեղան, որն անցնում է շատ ջերմ և շինիչ մթնոլորտում:

Հյուրասիրության ընթացքում Վազըֆի Վերին մարմնի անդամ Հայկ Բոսթանյանը համառոտապես Վեհափառ Հայրապետին է ներկայացնում բարերարուհի հանգուցյալ տիկին Ռեհինե Կարապետ Իսկենդերի ազգային բարերարությունները՝ խնդրելով Նորին Սրբության օրհնությունը հանգուցյալի հիշատակին:

Վեհափառ Հայրապետը խոսք է առնում այս առթիվ և ասում.

ՎԵՀԱՓԱՌ ՀԱՅՐԱՊԵՏԻ ՕՐՀՆՈՒԹՅԱՆ ԽՈՍՔԸ

ԾԵՐԱՆՈՑՈՒՄ

(1978 թ. հունվարի 29)

Մեծ գոհումակություն ստացանք այս այցելութենեն: 2 էինք սպասեր, որ Բաղդադի համեմատաբար փոքր գաղութը այսպիսի փառավոր հողամաս, մատուռ և այդպիսի գեղեցիկ, արդիական շենք մը ունենար, ուր պատըսպարված են քանի մը տասնյակ ծերունի հայրիկներ և մայրիկներ, ամենահոգատար խնամքի ներքև: Այցելեցինք նաև անոնց սեմյակները և տեսանք ամեն տեղ կարգ ու կանոն, մաքրություն: Այս ամենը կխոսին ոչ միայն ձեր գաղութի և ձեր Կեղրոնական Վարչության և եկեղեցական կազմակերպության և համայնքի նյութական միջոցներու մասին, այլ նաև հոգեկան առաքինություններու մասին: Մենք ուրիշ գաղութներ ալ գիտենք, ավելի մեծ և նյութական միջոցներով ալ ոչ ավելի սահմանափակ, այնուամենայնիվ ամեն տեղ չենք գտներ այսպիսի հաստատություններ, որոնք կարտահայտեն ձեր բոլորիդ քրիստոնեական զգացումը, որ կկոչվի գութ, գթասիրություն: Քրիստոնեական ըմբռնումով նույնիսկ արդարության գաղափարեն ավելի բարձր կդասվի գութի զգացումը: Եվ եթե համաշխարհային լայն հորիզոնի վրա ակնարկ մը նետենք, պետք է հաստատենք պատմականորեն, որ աշխարհի վրա գթության զգացումը՝ իր ճշմարիտ բարձրության հասցնողը քրիստոնեությունը եղած է: Քրիստոնեության բերած շատ առաքինություններու, մարդկային կյանքի հառաջդիմության ալ

բարձր արժանիքներու կողքին, նաև այդ գուրի զգացումն է, որ առավելապես քրիստոնեական է: Սամարացիի առակը գիտեք, հարկավ, որ ինքն Հիսուս կատարման և որ կրնորոշե հստակ կերպով, թե ինչ է գուրը, որովհետև Հիսուս այդ առակը կատարման այն պահուն, երբ իրեն մոտեցող մը կհարցնեն: «Ի՞նչ ընեմ որ կատարյալ ըլլամ»: Հիսուս կըսէ. «Գնա քու ընկերոջդ օգնէ»: «Ո՞վ է իմ ընկերը»: Եվ երկրորդ հարցումն կըլլա: Եվ Հիսուս, որպես պատասխան կատարման Սամարացիին ծանօթ առակը:

Ուրեմն քրիստոնեական բարի գործ կկատարեն բոլոր անոնք, որոնք կօգնեն իրենց կարոտյալ ծեր եղբայրներուն ու քույրերուն:

Մեր կյանքի, մեր քրիստոնեական հայկական կյանքի գեղեցկություններն մեկն է իրար օգնությունը, գուրի զգացումը: Եվ նման առիթներով հոգեկան բավականություն կստանան ոչ միայն օգնություն ընդունողները, այլ, գուցե առավել ևս, օգնություն բաշխողները:

Օրհնություն ձեզ այս ազնիվ աշխատանքի համար:

Այս առիթով Հայոց Հայրապետը Իր բարձր գնահատությանն արժանացնելով Ծերանոցի Խնամակալ Վարչության տիկինների քրիստոնեական ազնիվ գործունեությունը, նրանց նվիրում է ս. Էջմիածնից բերված ոսկյա խաչեր:

Վեհափառ Հայրապետը լավագույն տպավորություններով հրաժեշտ է առնում այս օրինակելի հաստատությունից:

ԱՅՑԵԼՈՒԹՅՈՒՆՆԵՐ

Ըստ նախապես կազմված ծրագրի, Հայոց Հայրապետի այցելությունները Բաղդադում շարունակվում են հարաճուն խանդավառության պայմանների մեջ:

Հունվարի 30-ին, երկուշաբթի օրը, առավոտյան ժամը 10-ին, Վեհափառ Հայրապետն այցելում է, շրախմբի անդամներով և պաշտոնական Իր ուղեկիցներով, Բաղդադի պետական թանգարան և հանգամանորեն ծանոթանում թանգարանի բոլոր բաժիններին՝ գեղեցկորեն, նաշակով դասավորված հնագիտական ընտիր ցուցանմուշների հետ և հրաժեշտ առնում խոր տպավորությամբ:

Հունվարի 31-ին, երեքշաբթի օրը, առավոտյան ժամը 9-ին, Վեհափառ Հայրապետն այցելում է Բաղդադում քաղեհագիների (կաթոլիկ) Ս. Պուլուս Բ Շեյխ Պատրիարքին:

Ժամը 10.30-ին այնուհետև Հայոց Հայրապետը պաշտոնական այցելություն է տալիս Իրաքի կառավարության մոտ պապական նվիրակ, մոնսնյոր Ժան Ռյուպ արքեպիսկոպոսին:

ԱՅՑ ԱՐԳԱՐԱԴԱՏՈՒԹՅԱՆ ՄԻՆԻՍՏՐ ՄՈՒՆՏԸՐ ԷՆ ՇԱՎԻՒՆ

Հունվարի 30-ին, երկուշաբթի օրը, կեսօրվա ժամը 12-ին, Վեհափառ Հայրապետը պաշտոնական այցելություն է տալիս Իրաքի կառավարության արդարադատության մինիստր **Մունտըր Էլ Շավիին**, մինիստրության պալատում ուղեկցությամբ Իր շրախմբի և Ազգային Կենտրոնական Վարչության անդամների:

Հայոց Հայրապետը և մեծահարգ պրն. մինիստրը ողջույնի և բարի-
գալստյան ջերմ խոսքեր են փոխանակում:

Զրույցի ընթացքում պրն. մինիստրը բարի վկայություն է տալիս Հայոց
Հայրապետին Իրաքի հայությանը՝ երկրի շինարար, կարգապահ և հավատա-
րիմ քաղաքացիներ լինելու մասին, վկայություն, որը Նրա սիրտը լցնում է
ուրախությամբ և գոհունակությամբ:

«Ծատ գոհ եմք,—ասում է արդարադատության մինիստրը,—Իրաքի
հայ համայնքից, և այս վկայությունը ոչ միայն մեր անձնական կարծիքն է,
այլ նաև մեր ամբողջ կառավարության:

Իրաքի հողի վրա ապրող հայ և արաբ ժողովուրդները հավասարա-
պես վայելում են բոլոր ազատություններն ու իրավունքները, որպես պե-
տական ազնիվ ու շինարար քաղաքացիներ»:

ԱՅՑ ՍՈՎԵՏԱԿԱՆ ԴԵՍՊԱՆԱՏՈՒՆ

Հունվարի 8-ին, երեքշաբթի օրը, ժամը 11-ին, Հայոց Հայրապետը
պաշտոնական այցելություն է տալիս Իրաքի կառավարության մոտ Սովե-
տական Միության արտակարգ և լիազոր դեսպան Անատոլի Բարկովսկուն:

Այս առթիվ Հայոց Հայրապետին ողջեցում էին տ. Պսակ և տ. Հուսիկ
սրբազանները, տ. Մոմիկ և տ. Ավագ վարդապետները, Արթուր Հատիտ-
յանն ու Ազգային Կենտրոնական Վարչության նախագահ դոկտ. Հասրաթ
Միքայելյանը:

Հայոց Հայրապետի և մեծահարգ պրն. դեսպանի միջև տեղի է ունենում
ջերմ զրույց, որին մասնակցում է նաև դեսպանատան առաջին քարտուղար
Նուբար Տեր-Միքայելյանը:

ԸՆԴՈՒՆԵԼՈՒԹՅՈՒՆ Ի ՊԱՏԻՎ ՀԱՅՈՑ ՀԱՅՐԱՊԵՏԻ ՊԱՊԱԿԱՆ ՆՎԻՐԱԿԻ ՊԱԼԱՏՈՒՄ

Փետրվարի 1-ին, չորեքշաբթի օրը, ժամը 13-ին, պապական նվիրակ
մոնսեյնյոր Ժան Ռյուպ արքեպիսկոպոսն իր պալատում Հայոց Հայրապետի
պատվին պաշտոնական ընդունելություն է կազմակերպում շուրջ 25 հրա-
վիրյալների համար, որոնց թվում՝ Բաղդադի քույր եկեղեցիների պատ-
րիարքներ, հոգևոր պետեր և առաջնորդներ, ինչպես նաև Իրաքի հայոց
Ազգային Կենտրոնական Վարչության բոլոր անդամները:

Հայոց Հայրապետի պատվին տրված պաշտոնական սույն ընդունելու-
թյանը հրավիրված էին նաև Սովետական Միության դեսպան Անատոլի
Բարկովսկին, Ֆրանսիայի դեսպան Ժազ Մորիզեն և Լիբանանի դեսպան
Աուրելյ Ծամմաը:

Հյուրընկալ պապական նվիրակ արքեպիսկոպոսը և Հայոց Հայրա-
պետը ողջույնի և բարիգալստյան խոսքեր են փոխանակում ճաշկերույթի
ժամանակ:

Նույն օրը, ժամը 16-ին, Հայոց Հայրապետը «Էլ Մանսուր» պալատում
ընդունում է այցելությունը Բաղդադի իսլամ կրոնապետ շեյխ Մահտի Էլ
Խալլախի: Երկու կրոնապետների միջև տեղի է ունենում ջերմ զրույց:

ՀԱՆԳԻՍՈՒԹՅՈՒՆ-ՃԱՇԿԵՐՈՒՅԹ ԻՐԱՔԻ Հ. Բ. Ը. ՄԻՈՒԹՅԱՆ ՆՈՐԱԿԱՌՈՒՅՑ ՇԵՆՔԻ ԲԱՑՄԱՆ ԱՌԻԹՈՎ

Փետրվարի 1-ին, չորեքշաբթի օրը, երեկոյան ժամը 18-ին, Վեհապառ Հայրապետի օրհնությամբ և նախագահությամբ ու հանդիսավոր իրադրության մեջ կատարվում է Իրաքի Հ. Բ. Ը. Միության նորակառույց շենքի բացումը՝ ի ներկայության հոծ բազմության: Հողը Միությանը նվիրել է բարերարուհի Ռենհին Կարապետ Իսկենդերը:

Նորակառույց շենքը զարդարվել է տոնականորեն, իրաքյան պետական դրոշակներով, ծաղիկներով և դրասանգներով: Կարմիր և սպիտակ ժապավենների վրա արաբերեն և հայերեն լեզուներով գրված խոսքերը բարի գաղտնառ են մաղթում Հայոց Հայրապետին:

Միության վետերանները, համակիրներն ու անդամները, երկսեռ երիտասարդությունը, գլխավորությամբ Միության պատվո և վաստակավոր նախագահ **Երջանիկ Թաջիրյանի** և նոր նախագահ **Նուրար Գաբրիելյանի**, ծաղիկներ ի ձեռին շենքի շքամուտքի առաջ խանդավառ արտահայտություններով, ցնծազին ծափողջույններով դիմավորում են Հայոց Հայրապետին և Նրան ողենցող պաշտոնական այլ հյուրերի:

Հանդիսությունը բացվում է թիվ արտասանված «Հայր մեր»-ով և Հայոց Հայրապետի «Զգործս ձեռաց մերոց» աղոթքով:

Հանդիսության բացումը կատարում է Միության վետերան անդամ **դոկտ. Մովսես Տեր-Հակոբյանը**:

Այնուհետև գործադրության է դրվում ճաշակով պատրաստված գեղարվեստական ճոխ մի հայտագիր՝ բաղկացած արաբերեն և հայերեն արտասանություններից, մեներգերից, նվագներից և բարիգալստյան պաշտոնական ջերմ խոսքերից՝ հանուն Միության վարչության, տիկնանց, երիտասարդաց և այլ մասնաճյուղերի:

Հանդիսության ընթացքում, ծրագրից դուրս, հրավիրվում է շքանշան անդամ և «Էջմիածին» ամսագրի խմբագիր, դասախոս **Արթուր Հատիսյանին** իր սրտի խանդավառ խոսքն ասելու:

Իրաքի Հ. Բ. Ը. Միության ծրագրի և նորընտիր նախագահ **Նուրար Գաբրիելյանը**, հանուն Միության վարչության, անդամների, մասնաճյուղերի, համակիրների և բոլոր ներկաների, հետևյալ գեղեցիկ ողերձով ողջունում է Հայոց Հայրապետի ներկայությունը:

ՆՈՒԲԱՐ ԳԱԲՐԵԼՅԱՆԻ ՈՂԶՈՒՅՆԻ ԽՈՍՔԸ

Նորին Սուրբ Օծություն Տ. Տ. Վազգեն Ա Ծայրագույն Պատրիարք և կաթողիկոս Ամենայն Հայոց,

Գերաշնորհ սրբազան հայրեր ու արժանապատիվ բաժանա հայրեր, Հարգելի հանդիսականներ,

Ձեր իրաքցի զավակներուն սրտերը անհուն բերկրությամբ լեցվեցան, երբ լսեցին Ձերդ Սրբության Իրաք այցելելու ուրախալի լուրը, և ես առավել հրճվեցան, երբ իմացան, որ մեր բարեխնամ պետության պատվական հյուրը պիտի ըլլար Ձեր այցելության շրջանին:

Մեր մեջ գտնվելու այս քանի մը օրվա ընթացքին Ձերդ Վեհապատությունը արդեն զգացած պիտի ըլլա այն մեծ գորգուրանքն ու ընդհանուր հոգատարությունը, որով մեր սիրելի կառավարությունը շրջապատած է մեզ,

բոլոր իրաքցիներու մասն հավասարապես, առանց ամենադուրյգն տարբերության:

Ձեր բոլոր զավակները, որոնցմե մաս մը այստեղ կրնակին 300 տարիներն ի վեր, իսկ մեծ մասը հոս ժամանած ըլլալով դարուս սկիզբները, ամբողջությամբ շաղկված են երկրին մնացյալ զավակներուն հետ թե՛ ազգային և թե՛ ժողովրդական մակարդակներու վրա: Իրարու հետ կրաժներք մեր ցավերն ու իղձերը և ամեն ինչ, որ թանկագին ու արժեքավոր է, կզոհենք մեր սիրելի երկրին բարգավաճման համար, և այդ պատճառով ալ կատարյալ ապահովությամբ ու ազատությամբ կկատարենք մեր պարտականությունները պետական բոլոր մակարդակներու վրա, ինչպես նաև բոլոր ասպարեզներու մեջ՝ միշտ ալ մնալով օրենքի սահմաններուն մեջ: Այս բոլորը ուրիշ բան չեն, եթե ոչ արտահայտությունը արաբ ազնիվ ժողովուրդի նկարագրին, անոր իր սեփական դրացիներուն հանդեպ տաժած սիրույն, նորեկը հյուրասիրելու ու տկարին օգնության ձեռք երկարելու իր ազգային հատկություններուն, որով ամեն դուռ բաց է ձգված մեր առջև որպես իրաքյան քաղաքացիներ առանց ունէ կապանքի կամ խտրության: Այս առթիվ կուգանք Ձերդ Սրբության առջև հանդիսավորապես հայտարարելու մեր սրտերու խորքերէն բխած սերը դէպի մեր սիրելի Իրաքը և անոր հեղափոխական կառավարությունն ու իմաստուն ղեկավարությունը՝ գլխավորությամբ Նորին Վսեմություն Ահմատ Հասան էլ Պաքրին և անոր փոխանորդ Նորին Վսեմություն Սատտամ Հյուսեյնին:

Վեհափառ Տե՛ր, բյուր-բյուր շնորհակալություն Ձերդ Սրբության, որ իրականացուցիք ամեն հաշու սրտեն ու հոգիէն բխած ու երազած քաղաքացիները՝ տեսնելու ս. Գրիգոր Լուսավորչի Աթոռին Գահակալը, ինչպես նաև իր ազգային ու առաքելական եկեղեցւոյ Գերագույն Պետը, որ ահափափկ կմարմնանա Ձերդ Սրբության անձին վրա: Ասիկա անոր համար, որովհետև ամեն հայ Ամենայն Հայոց կաթողիկոսին անձին մեջ կտեսնէ մարմնացումը իր չորս հազար տարվա պատմության, իր ուրախալի և տխուր էջերով, ու ահափափկ մեր բոլորին կողմէ ընդունեցէք, Վեհափառ Տե՛ր, մեր խորին շնորհակալությունները, որ հանձն առիք ճանապարհորդության դժվարությունները այցելելու Ձեր զավակներուն:

Այժմ կխնդրենք Ձերդ Սրբութենէն, որ օրհնէ ու աղոթէ մեր հեղափոխության վերելքին համար, որպէսզի անոր իմաստուն ղեկավարները զերծ մնան բոլոր տեսակի փորձանքներէն:

Միևնույն ժամանակ կուգամ Իրաքի Հայկական բարեգործական ընդհանուր միության բոլոր անդամներուն ու վարչության կողմէ մեր խորին շնորհակալությունները մատուցանելու մեր բարեխնամ պետության և անոր վսեմափալ ու սիրելի նախագահ մարաջախտ Ահմատ Հասան էլ Պաքրին ու անոր տեղակալ, աննկուն հեղափոխական վսեմափալ Ֆարիք Ավալ Սատտամ Հյուսեյնին, ինչպես նաև հեղափոխական ղեկավար կոմիտեի անդամներուն, որ այս ուրախալի առիթը ընծայեցին մեզի, միաժամանակ մաղթելով հառաջդիմություն ու բարգավաճում մեր սիրելի Իրաքին ու բացարձակ հաջողություններ արաբ ազնիվ ժողովուրդին, ինչպես նաև Ձեզի ու Ձեր շքախումբին բարի կեցություն մեր երկիր այցելության տևողության:

Եվ այժմ, Վեհափառ Տե՛ր, պիտի խնդրենք Ձերդ Սրբութենէն, որ Միությանն նորակառույց այս Տունը օրհնէք ու Ձեր հայրական պատգամը ընծայէք Ձեր զավակներուն:

Այնուհետև Հայոց Հայրապետի ողջույնի, օրհնության, շնորհավորության խոսքով ու ոգեշունչ պատգամով ավարտվում է հանդիսության գեղարվեստական բաժինը:

Ժամը 20-ին Իրաքի Հ. Բ. Ը. Միությունն իր նորակառույց շենքի Գարիբյանի անվան ընդունելության դահլիճում Հայոց Հայրապետին պատվում է շքեղ ճաշկերույթով, որին ներկա են լինում ավելի քան 200 հրավիրյալներ:

ՀԱՆՐԱՊԵՏԱՎՈՐ ՊԱՏԱՐԱԳ ԵՎ ՔԱՐՈԶ Ս. ԳՐԻԳՈՐ ԼՈՒՍԱՎՈՐԻԶ
ԵԿԵՂԵՑՈՒՄ ՎԱՐԴԱՆԱՆՑ ՏՈՆԻ ԵՎ ՀԱՅՈՑ ՀԱՅՐԱՊԵՏԻ
ԱՆՎԱՆԱԿՈԶՈՒԹՅԱՆ ՏԱՐԵԴԱՐՁԻ ԱՌԻԹՈՎ

Փետրվարի 2-ին, հինգշաբթի.—Տոն «Սրբոց Վարդանանց զօրավարացն մերոց հազար երեսուն և վեց վկայիցն, որ կատարեցան ի մեծի պատերազմին» Ավարայրի.

Առավոտյան ժամը 10.30-ին ս. Գրիգոր Լուսավորիչ եկեղեցում հանդիսավոր ս. պատարագ է մատուցում տ. Պապ արքեպ. Թումայանը և «Ոչ եթէ մարմնական համարէին զկոխն, այլ հոգևոր առաքինութեան» բնաբանով հոգեշունչ, կրոնարույր քարոզով ոգեկոչում է հիշատակն ու մեծ սխրանքը 451 թվականին Ավարայրում սրբոց Ղևոնդյանց քահանաների և Վարդանանց քաջամարտիկ նահատակների՝ «Վասն Յիսուսի և վասն հայրենեաց» մղված ներուսամարտում:

Վարդանանց տոնն անվանակոչության տոնն է նաև ազգիս Վեհափառ Հայրապետի: Այս առթիվ քարոզիչ սրբազանը մասնավոր կարևորությամբ անդրադառնում է այդ հանգամանքին և, հանուն Ազգային Կենտրոնական Վարչության, հոգևոր դասի ու բովանդակ իրաքահայության, շնորհավորում է Նորին Սրբության անվանակոչության տոնը՝ քարեմադրություններ կատարելով Մայր Աթոռ ս. Էջմիածնի անասանության, հայ եկեղեցու պայծառության, Հայոց Հայրապետի կենաց արևշատության ու հայ ժողովրդի և հայրենաց քարօրության համար:

Հավարտ ս. պատարագի եկեղեցու ատյանում կատարվում է հայրապետական մաղթանք Նորին Սրբության նախագահությամբ և ի ներկայության խոտմեքան հավատացյալ բազմության:

ՀԱՄԱՅՆՔԱՅԻՆ ՊԱՇՏՈՆԱԿԱՆ ՃԱԾԿԵՐՈՒՅԹ՝
Ի ՊԱՏԻՎ ՀԱՅՈՑ ՀԱՅՐԱՊԵՏԻ

Փետրվարի 2-ին, հինգշաբթի օրը, ժամը 20-ին, Ազգային Կենտրոնական Վարչությունը «Բաղդադ» հյուրանոցի շքեղ դահլիճում, ի պատիվ Հայոց Հայրապետի, համայնքային պաշտոնական ճաշկերույթ է կազմակերպում, որին ներկա են լինում ավելի քան 300 հայ և օտար պաշտոնական, եկեղեցական և աշխարհիկ հրավիրյալներ, այդ թվում՝ սովետական դեսպան արմ. Անատոլի Բարկովսկին, Լիբանանի դեսպան արմ. Ա. Ծամաաբ, հոգևոր պետեր և այլ հրավիրյալներ:

Ընդունելության ընթացքում, հանուն Կենտրոնական Վարչության, դոկտ. Հասարա Միքայելյանը կրկին անգամ ողջունում է Հայոց Հայրապետին և ասում.

ԴՈԿՏ. ՀԱՍՐԱԹ ՄԻՔԱՅԵԼՅԱՆԻ ԽՈՍՔԸ
«ԲԱՂԴԱԴ» ՀՅՈՒՐԱՆՈՑՈՒՄ

Վեհափառ Տե՛ր,

Ձեր տված այցելությունը մեր այս սիրելի երկրին ինքնին պատմական անմոռանալի էջ մը բացավ իրաքահայ պատմության մեջ: Իսկ Ձեր անվանակոչության օրը, որ զուգադիպեց Ձեր այստեղ այցելության շրջանին, և տոնելու պատիվը մեր համայնքին վիճակվեց, առավել շուք մը ևս ավելացրեց պատմական թվականի վրա:

Վեհափառ Տե՛ր, այն հոգեկան ապրումները, որ ունի այս օրերուն մեր համայնքը, կապարտինք մեր սիրելի Պետության տված հնարավորություններուն և աջակցության: Իսկ Պետության հյուրը ըլլալու պատիվը, որ տրվեցավ Ձերդ Վեհափառության, ցայտուն արտահայտություններն մեկն է արաք ժողովուրդի հյուրասեր նկարագրին, որ ամենն ավելի մենք կզգանք այն օրն ի վեր, երբ մեր ժողովուրդը իր փրկությունը այս երկրի մեջ գտավ և ցարդ կվայելէ եղբայրական գուրգուրանքը արաք ժողովուրդին և հայրական հոգածությունը Պետության, համահավասար երկրի մյուս ժողովուրդներուն:

Այս հանդիսավոր առիթով մեր երախտագիտությունը կհայտնենք արաք ազնիվ և ասպնջական ժողովուրդին, մեր սիրելի նախագահ Ամմադ Հասան Բաքրին և Հեղափոխության խորհուրդի փոխնախագահ Սատտամ Հյուսեյնին:

Վեհափառ Տե՛ր, Ձեր անվանակոչության առթիվ, հանուն իրաքահայության, քաղցր պարտականությունը ունիմ մաղթելու Ձեզ երկար և երջանիկ կյանք, որպեսզի կարողանաք պատմության բերումով Ձերդ Վեհափառության վիճակված Հայաստանյայց եկեղեցվո այնքան ծանր և պատասխանատու աշխատանքները, որ ծրագրած եք, հաջողությամբ պսակել:

Սույն ուղերձից հետո դուկո. Հասրաթ Միքայելյանը, հանուն իրաքահայության, Հայոց Հայրապետին է նվիրում փիրուզե ակով ադամանդակոտ մեծարժեք մի մատանի՝ բոլոր ներկաների ջերմ ծափողջույնների ներքո:

Ապա խոսք է առնում Հայոց Հայրապետը, Իր շնորհակալությունն է հայտնում Ազգային Կենտրոնական Վարչության և բոլոր ներկաներին՝ Իր պատվին կազմակերպված այս համայնքային շքեղ ընդունելության համար, և Իր գնահատանքն արտահայտելով դուկո. Հասրաթ Միքայելյանի՝ Բաղդադի թեմում նրա կատարած երկարամյա և արդյունաշատ գործունեության համար, նրա կուրծքը զարդարում է, ի դեմս իր վարչական հին և նոր գործակիցների, ս. Գրիգոր Լուսավորչի Ա կարգի ադամանդակոտ շքանշանով՝ բոլոր ներկաների երախտապարտ ու խանդավառ արտահայտությունների ներքո:

Այնուհետև Հայոց Հայրապետը, շարունակելով Իր խոսքը, ասում է.

ՀԱՅՈՑ ՀԱՅՐԱՊԵՏԻ ԽՈՍՔԸ ՀԱՄԱՅՆՔԱՅԻՆ ԾԱԾԿԵՐՈՒՅԹՈՒՄ
(2 փետրվարի 1978 թ.)

Ահավասիկ վեցերորդ օրն է, որ կգտնվինք իրաքյան օրհնյալ երկրին մեջ և ամեն օր և գրեթե ամեն ժամ նոր ուրախություն մը կբերեն Մեզ:

Այսօր նույնպես Մեր սիրտը լեցուն է հրճվանքով, որովհետև բացառիկ շրջանակի մը մեջ կգտնվինք. ձեր մեջ, ուր ներկա են այնքան բարձրաստիճան հոգևոր ներկայացուցիչներ:

Այստեղ մանավանդ նաև Մեզ համար պատիվ է, որ ներկա են, պատվելու Մեզ և ձեզ բոլորիդ, Սովետ Միության մեծ դեսպանը: Առաջին պահեն արդեն վայելեցի ուշադիր և հարգալից վերաբերմունքը իրաքյան հանրապետության կառավարության: Ադիլա Մեզի և մեր եկեղեցվո համար, ընդհանրապես և մեր ժողովուրդի համար մեծ պատիվ է, և այս հիշատակը Մենք Մեզի հետ պիտի տանինք Սովետական Հայաստան: Վկայությունը պիտի տալինք նաև բոլոր նպաստավոր պաշտաններուն և ազատություններուն, զոր կվայելեն մեր եկեղեցին, Հայաստանյայց եկեղեցին այստեղ, և հայ համայնքը: Երջանիկ եղանք հաստատելու, թե մեր եկեղեցին կվայելն բոլոր նպաստավոր պաշտանները՝ զարգացնելու համար իր հոգևոր առաքելությունը և իր մշակութային և համայնքային կյանքը:

Հետևաբար արդար է, Մեր կարծիքով, որ Մեր ձայնը ձեզի հետ Մենք ալ միացնենք և գոչենք. կեցցե՛ իրաքյան հեղափոխական կառավարությունը, արևշատություն, քաջառողջություն և միշտ երկարատև հաջողություններ այս երկրի մեծ ղեկավարներուն, որոնք իրենց ողջ էությանը նվիրված են իրաքյան հայրենիքին, հառաջդիմության, բարգավաճման և առավել պայծառ ապագայի իրականացման:

Մենք կուզենք Մեր շնորհակալական խոսքը ողղել նաև ձեզի բոլորիդ, սիրելի հավատացյալներ, որ առաջին օրեն մինչև այսօր Մեզ կշրջապատեք որդիական սիրով և հարգանքով: Մեր շնորհակալությունը և զնահատանքը մասնավորապես Ազգային Կեդրոնական Վարչության այս գահոթի գերագույն հալկական մարմինին, որի նախագահն է դոկտ. Հասրաթ Միրբալյան: Հարգելի պարոն դոկտոր, ի զնահատումն Ձեր երկարամյա ծառայությանց Ձեզ կշնորհենք ս. Գրիգոր Լուսավորչի շքանշան: Դուք Ձեր կյանքի ճանապարհին մոտավորապես կեսին կգտնվիք տակավին: Այս շքանշանը Ձեր կուրծքին թող Մեր օրհնությունը հանդիսանա, և Մեր մշտական մաղթանքը, որ երկար ապրիք և ծառայեք Ձեզի այնքան սիրելի և պաշտելի ժողովուրդին և մեր ս. եկեղեցիին:


ՀԱՅՐԱՊԵՏԱԿԱՆ ՀԱՆԳԻՍԱՎՈՐ Ս. ՊԱՏԱՐԱԳ ԵՎ ՔԱՐՈՋ
ԲԱՂԳԱԴԻ ՀԱՅՈՅ Ս. ԳՐԻԳՈՐ ԼՈՒՍԱՎՈՐԻՉ ԱՌԱՋՆՈՐԴԱՆԻՍ
ԵԿԵՂԵՑՈՒՄ

Փետրվարի 3-ին, ուրբաթ օրը, ստավոտյան ժամը 10-ին, Հայոց Հայրապետը հանդիսավոր ս. պատարագ է մատուցում Բաղդադի հայոց ս. Գրիգոր Լուսավորիչ եկեղեցում:

Եկեղեցին, շրջափակը լի են հավատացյալ և հեռու շրջաններից եկած ուխտավորական բազմությամբ:

Ս. պատարագի Եկմալյան երգեցողությունը փայլուն հաջողությամբ կատարում է Բաղդադի հայոց «Կոմիտաս» երգչախումբը՝ շնորհալի ղեկավարությամբ խմբավար-ինժեներ Կարապետ Քիշմիշյանի: Պատարագի երգեցողության կատարմանն իր մասնակցությունն է բերում նաև եկեղեցու դպրաց դասը՝ խմբավար տիկին Էոմեն Ստեփանյանի գլխավորությամբ:

Ս. Սեղանին սպասարկում են տ. Հուսիկ սրբազանը, տ. Մոմիկ և տ. Ալիազ վարդապետները, բախմանից դասը և եկեղեցու ուրարակիրների խումբը:



ԱՐԾԱԹՅԱ ՀՈՒԾԱՆՎԵՐՆԵՐ ՎԵՀԱՓԱՌ ՀԱՅՐԱՊԵՏԻՆ ԲԱՂՊԱԴԻ ՀԱՅ ՀԱՄԱՅՆՔԻ ԿՈՂՄԻՑ՝ ՆՈՐԻՆ ՍՐԲՈՒԹՅԱՆ ԱՅԾԵԼՈՒԹՅԱՆ ԱՌԻԹՈՎ: ՀՈՒԾԱՆՎԵՐՆԵՐԸ ՆԵՐԿԱՅԱՑՆՈՒՄ ԵՆ ԻՐԱՔԻ ՊԱՏՄԱԿԱՆ ՀՈՒԾԱՐՁԱՆՆԵՐԸ

«Հայր մեր»-ից առաջ հոգեշունչ քարոզ է խոսում Վեհափառ Հայրապետը:

ՎԵՀԱՓԱՐԻ ՀԱՅՐԱՊԵՏԻ ՔԱՐՈԶԸ Ս. ՊԱՏԱՐԱԳԻՆ

(Փետրվարի 3-ին, ուրբաթ)

«Յանուն Հոր և Որդույ և Հոգույն սրբոյ. ամեն»:

«Փառք քեզ, Աստուած, փառք քեզ, յաղագս ամենայնի, Տէր, փառք քեզ»:

Սիրելի հավատացյալ ժողովուրդ, ահավասիկ 6—7 օրերն է վեր կատնվինք ձեր մեջ, այս պատմական քաղաքի երկնակամարի ներքև, Տիգրիսի ափերուն և ամեն օր Մեր սիրտը նոր ուրախություններով կլեցվի տարբեր առիթներով, երբ կհանդիպինք ձեզի, կհանդիպինք մեր հոգևոր եղբայրներուն, կհանդիպինք այս եկեղեցվո վարչական մարմիններուն, երիտասարդներուն, և բոլորին: Այսօր սակայն ուրախությունը կկարծեմ բացառիկ է, որովհետև սովորական պահ մը չէ այս: Ս. պատարագի պահն է, աղոթքի, հրաշքի պահ մեզի ամենուս համար: Մանավանդ այդպիսի պահերուն, մենք կբաժնվինք չափով մը մեր մարմնական էությունն և կբարձրանանք մեր զգացումներով, մեր հոգիով դեպի այս Սեղանի բարձունքը, հայցելու համար և՛ ողորմություն, և՛ օգնություն, և՛ մխիթարություն Աստուծմե: Բոլորս կատնվինք այս աղոթքի տաճարին մեջ, այս սուրբ աստվածային Սեղանի առաջ, ահավասիկ այսպիսի մի պահուն: Եվ կխորհինք թե, համաձայն էք Մեզի հետ մտածելու, հաստատելու, որ հատկապես այսպիսի պահերու մենք կզգանք, որ միայն նյութեղեն մարմին մը չէ որ ունինք, այլ մանավանդ հոգի մը, հոգեղեն էություն մը, որ Մեզի կպարզեն ամենաանջնջելի, ամենաքաղցր երջանկությունը մեզն պահերուն:

Խորապես կհասկնանք առաքյալի պատգամը՝ «զհոգին մի շիջուցանէք», հոգին մի մարեք, հոգին մի տկարացնէք, հոգին մի աղավաղեք, մի խառնէք ուրիշ անսուրբ բաներու հետ: Ահավասիկ, սիրելի ժողովուրդ, այդպիսի վերացումի պահ մը կապրինք ամենքս մեկ այստեղ, այս պահուն և հետևաբար փառք տանք Աստուծո, այս հոգեկան երանության ապրումին համար:

Քիչ առաջ Մեր ծածուկ աղոթքներու մեջ, տխրության պահ մը ապրեցանք աղոթելով ձեր սրբազան առաջնորդին, Մեր սիրեցյալ եղբայր տ. Ասողիկ արքեպիսկոպոսի առողջության համար: Տա Աստված որ իր առողջական վիճակը բարվոքվի, մինչև Մեր մեկնիլն այստեղեն և ուրախանանք միասին և դուք և Մենք:

«Էջ Միածինն է Հօրէ և լոյս փառաց ընդ մնա» ծանոթ խոսք մըն է այս ձեզի, վստահ ենք: Այսպես կսկսվի ս. Էջմիածնին նվիրված շարականը՝ այսինքն իջավ Միածինը Իր Հորմեն և Իր հետ իջավ ման լոյսին փառքը: Ծարականը կվերջանա հետևյալ շատ նշանակալից խոսքերով. «Եկայք շինեցուք սուրբ զխորանն լուսոյ, քանզի ի սմա ծագեաց մեզ լոյս ի Հայաստան աշխարհի»: Ուրեմն այս շարականը հրավեր կկարդա, կոչ կուղղե հայ ժողովուրդին, եկե՛ք, շինեցե՛ք ձեր լոյսի խորանը, ձեր աղոթքի տունը, որովհետև անոր մեջ և անով կիջնե Լույսը, Հայաստան աշխարհի վրա:

Սիրելի ժողովուրդ, այս աստվածային հրավերին առաջին պատասխանողը մեր պատմության մեջ եղավ ինքը ս. Գրիգոր Լուսավորիչը և թագա-

վորը Հայոց՝ Տրդատ: Անմիջապես քրիստոնեությունը պաշտոնապես պետական կրոն ընդունելեն հետո, 301 թվականին, անոնց առաջին գործը եղավ կառուցանել առաջին Հայկական եկեղեցին, Մայր Աթոռ ս. Էջմիածինը, մոտավորապես այն ոճով, այն կերպարանքով, ինչպես ինքը Գր. Լուսավորիչը իր տեսիլքին մեջ տեսած էր որպես Հիսուսի կողմն թելադրանք:

Եվ երկու-երեք տարիներու քրտնաջան աշխատանքներեն հետո տաճարը բարձրացավ դեպի երկինք և առաջին ս. պատարագը մատուցեց, անշուշտ, ս. Գրիգոր Լուսավորիչ 303 թվականին, ո՞վ գիտե, ինչպիսի հոգեկան փոթորկալից, հուզումնալի մթնոլորտի մեջ: Երևակայեցեք, մենք որ այսօր կհուզվինք ամեն ս. պատարագներու ընթացքին, հապա ինչպիսի՝ հոգեկան վիճակ պետք է ունեցած ըլլան այն հայերը, Գրիգոր Լուսավորչեն, Տրդատ թագավորեն և արքայական ընտանիքեն սկսյալ, ինչպիսի հոգեկան երանություն ասպրած մարդիկ, որոնք հավատացին որ վերածնան, նոր մարդեր դարձան Քրիստոսի Ավետարանին լույսով: Հավատացին Քրիստոսին, անոր Ավետարանին, հավատացին իրենց հոգիներու փրկության և հավիտենական կյանքին: Այս է արդեն մեծագույն պարգևը քրիստոնեական հավատքին: Որովհետև առանց հավիտենական կյանքի հույսի, երկրի վրա կյանքը անիմաստ է և զուցե նույնիսկ հուսահատություն: Այս քրիստոնեական պարզ ճշմարտությունները, պարզ, բայց հիմնական ճշմարտությունները երբեմն մեր առօրյա կյանքի մեջ կմոռանաք, սակայն զոհն այսպիսի աղոթքի պահերուն մեր հոգիները կցնցվին և մենք ալ կհավատանք մեր լուսահոգի նախնիքներուն պես, որ մեր կյանքը իզուր չէ այս աշխարհի վրա, որ առաքելություն մը ունինք այստեղ, երկրի վրա, ու մեզի կվերապահվի հավիտենական կյանքի փառքը մեր հավատքով և մեր բարի գործերով: Մենք կշեշտենք նաև բարի գործերը, որովհետև մեր եկեղեցին մեզի աշխատանք կուսուցանե, չի բավեր միայն հավատքը: Հավատքը առաջին պայմանն է, բայց նաև անոր պետք է զուգակցի մեր գործը: Քրիստոնեական կրոնքը միայն Աստուծո և մարդու միջև հարաբերություն մը չէ, ուխտ մը չէ, այլ կյանքի փոխադրություն մըն է, ապրելու կերպ մըն է, նոր հարաբերություն ստեղծելն է մարդկանց միջև երկրի վրա: Պողոս առաքյալ և մյուս առաքյալները միշտ կհիշեցնեն մեզի, որ մեր կյանքը վարենք քրիստոնեավալել կերպով, այսինքն Քրիստոսի Ավետարանի պատգամները պահպանենք մեր անհատական, մեր ընտանեկան, մեր հասարակական կյանքի մեջ: Քրիստոնեական առաքիճություններեն՝ բարությունը, մարդասիրությունը, կարեկցությունը, եղբայրսիրությունը, գթասարտությունը, արդարամտությունը, ճշմարտասիրությունը, ազատասիրությունը: Այս բոլորը պարզապես վերացական գաղափարներ չեն, այլ մեր ժողովուրդը զանոնք ասպրած ու կիրառած է իր պատմության ընթացքին: Մեր ամբողջ պատմությունը, մեր մշակույթը իր բոլոր դրսևորումներով ուրիշ բան չէ եթե ոչ արգասիքը քրիստոնեական այս առաքիճություններուն: Ինչպես կարելի էր առանց հավատքի հույակապ հայկական տաճարները կառուցել, կամ մեր ձեռագրերու մանրանկարները, մեր երաժշտությունը, մեր գրականությունը: Ինչպես կրնար ս. Մեսրոպյան առանց հավատքի, առանց իրական քրիստոնյա ըլլալուն երկինքեն իջեցնել ու հայոց ժողովուրդին բերել սրբազան տառերը հայկական: Ս. Գրիգոր Նարեկացին ինչպես կրնար աղոթել առանց հավատքի և քրիստոնեական հավիտենական կյանքի հույսին: Եվ տակավին ինչպես կրնար հայ ժողովուրդը իր հայրենիքը պաշտպանել և ի հարկին իր արյունը զոհել առանց նույն աղ հավատքին: Եվ շատ հատկանշական է, որ

Վարդան Մամիկոնյանին նվիրված շարականը կրավի այս խոսքերով. «Նորահրաշ պատկառու և զորագլուխ առաքինեաց»: Տեսեք հակառակ որ խոսքը զորավարի մասին է, խոսքը Ավարայրի դաշտին մեջ մղված պատերազմի մասին է, բայց շարականագիրը շեշտը կոնն Վարդան Մամիկոնյանի ոչ թե զինվորականի հատկություններում վրա, ոչ իսկ անոր քաջության վրա, կամ անոր կազմակերպչական ոգիի վրա, կամ իր հայրենասիրության, այլ կկոչե զայն «զորագլուխ առաքինեաց», այսինքն առաքինություններու զորագլուխ: Քրիստոնեական առաքինություններում մասին է խոսքը, անշուշտ որովհետև Վարդան Մամիկոնյան, իր արյունը զոհեց և հայրենիքը պաշտպանեց մանավանդ իր մեծ հոր թարգմանած ս. Գիրքը պաշտպանելու համար: Եվ ահավասիկ անգամ մը ևս ուրախանանք ձեզի հետ մեկտեղ որ հայ քրիստոնյա ենք և զավակները մեր Հայաստանյայց առաքելական Մայր եկեղեցու: Չկա ոչ մեկ հայ գաղութ ի սփյուռս աշխարհի որ չունենա իր աղոթքի տունը և ասիկա տակավին հին դարերեն սկսյալ, նույնիսկ 7-րդ դարեն սկսյալ, բայց մանավանդ Ամիի գաղթականությունեն հետո, այսինքն 11-րդ դարեն վերջ:

Այսպես է ապրած հայ ժողովուրդը, այսպես ենք ապրած մենք դարերու ընթացքին: Այս հրավերին պատասխանեցիք նաև դուք, Իրաքի հայերդ և կառուցեցիք ձեր եկեղեցիները տասնամյակներ առաջ և տակավին կշարունակեք այդ եկեղեցաշինական աշխատանքը: Ահավասիկ ապացույց՝ այս փառավոր, սքանչելի եկեղեցին, այս աղոթքի տունը, որ պատիվ կբերե ձեզի և զարդերեն մեկն է նաև այս հինավուրց պատմական Բաղդադ քաղաքին:

Մենք անհունապես մխիթարված ենք, տեսնելով նորակառույց այս ս. տաճարը շնորհիվ իրաքյան բարեխնամ կառավարության ընձեռած բոլոր դյուրություններում և ազատություններում: Մենք կգովենք ձեր շինարար ոգին, ձեր աշխատանքի եռանդը, ձեր կորովը, ձեր քրիստոնեական հավատքը, ձեր հայկական ոգին: Հատկապես Մենք Մեր օրհնությունը կբերենք այն բոլոր բարերարներում և նվիրատուներում, որոնք նպաստեցին նյութապես կամ բարոյապես այս շինության կառուցման: Մեր օրհնությունը մասնավորապես եկեղեցական-վարչական մարմիններում, ազգային կեդրոնական վարչության հարակից հանձնախումբերու անդամներում, տիկնանց միության, բոլոր բարերարներում, որոնք նվիրաբերած են իրենց նյութական միջոցները: Մենք վստահ ենք, որ այս եկեղեցին հետզհետե ավելի պիտի բարեզարդվի ու գեղեցկանա: Մենք խոստացանք մոտ ապագային Մայր Աթոռ ս. Էջմիածնեն հայկական ռճով երեք սրբանկարներ ուղարկել, որպեսզի զետեղվին այս պատերում վրա: Հույս ունենք, որ մեկ տարվա ընթացքին Մեր այդ փափազը կկատարվի և դուք ալ հոգեկան հրճվանքը պիտի ունենաք, տեսնելու հայկական ռճով սրբանկարներ ձեր այս տաճարին մեջ, տաճար որ ինքը կառուցված է հայկական դասական ռճով:

Սիրելի ժողովուրդ, ձեզի բոլորիդ կրկին անգամ կբաշխենք Մեր օրհնությունները Մայր Աթոռ ս. Էջմիածնեն, ձեզի ամենուր քաջառողջություն, արևշատություն, ձեր բոլոր առաքինի գործոց հաջողություն, ձեր ընտանեկան հարկերեն ներս սեր և խաղաղություն, նաև սեր և խաղաղություն ձեր համայնքի կյանքին մեջ, ներդաշնակ և համերաշխ գործակցությամբը գաղութիդ բոլոր կենդանի ուժերում: Մեր ուժը միության մեջ է, ներքին համերաշխության մեջ, ներքին գործակցության մեջ: Ուր միություն և եղ-

բայրական սեր կա, այնտեղ կա նաև Աստուծո օրհնությունը, Աստուծո օգնականությունը: Պիտի բաժնվինք ձեզմե բանի մը օրերեն, բայց վստահեղեն որ անջնջելի տպավորություններ պիտի տանինք Մեզի հետ, միշտ հիշելով ձեզ՝ սիրով, կարոտով և խանդավառ սրտով, և համոզմամբ, որ դուք և ձեր զավակները և ձեր թոռները, և ձեր թոռներուն զավակները հավիտյան շեն և պայծառ պիտի պահեն այս սուրբ եկեղեցին և միշտ պիտի հնչեցնեն մեր հոգեշարժ շարականները, մեր բաղցր հայերեն լեզվով:

Ձեզ բոլորիդ փալուն հաջողություններ:

«Շնորհք, սեր և խաղաղություն Տեառն մերոյ Յիսուսի Քրիստոսի Լոյցի ընդ ձեզ: Ամէն»:

Ա. պատարագից հետո Հայոց Հայրապետը առաջնորդարանի դահլիճում ընդունում է ժողովրդի հոծ բազմությանը, որն աջամամբույրով ստանում է Նրա օրհնությունները:

ԻՐԱՔԻ ՀԱՅ ԵՐԿՍՏԵՐ ԵՐԻՏԱՍԱՐԿԱՅ ՄԻՈՒԹՅԱՆ ՀՅՈՒՆԵՐԿԱՆ ՀԱՐԿԻ ՏԱԿ

Փետրվարի 3-ին, ուրբաթ օրը, երեկոյան ժամը 20-ին, Իրաքի Հայ երկսեռ երիտասարդաց միությունը իր սեփական շենքի ընդարձակ հարկի տակ, ի պատիվ Հայոց Հայրապետի, ընդունելություն է կազմակերպում մասնակցությամբ շուրջ 400 նրավիրյալների:

Ծանապարհին Վեհափառ Հայրապետը կրկին անգամ այցելություն է տալիս Իրաքի Հ. Բ. Ը. Միության նորակառույց շենք, ուր Նրան դիմավորում և ողջունում է Միության պատվո նախագահ և ս. Գրիգոր Լուսավորչի շրանշանակիր Էրջանիկ Թափրյանը և առաջնորդում նորակերտ շենքի բոլոր բաժինները:

Նորին Սրբությունն Իր գոհունակությունն է հայտնում այստեղ կատարված Միության շինարարական և մշակութային գործունեության համար և բարձր գնահատում Հ. Բ. Ը. Միության և նրա ցկյանս նախագահ, Մայր Աթոռի էլ բարերար և Իր անձնական բարեկամ տիար Ալեքս Մանուկյանի ազգօգուտ և բարեսիրական ծառայությունները մեր ժողովրդին:

Ժամը 20-ին Հայոց Հայրապետն Իր շքավմբով ժամանում է Իրաքի Հայ երկսեռ երիտասարդաց միության շենքի դարբասի առաջ, ուր ընդունվում է Ազգային Կենտրոնական Վարչության և Երիտասարդաց Միության վարչական անդամների կողմից խանդավառ ծափողջույններով և մուտք գործում գեղեցկորեն զարդարված ընդունելության ընդարձակ դահլիճ, մինչ թեմից հենում էր հուզումնաթաթախ հայրենակարոտ երգը՝ «Բարի եկար, սիրուն կունկ, ի՞նչ լուր բերիր հայրենիքես»:

Արցունք կար և հայրենասիրական խոր կարոտ բոլոր ներկաների աչքերում ու սրտերում:

Ճաշկերույթն սկսվում է Հայոց Հայրապետի օրհնությամբ: Սեղանների շուրջ ստեղծվում է ջերմ, հայկական տաքուկ մթնոլորտ: Սեղանը ղեկավարում է դոկտ. Հասարա Միքայելյանը:

Վարչության նախագահ **Վանական Հակոբյանը**, հանուն միության ողջ անդամների, համակիրների և բոլոր ներկաների, ողջունում է Հայոց Հայրապետի շնորհաբեր ներկայությունը՝ ասելով.

ՎԱՆԱԿԱՆ ՀԱԿՈՒՅԱՆԻ ՈՂՋՈՒՅՆԻ ԽՈՍՔԸ

Վեհափառ Տե՛ր,

Այսօր, այս պահուն, մեր Միության գործունեության վրա չեմ ծանրացար, որովհետև քանի մը օրեն ավելի հանգամանորեն այդ պիտի ընենք մեր մասնավոր երեկոյին: Մինչ այդ, սակայն, կիսնդրենք Ձեզմե, Վեհափառ Տե՛ր, որ օրհնեիք մեր այս հայկական օջախը, մեր կազմակերպությունը, մեր անդամները, մեր թատերասերները, մեր երգչախումբը, մեր գրական-գեղարվեստական հանձնախումբը, մեր տիկնանց հանձնախումբը և գրադարանի հանձնախումբը, որպեսզի անոնք շարունակեն իրենց ազգային պարտականությունները՝ ծառայելով հայ մշակույթին, հայ ժողովուրդին և մեր հայրենիքին՝ Իրաքին:

Մեր կրկնակի շնորհակալությունները կհայտնենք Ձեզի՝ մեզ այս վաղեքին արժանացուցած ըլլալնուդ համար՝ մաղթելով Ձեզ արևշատություն, առողջություն և հաջողություն:

Թույլ տվեք մույնպես մեր երախտագիտական խոսքը ուղղելու իրաքյան մեր հայրենիքի պետերուն՝ գլխավորությամբ նախագահ Ահմատ Հասան Էլ Բաքրին և Հեղափոխության խորհուրդի փոխնախագահ Սաութամ Հյուսեյնին, որ առիթը տվին հանդիպելու մեր սիրելի Հայրապետին:

Նմանապես շնորհակալություն կհայտնենք մեր Ազգային, Կեդրոնական Վարչության, որ այս գեղեցիկ գաղափարը ունեցավ Ձեզի Իրաք հրավիրելու:

Բարի եք եկեք, հազար բարի, սիրելի Հայրապետ:

Ապա գործադրության է դրվում հայերեն և արաբերեն արտասանություններից, մեներգերից բաղկացած գեղարվեստական մի հարուստ հայտագիր՝ բազմապատկելով ներկաների ոգևորությունն ու խանդավառությունը:

Գեղարվեստական ծրագրից դուրս այստեղ էլ «Էջմիածին» ամսագրի խմբագիր և դասախոս Աթթուն Հատիտյանը հրավիրվում է ներկաներին և մանավանդ հայ երիտասարդությանը ուղղելու իր սրտի ջերմ խոսքը՝ վեր հանելով նաև Հայոց Հայրապետի գահակալության անցնող 23 տարիների ընթացքում Մայր Աթոռում կատարված եկեղեցաշեն, հայրենամակեր, մշակութային-կրթական, հրատարակչական, խաղաղասիրական և միջեկեղեցական գործունեության բազմաբովանդակ երեսները՝ ի փառս մեր եկեղեցու պայծառության և ի շահ մեր ազգային-եկեղեցական միասնության:

Ընդունելության վերջում խոսք է առնում Վեհափառ Հայրապետը, իր սրտի գոհունակությունն ու ուրախությունն է հայտնում այս ուրախ և պատմական հանդիպման համար և սրտագին բարեմաղթություններ անում հայ երիտասարդներին, բաշխելով իր օրհնությունները:

ԱՅՑ ՄԵՅՐԱՆԻ ՀԱՅՈՑ Ս. ԱՍՏՎԱԾԱԾԻՆ ԵԿԵՂԵՑԻ

Փետրվարի 4-ին, շաբաթ օրը, առավոտյան ժամը 11-ին, Վեհափառ Հայրապետն այցելում է Մեղրանի հայոց ս. Աստվածածին եկեղեցի, որը կառուցված է 1638 թվականին և համարվում է այդ թվականին Բաղդադի մեջ առաջին և միակ քրիստոնեական աղոթավայրը, ուր իրենց կրոնական պաշտամունքներն արտոնված են եղել կատարել նաև քույր եկեղեցիները՝ Էկումենիկ զմայելի ոգով:

Մեղյանի ս. Աստվածածին եկեղեցու շինությունը վերագրվում է թնդացոթածիգ հրամանատար սերաստացի Գևորգ Նազարեթյանին, որը Սեբաստիայի ս. Նշան վանքից բերել է տալիս նաև Քառասուն Մանկանց մատեններից նշխարներ և զետեղում այն եկեղեցու արևմտյան պատի մեջ: Այդ օրից սկսած ս. Աստվածածին եկեղեցին հանդիսանում է սրբավայր Բաղդադի քրիստոնյա և ոչ քրիստոնյա ազգաբնակչության համար: Ա. Քառասուն Մանկանց նշխարքը զետեղված է ութանկյուն մարմարյա մի արկղի մեջ և կրում է ՌԵԺԲ թվականի արձանագրությունը:

Վերջին տարիներին ս. Աստվածածին եկեղեցին վերանորոգված է հիմնովին տիկին Մաղիկ Գույումջյանի ցանկությամբ, իր բոլոր որդի Արամ Դարիբյանի նախաձեռնությամբ, որը գնում և եկեղեցուն է նվիրում նաև եկեղեցուն առընթեր 84 քմ հողամասը:

ԾԱՆԿԵՐՈՒՅԹ ԾԵՐԱՆՈՑԻ ՀԱՐԿԻ ՏԱԿ

Նույն օրը, երեկոյան ժամը 20-ին, Ռեճինե Կարապետ Իսկենդերի կուսակի Վերին մարմնի անդամները այս անգամ շրեղ ճաշկերությոլ պատվում են Հայոց Հայրապետին՝ մասնակցությամբ Բաղդադի հին և նոր սերնդի շուրջ 200 հրավիրյալների:

Ընդունելության ժամանակ, հանուն Վազգֆի վերոնիշյալ վարչության, որը գործում է առաջնորդ տ. Ասողիկ արքեպիսկոպոսի անմիջական նախագահության ներքո, Հայոց Հայրապետին համառոտակի, բայց ամբողջական ձևով կուսակի մասին մանրամասնություններ է հաղորդում առաջնորդարանի գրասենյակի տնօրեն և կուսակի Վերին մարմնի ընդհանուր քարտուղար Պարույր Օրջանյանը:

Հայոց Հայրապետի պատվին տրված սույն ճաշկերության անցնում է խանդավառ և շինիչ մթնոլորտում՝ արժանանալով Նորին Սրբության օրհնությամբ և մասնավոր գնահատանքին:

Կուսակի և ձերանցի պատվարժան Տիկնանց վարչությունն ամեն ջանք թափել էին՝ ներկայանալի և հաճելի դարձնելու համար սույն ընդունելությունը: Այս առթիվ Հայոց Հայրապետը և բոլոր հրավիրյալները պատվասիրվեցին Տիգրիս գետի համեղ Շապուտ ձկան (Մագլուֆ) խորովածով:

ՀԱՅՐԱՊԵՏԱԿԱՆ ՔԱՐՈՋ Ա. ԳՐԻԳՈՐ ԼՈՒՍԱՎՈՐԻՉ ԵՎԵՂԵՑՈՒՄ

Փետրվարի 5-ին, կիրակի.—Բուն Բարեկենդան.

Ա. Գրիգոր Լուսավորիչ եկեղեցու փակ խորանի առաջ պատարագ է մատուցում շրախմբի անդամ և Վեհափառ Հայրապետի գալազանակիր տ. Մոմիկ վրդ. Սարգսյանը:

Ա. պատարագի ավարտին Հայոց Հայրապետի հրամանով տ. Պաակ արքեպ. Թումայանը մասնավոր վարդապետական չորս աստիճաններ է շնորհում Մայր Աթոռի միաբան տ. Ավագ արդ. Ասատուրյանին՝ խարոս-վիլակությամբ տ. Հուսիկ եպս. Սանթրոյանի:

Արարողության ավարտին Վեհափառ Հայրապետը քարոզում է Մեծ պահոց շրջանի աղոթքի և ապաշխարության կարևորության մասին և հրավիրում հավատացյալներին ապրել ապաշխարության այս շրջանը սուրբ

խոնամով՝ արժանանալու համար, որպես եկեղեցի և ժողովուրդ, Քրիստոսի հրաշափառ սուրբ Հարության շնորհներին:

Այսպես Հայոց Հայրապետը շնորհավորում է նորընծա տ. Ավագ վարդապետին՝ մաղթելով, որ նա հետագայում գործի Բաղդադի հայ համայնքի ծոցում իբրև «մշակ առանց ամօթոյ», որպես հարազատ զավակն ու քաղաքացին այս օրհնյալ հողի և հավատարիմ պաշտոնյան՝ Հայաստանյայց առաքելական եկեղեցու և Մայր Աթոռ ս. Էջմիածնի:

**Ի ՊԱՏԻՎ ՀԱՅՈՑ ՀԱՅՐԱՊԵՏԻ ԸՆԴՈՒՆԵԼՈՒԹՅՈՒՆ
ԲԱՂԴԱՐԻ ԿԱԹՈՂԻԿԵ ՀԱՅՈՑ ԱՌԱՋՆՈՐԴԱՐԱՆՈՒՄ**

Նույն օրը, ժամը 13-ին, Բաղդադի հայ կաթողիկե առաջնորդ տ. Հովհաննես արքեպ. Գասպարյանն առաջնորդարանում Հայոց Հայրապետին պատվում է ճաշկերույթով, որին հրավիրվել էին նաև շուրջ 20 պաշտոնական այլ անձինք՝ շքախմբի անդամներից և Ազգային Կենտրոնական Վարչությունից:

Անարատ Հղության քույրերն ամեն ջանք ի գործ էին դրել՝ Հայոց Հայրապետին պատվելու համար հայկական ընտանեկան ավանդական համադամներով:

Ընդունելության ժամանակ տ. Հովհաննես արքեպիսկոպոսը խոսք առնելով այս ուրախ առիթով ասում է.

Տ. ՀՈՎՀԱՆՆԵՍ ԱՐԲԵՊ. ԳԱՍՊԱՐՅԱՆԻ ԽՈՍՔԸ

Վեհափառ Տե՛ր,

Սրտագին ողջույնս Ձեզի և Ձեզի ընկերակցող շքախմբին հարգո՛ւմ անդամներուն: Եվ իմ խոնարհ անձիս ընդմեջեն ընդունեցե՛ք, Վեհափառ Տե՛ր, հարգալիք ողջույնը հայ կաթողիկե համայնքի բոլոր զավակներուն՝ առաքինազարդ հայ քույրերու և սիրելի վարդապետներու:

1975-ին պատիվն ու ուրախությունը զգացի, Ձեր պատվո հյուրը ըլլալու, երբ ապրեցա փառահեղ Վեհարանին հարկին տակ, հավետ հիշատակելի օրեր, որոնք խորապես դրոշմեցին հայ հոգևորականիս կյանքը: Հոն բացառիկ առիթն ունեցա ճանչնալու Ձեզ և տեսնելու Ձեր անձին մեջ հրաշալիորեն ընդելուզված մեծությունը՝ խոնարհամտության հետ, հեղինակությունը՝ քաղցրության հետ, և վեհությունը՝ պարզության հետ: Եվ այս է՝ հարազատ, տպավորիչ, առնչման և լուսաշող պատկերը ճշմարիտ Հովվապետի:

Վեհափառ Տե՛ր, համայնատարած գաղափար մը ծագած է ամենուրեք, որով բոլոր հայերը, որևէ հարանվանության որ պատկանին, կգիտակցին, թե անմահ Լուսավորչին հարազատ որդիներն են և հայ ազգին հարազատ զավակները: Հպարտ եմ մատնանշելու որ առաջին այն օրեն, ուր Աստված հանձնեց ինձի Բաղդադի հայ կաթողիկե համայնքին հովվական պաշտոնը, ջանացի մշակել քույր համայնքին հետ և իր շատ սիրելի բարեխնամ առաջնորդ գերազնորն Աստղիկ արքեպ. Ղազարյանի հետ ոչ միայն քաղաքավարական հարաբերություններ, այլ նաև բեղուն համագործակցություն: Վկա եմ Ազգային Ժողովի պատվարժան անդամները:

Ապրեցանք միասին դժվարին պահեր՝ նորանոր հեղաշրջումների հետևանքով, հատկապես դաստիարակչական գետնի վրա: Խորհրդակցե-

ցանք, միասնաբար գործեցինք որպեսզի պանծալի մեր հայ լեզուն միշտ ուժգին հնչեր մեր զույգ հայ վարժարաններու մեջ:

Հուսով եմ, որ երկրիս պատասխանատուներուն հետ ունենալիք Ձեր տեսակցությունը արգասավետ իր արդյունքը բերե, որպեսզի շարունակվի հայ դպրոցներեն ներս, հայ դաստիարակչական նվիրական և սրբազան առաքելությունը:

Կմաղթեմ, որ Ձեր այս առաջին հովվական այցելությունը նոր խանդ, նոր կենսունակություն ներշնչե Տիգրիսի ափերուն վրա ապրող բոլոր հայրուն:

Ձեզի, Վեհափառ Տե՛ր, երկար տարիներ՝ աստվածային շնորհքներով առյցուն երկնային մխիթարություններով ողողուն և եկեղեցաշեն գործերով ու բոլոր հաջողություններով պսակյալ:

Ապրիք, Վեհափառ Տե՛ր, երկար ապրիք:

Հայոց Հայրապետի ներկայությունը որդիական ջերմ խոսքով և ակնածանքով ողջունում է նաև հայ կաթողիկե երիտասարդ հոգևորական տ. Անտոն վարդապետ Աղամյանը:

Վերջում խոսք է առնում նաև Հայոց Հայրապետը, Իր շնորհակալությունն ու գոհունակությունը հայտնում այս ջերմ ընդունելության և սիրալիր հյուրասիրության համար:

Այնուհետև Հայոց Հայրապետն այցելում է նաև հայ կաթողիկե առաջնորդարանին առընթեր Անարատ Հղության հայ մայրապետների վանատուն, ուր մեծարվում է նրանց պատրաստած անուշեղեններով ու հրաժեշտ առնում՝ օրհնելով նրանց կատարած կրթական գործը:

*
*
*

Փետրվարի 5 և 6 օրերին Վեհափառ Հայրապետն ընդունում է մի շարք պաշտոնական այցելություններ, այդ թվում՝ Իրաքում Նորվեգիայի հյուպատոս **Աբամ Սեմերճյանի**, ապա Մոսկվի հայոց ս. Լջմիածին եկեղեցու հոգևոր հովիվ տ. **Գյուտ քհն. Գարայանի** և թաղական խորհրդի ատենապետ **Անդրանիկ Գրիգորյանի** և անդամ **Վաղինակ Կարապետյանի**:

ԳՐԱԿԱՆ-ԳԵՂԱՐՎԵՍԱԿԱՆ ԵՐԵԿՈՒՅԹ՝
Ի ՊԱՏԻՎ ՀԱՅՈՅ ՀԱՅՐԱՊԵՏԻ

Փետրվարի 7-ին, երեքշաբթի օրը, երեկոյան ժամը 20-ին, Բաղդադի Հայ երկսեռ երիտասարդաց միությունն իր ակումբի սրահում Հայոց Հայրապետին պատվում է գրական-գեղարվեստական մի հաճելի երեկոյթով, որին ներկա են լինում ավելի քան 500 հրավիրյալներ:

Հանդիսության բացումը կատարում է և այն ղեկավարում **Պարույր Հակոբյանը**, որն իր ողջույնի խոսքի մեջ ասում է.

ՊԱՐՈՒՅՐ ՀԱԿՈԲՅԱՆԻ ԽՈՍՔԸ

Վեհափառ Տե՛ր,

Համում Պ. Հ. Ե. Ե. Միության վարչության և անդամներուն բարի գալուստ կմաղթենք Ձեզ, Ձեր հայրական օրհնաքեր այցելության առիթով:



ՏԵՐ ԵՎ ՏԻԿԻՆ ԹԻԵՐԻՆԵՐԻ ԿՈՂՄԻՑ (ՓԱՌԻՋ) ՄԱՅՐ ԱԹՈՐԻ
ԹԱՆԳԱՐԱՆԻՆ ՆՎԻՐՎԱԾ ԿԻԼԻԿՅԱՆ ՀԱՅ ԹԱԳԱՎՈՐՈՒԹՅԱՆ ԾՐՋԱՆԻ
ԱՐԾԱԹՅԱ ՄԻ ՄԵՂԱԼԻՈՆ (ԺԳ ԴԱՐ)

Այս պահուս մեր օրերը լեցուն են ուրախությամբ և հպարտությամբ: Անմախքնաբար դեպք մըն է մեր Միության հիսունամյա պատմության մեջ: Այսօր Հայոց Հայրապետը այցի կուգա մեր օջախը: Բախտավոր ենք մենք՝ այս օրերու պատասխանատուները և անդամները, որ կվայելենք այս ազգային-եկեղեցաշունչ խանդավառիչ պահը:

Սիրելի Հայրապետ, մեր Միությունը մշակութային հաստատություն մըն է: Հպարտորեն կհայտարարենք, որ ան եղած է իրաքահայ տարեգրությանց պատմության մեջ առանձին տեղ գրավող այն հաստատությունը որ, կառչելով հայկական տոհմիկ ավանդություններուն տված է երիտասարդության և ժողովուրդին, այն, ինչ մշակույթին կծառայե, այն, ինչ մարդ կկերտե, այն, ինչ հավատարիմ քաղաքացիներ կպատրաստե մեր Իրաքի պետության:

Երեկույթը բաղկանում էր երկու մասից:

Առաջին բաժնում հանդես է գալիս «Կոմիտաս» երգչախումբը, որը **Կարապետ Քիշմիշյանի** ղեկավարությամբ մեծ հաջողությամբ կատարում է Կոմիտաս վարդապետի Հայրապետական մաղթերը՝ «Ամեն հայի սրտից բխած», Բարսեղ Կանաչյանի «Ծիծեռնակ», «Գարուն եկավ» և «Նանոր», ինչպես նաև Առնո Բաբաջանյանի «Ազգ փառապանած» երգերը:

Հանդիսության երկրորդ բաժնում հանդես է գալիս տիկին **Ծաթե Արծիվյանը**, որն իր գեղեցիկ խոսքի մեջ հյուսում է հայ եկեղեցու կատարած դերի գույքը մեր ժողովրդի կյանքում:

ՏԻԿԻՆ ԾԱԹԵ ԱՐԾԻՎՅԱՆԻ ԽՈՍՔԸ

Հայ իրականության ամենեն ազդեցիկ երևույթներեն մեկը եղած է հայ եկեղեցվո առաջնակարգ դերը դարերե ի վեր: Այդ դերը չէ երկրորդակաճացած ու այս պարագաներում տակ չի ալ կրնար երկրորդականանալ: Ամեն ժամանակե ավելի հայը, սիյուտքի մեջ ըլլա ան թե հայրենիքեն ներս, կարիքը ունի հայ եկեղեցվո հովանավոր շուքին, հոգիին, սկզբունքներուն ու խորհրդանիշին: Որովհետև հայ եկեղեցին, Աստծո տունը ըլլալով հանդերձ, կրցած է նաև հայկյան զգեստներ հագնիլ, հայ Աստված մըն ալ ունենալ ու հայերեն խոսիլ: Աշխարհի չորս ծագերուն ցրված հայուն համար իր հայությունը նույնացած է իր եկեղեցիին արարողություններուն հետ, անոր աստվածաշունչ շարականներուն հետ, անոր զանգակներու դողանցներուն հետ: Հայ եկեղեցին հոմանիշը եղած է հայության ու ձուլված են իրարու մեջ հավատքն ու հույսը, սերն ու պատմությունը մեր ամբողջ ազգին՝ սկսյալ Լուսավորչի օրերեն, անցնելով Մաշտոցի, Խորենացիի, Նարեկացիի, Ծնորհալիի, Երզնկացիի, Խրիմյանի աշխարհներեն ու հասնելով մինչև մեր օրերը:

Հայ եկեղեցին փոթորիկներու դեմ կեցող պատնեշը եղավ հայ ազգին, կորսված հայուն փարոսը դարձավ, լուսաստղը, որ առաջնորդեց զինք դեպի նավահանգիստ, հոգեկան խաղաղություն: Մեր պատմության մութ էջերը լուսավորվեցան իր կանթեղով ու հայը հոն գտավ ինքնություն, սփոփանք, ջերմություն ու միություն:

Այնուհետև հարգելի տիկինը ներկայացնում է Երիտասարդաց Միության 50-ամյա գործունեությունը բոլոր բնագավառներում:

Ապա գործադրության է դրվում նաև երգերից, արտասանություններից կազմված մի գողտրիկ ծրագիր՝ հանդիսության ավարտին արժանանալով Վեհափառ Հայրապետի գնահատությանն ու շնորհավորությամբ:

ԸՆԴՈՒՆԵԼՈՒԹՅՈՒՆ ՍՈՎԵՏԱԿԱՆ ԳԵՄՊԱՆԱՏԱՆ ՄԵՋ

Փետրվարի 8-ին, չորեքշաբթի օրը, երեկոյան ժամը 18-ին, Սովետական Միության լիազոր դեսպան Անատոլի Բարկովսկին դեսպանատան մեջ, ի պատիվ Հայոց Հայրապետի, կազմակերպում է ընդունելություն, որին հրավիրվել էին պապական նվիրակ մոնսեյնյոր տ. Ժան Ռյուսլ արքեպիսկոպոսը, Ազգային Կենտրոնական Վարչության և այլ հայ կազմակերպությունների ղեկավարներ ու ներկայացուցիչներ:

Ընդունելությանը ներկա էին նաև Իրաքի կառավարության մոտ օտար շուրջ 14 երկրների հարգելի դեսպանները:

Ընդունելությունն անցնում է ջերմ մթնոլորտում:

ՈՂՋԵՐԹԻ ՃԱՇԿԵՐՈՒՅԹ՝ Ի ՊԱՏԻՎ ՀԱՅՈՑ ՀԱՅՐԱՊԵՏԻ

Հայոց Հայրապետի այցելության օրերը Բաղդադ անցան երազի նման արագ, քայց հոգելից, բովանդակաշատ և հուզիչ:

Գաղութն իր ամբողջությամբ տեսավ, լսեց Հայոց Հայրապետին և ապրեց անխառն ուրախության, ազգային հպարտության բազում անուշ պահեր:

Փետրվարի 9-ին, հինգշաբթի օրը, ժամը 13-ին, Նորին Սրբությունը մեկնում է: Հայոց Հայրապետը եկավ, տեսավ իր ժողովրդի բարգավաճ, խաղաղ, եկեղեցաշեն և բարեգործական-մշակութային կյանքը, նրա ամբողջ խանդավառությունը՝ հայատրոփ իր միասնության մեջ այս օրհնյալ հողի վրա, որ Իրաքն է, նրա կառավարության իմաստուն և ժողովրդասեր պաշտպանության և հովանու ներքո:

Լի է Հայոց Հայրապետի սիրտը երախտագիտությամբ դեպի այս երկրի բարձրաստիճան ղեկավարները, դեպի արաբ եղբայրական ժողովուրդը, լի է Նրա հայրական սիրտը դեպի իր հարազատ իրենց մայր հայրենիքը, գավակները, որոնք սիրում են Իրեն, սիրում Մայր Աթոռ ս. Էջմիածինը և պահում են անաղարտ իրենց պապերի հավատքն ու ավանդությունները:

Այս առթիվ Ազգային Կենտրոնական Վարչությունը հրաժեշտի ընդունելություն էր կազմակերպել առաջնորդարանի գեղեցիկ դահլիճում՝ մասնակցությամբ ավելի քան 120 հրավիրյալների:

Հանուն Ազգային Վարչության և Բաղդադի ողջ հայության մի անգամ ևս Հայոց Հայրապետին ողջունում է դոկտ. Հասրաթ Միքայելյանը և բարի ճանապարհ մաղթում՝ երախտագիտություն հայտնելով Նրան, որ իր պատմական այցելությամբ օրհնեց, մխիթարեց Իրաքի ողջ հայությանը, հայություն, որն իր սրտի մեջ տարիներ շարունակ որդիական երախտագիտությամբ պիտի հիշի Նորին Սրբության այս շնորհաբեր այցելությունը:

Հուզվել են բոլորը հրաժեշտի այս պահին: Արցունք կա բոլորի աչքերում, ուրախության և հպարտության արցունք:

Եկավ, տեսավ և ահա գնում է Հայոց Հայրապետը՝ խորապես լավատես, խանդավառ՝ իր ժողովրդի կյանքով, ներկայով և ապագայով:

Նույն պահին Հայոց Հայրապետը տալիս է իր պատգամը և օրհնությունը, որոնք ընդունվում են հարգանքով և քարեպաշտ երկյուղածությամբ:

Այս առթիվ Հայոց Հայրապետն իր մասնավոր գնահատությանն է արժանացնում Ազգային Կենտրոնական Վարչության, Հ. Բ. Ը. Միության, Հայ Ե. Ե. Միության և այլ հայկական կազմակերպությունների կատարած համերաշխ ու շինարար աշխատանքը՝ ի միասնություն և ի քարգավաճումն իրաքի հայության եկեղեցական և մշակութային կյանքի՝ Մարտի 1-ին և Էջմիածնի օրհնության ներքո:

Հայոց Հայրապետը իր մասնավոր ուշադրությանն է ներկայացնում նաև Ռեճինե Կարապետ Իսկենդեր կտակը կյանքի կոչած և այդ խղճով ու պատվով գլուխ քերած Արթուր Ծախիճյանի անշահախնդիր ծառայությունը՝ նրան շնորհելով ս. Գրիգոր Լուսավորչի Ա կարգի շքանշան: Արթուր Ծախիճյանի բացակայության պատճառով Հայոց Հայրապետի ձեռքից հուզումով և երախտագիտությամբ շքանշանը ստանում է նրա հարգելի տիկինը՝ Արաքսի Ծախիճյանը՝ բոլոր ներկաների խանդավառ ծափերի և երախտագետ արտահայտությունների ներքո:

ՄԵԿԵՆՈՒՄ ՀԱՅՈՑ ՀԱՅՐԱՊԵՏԻ

Փետրվարի 9-ին, հինգշաբթի օրը, ժամը 14-ին, Վեհափառ Հայրապետը հրաժեշտ է տալիս այս պատվական ու պատմական գաղութին և մեկնում Փարիզ՝ տ. Հուսիկ եպս. Սանթրուրյանի ուղեկցությամբ:

Ժամը 13-ին Վեհափառ Հայրապետը առաջնորդվում է ս. Գրիգոր Լուսավորչի եկեղեցի և, աղոթելուց հետո, մեկնում Բաղդադի միջազգային օդանավակայան:

Վերջին րոպեներն են: Ղողանջում են եկեղեցու զանգերը: Բոլոր ներկաներն աջահամբույրով ստանում են Հայոց Հայրապետի օրհնությունները:


Վեհափառ Հայրապետը մի անգամ ևս օդանավակայանում ընդունում է իրեն ճանապարհող եկեղեցական և պետական պաշտոնական անձնավորություններին:

Հեռանում է Հայոց Հայրապետն այս երկրից ու այս ժողովրդից՝ մխիթարված, որ կենդանի է, կենսուրախ, քարօր ու խաղաղ այս պատվական հայ գաղութը, հավատարիմ՝ իր նախնյաց հավատքին և ավանդություններին, հավատարիմ՝ որպես շինարար և օրինապահ քաղաքացին նաև այս օրհնյալ երկրի:

Վեհափառ Հայրապետը կանգնած օդանավի կամրջակի վրա մի անգամ ևս օրհնում է բոլորին:

Բարի ճանապարհ Հայոց սիրելի և աստվածարյալ Հայրապետին:





ՎԵՀԱՓԱՌ ՀԱՅՐԱՊԵՏԸ ՓԱՐԻԶՈՒՄ

Վեհափառ Հայրապետը հունվարի 28-ից մինչև փետրվարի 9 օրերին Բաղդադ կատարած հովվապետական իր այցելությունից հետո մեկնում է Փարիզ՝ Մայր Աթոռի վերաբերյալ կարևոր գործերով զբաղվելու համար։

Փարիզի Ծաղ դը Գոյի անվան օդանավակայանում Հայոց Հայրապետին դիմավորում է և բարի գալուստ մաղթում Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ **տ. Սերովրե արքեպ. Մանուկյանը**՝ ընկերակցությամբ հայրապետական պատվիրակի ընդհանուր փոխանորդ **տ. Գյուտ Լապ. Նազգաշյանի, տ. Ներսես Ժ. վրդ. Բապունյանի, տ. Նորվան վրդ. Զաքարյանի, տ. Գրիգորիս վրդ. Բունիաթյանի, տ. Մեսրոպ և տ. Պարզ քահանա հայրերի**։

Հայոց Հայրապետին դիմավորում և բարի գալուստ են մաղթում Փարիզի և շրջակայքի Հայաստանյայց առաքելական եկեղեցու Կրոնական Ընկերակցության ներկայացուցչական և վարչական ժողովների անդամները, Փարիզի Մշակութային կազմակերպությունների, հայ մամուլի, ազգային-կրթական զանազան հաստատությունների ներկայացուցիչներ։

Հայոց Հայրապետին ողջունում և բարի գալուստ են մաղթում նույնպես. Փարիզի Ֆրանսուա Մարտի կարդինալի անունից՝ **մոնսենյոր Հյուլը**, հույն օրթոդոքս արքեպիսկոպոսի անունից՝ **տ. Երեմիա Լաիսկոպոսը**, Մոսկվայի ռուսաց պատրիարքության անունից՝ հայր **Բուրուրուզը**, հայ կաթողիկե Եպիսկոպոսի անունից՝ **Աթանաս վրդ. Քեսենյանը**, և ուրիշներ։

Հանուն Ֆրանսիական կառավարության Հայոց Հայրապետին ողջունում է Ֆրանսիայի արտաքին գործերի մինիստրության պրոտոկոլի պետ **Ժան Լարշեն**։

Ֆրանսիական կառավարության մոտ Սովետական Միության արտակարգ և լիազոր դեսպան **Ստեֆան Զերվոնենկոյի** անունից Հայոց Հայրապե-



ՏԵՍԱՐԱՆ ՓԱՐԻԶԻՑ

Գործ՝ Ակարիչ Էդգար Ծաֆինի. Ավեր Հայկ Աղաբեկյանից (Փարիզ)

տին ողջունում և բարի գալուստ է մաղթում դեսպանատան առաջին քարտուղար **Ռուբեն Սահակյանը**:

Իր ժամանումից հետո Հայոց Հայրապետը առաջնորդվում է օդանավակայանի պետական պատվո հյուրերի դահլիճ, ուր տեղի է ունենում ջերմ գրույց:

Այնուհետև Հայոց Հայրապետը առաջնորդվում է «Աթենե Պլազա» հյուրանոց:

Փետրվարի 10-ին, ուրբաթ օրը, և շաբաթ օրը, փետրվարի 11-ին, ժամը 10-ին, Վեհափառ Հայրապետը առաջնորդարանում ընդունում է հոգևորականների, Կրոնական Ընկերակցության ներկայացուցչական և վարչական ժողովների անդամների և ազգային կազմակերպությունների ներկայացուցիչների և անհատների այցելությունները, այդ թվում՝ տիկին Թերզյանի (Բուենոս Այրես), արվեստաբան-գիտնական Սիրարփի Տեր-Ներսեսյանի (Փարիզ), Սուրեն Գործունյանի (Փարիզ) և ավելի ուշ՝ Լիոնի հայոց հայրապետական պատվիրակի փոխանորդ տ. Դավիթ եպս. Սահակյանի:

Ժամը 21-ին Վեհափառ Հայրապետը, ուղեկցությամբ տ. Սերովբե և տ. Գյուտ սրբազանների, վարդապետների և քահանա հայրերի, ներկա է լինում Նոտր Դամ դը Պլանկ Մանտո կաթոլիկ եկեղեցում տրված Հայաստանի Կոմիտասի անվան լարային քառյակի նվագահանդեսին:

ՀԱՅՐԱՊԵՏԱԿԱՆ ԹԱՐԻԻՉԻ ՀԱՅՈՑ

Ս. ՀՈՎՀԱՆՆԵՍ ՄԿՐՏԻՉ ԵԿԵՂԵՑՈՒՄ

(1978 թ. փետրվարի 12)

Երկրորդ կիրակի (Արտաքսման) Զառամորդական պահոց.

Այսօր, առավոտյան, Փարիզի հայոց ս. Հովհաննես Մկրտիչ եկեղեցում, փակ խորանի առաջ, ս. պատարագ է մատուցում Մայր Աթոռի միաբան և Փարիզում ուսանող տ. Գրիգորիս վրդ. Բունիաթյանը:

Ս. պատարագին ներկա է լինում Վեհափառ Հայրապետը:

Առաջնորդանիստ եկեղեցին լիքն է հավատացյալ բազմությամբ, որը եկել է ողջունելու Հայոց Հայրապետին և ստանալու Նրա օրհնությունները:

«Հայր մեր»-ից առաջ Արևմտյան Եվրոպայի հայրապետական պատվիրակ տ. Սերովբե արքեպ. Մանուկյանը բարի գալուստ է մաղթում, հանուն Արևմտյան Եվրոպայի հայության, Հայոց Հայրապետին և Նորին Սրբությանը հրավիրում Իր պատգամն ու օրհնությունը տալու:

Վեհափառ Հայրապետն առաջնորդվում է Ավագ սեղան և քարոզում՝ «Յաւել ի մեզ, Տէր ամենակալ, զհաւատ, զյոյս, զսէր և զամենայն գործս առաքինութեան» աղոթքի բնաբանով՝ թելադրելով հավատացյալներին, որ Մեծ պահոց այս շրջանին ապրեն աղոթքի և ապաշխարության սրբազան խոկումներով, արժանավորապես դիմավորելու համար Փրկչի հրաշափառ ս. Հարության տոնը, որպես եկեղեցի և ժողովուրդ:

Նույն օրը, կեսօրին, հավարտ ս. պատարագի, «Աթենե Պլազա» հյուրանոցի Ռեժանս սրահում Փարիզի առաջնորդարանն ու Կրոնական Ընկերակցությունը Հայոց Հայրապետի պատվին ընդունելություն է կազմակերպում, որին ներկա են լինում հոգևորականաց ամբողջ դասը, եկեղեցական վարչության բոլոր անդամները և Մայր Աթոռի քարեքարները՝ իրենց տիկիներով:

ՏԵՍԱԿՑՈՒԹՅՈՒՆՆԵՐ ԵՎ ԱՅՑԵԼՈՒԹՅՈՒՆՆԵՐ

Փետրվարի 13-ին և 14-ին, երկուշաբթի և երեքշաբթի օրերին, Վեհափառ Հայրապետը առաջնորդարանում բարենաճում է ընդունել մի շարք այցելություններ, այդ թվում՝ **Սուրեն Գործունյանի, Արտավազ Բերբերյանի և Արշավիր Կյուրիկյանի** (Փարիզ):

Երկուշաբթի օրը, երեկոյան ժամը 20-ին, Վեհափառ Հայրապետը բարենաճում է օրհնել Իր ներկայությամբ **տեր և տիկին Նուրհան Ֆրենկյանների** ընտանեկան հարկը ու նրանց սեղանի աղն ու հացը:

ԺԱՄԱՆՈՒՄ ԱՄԵՆԱՊԱՏԻՎ Տ. ԵՂԻՇԵ ՍՐԲԱԶԱՆ ՊԱՏՐԻԱՐԿԻ
ԵՎ Տ. ՇԱՀԵ ԱՐՔԵՊԻՍԿՈՊՈՍԻ

Երկուշաբթի օրը, երեկոյան, Փարիզ է ժամանում Երուսաղեմի հայոց տ. Եղիշե սրբազան պատրիարքը՝ ընկերակցությամբ սուրբ Աթոռի դիվանապետ և Ժառանգավորաց վարժարանի և ընծայարանի տեսուչ տ. Ծաֆնարբեկ. **Աճեմյանի**՝ հատկապես ողջունելու և բարի գալուստ մաղթելու Վեհափառ Հայրապետին և Նրա հետ խորհրդակցելու մի շարք եկեղեցական կարևոր հարցերի շուրջ:

• •

Փետրվարի 14-ին Վեհափառ Հայրապետը առաջնորդարանում ընդունում է Փարիզի Մշակութային Միության «Յանց» ակումբի ներկայացուցիչներին:

Ավելի ուշ առաջնորդարանում տեղի է ունենում, Վեհափառ Հայրապետի նախագահությամբ, Փարիզում ներկա գտնվող Մայր Աթոռի Գերագույն հոգևոր խորհրդի եկեղեցական անդամների՝ տ. Սերուբե, տ. Հուսիկ և տ. Ծաֆն սրբազանների խորհրդակցական ժողովը:

Խորհրդակցական սույն ժողովին ներկա է լինում նաև տ. Եղիշե սրբազան պատրիարքը՝ Վեհափառ Հայրապետի նրավերով:

Նույն օրը, ժամը 20-ին, առաջնորդարանում Վեհափառ Հայրապետը բարենաճում է ընդունել այցելությունը Հ. Բ. Ը. Միության Փարիզի համալսարանական, Ոստանի Մարի Նուբար հաստատության մեջ ընկնվող համալսարանականների երկսեռ խումբը: Հանուն ուսանողների սույն Տան վարչության տնօրեն **Զավեն Եկավյանը** ողջունի և բարիգալստյան ջերմ խոսք է ուղղում Հայոց Հայրապետին:

Նորին Սրբությունը հայտարար խոստում է համալսարանականների հետ, հետաքրքրվում նրանց ուսանողական կյանքով և թելադրում՝ միշտ կապ պահպանել նաև մայր հայրենիքի մշակութային-գրական-գիտական կյանքի հետ:

Նույն օրը, առավոտյան, Վեհափառ Հայրապետը ընդունում է նաև այցելությունը Ռումինիայից՝ իր նախկին ուսանող **Փիրայր Մանասյանի**, որն այս ուրախ առիթով խոստանում է Մայր տաճարին նվիրել մի նոր երգեհոն:

Փետրվարի 14-ին, երեքշաբթի օրը, Քյոլնից Փարիզ է ժամանում Արևմտյան Գերմանիայի հոգևոր հովիվ և Մայր Աթոռի միաբան տ. **Գարեգին արք. Ներսիսյանը**՝ բարի գալուստ մաղթելու Հայոց Հայրապետին:



ԵՐԵՒԱՆԵՐԸ ԾՈՎԱՓԻՆ
Գործ՝ Գևորգի Աղաթանի. Գվեր Հայկ Աղաթանյանից (Փարիզ)

Փետրվարի 15-ին, չորեքշաբթի օրը, ժամը 9.30-ին, առաջնորդարանում Վեհափառ Հայրապետին է այցելում **պրոֆ. Մահեն,** որն Արևելյան օտար լեզուների դպրոցի հայագիտական ամբիոնի վարիչն է և միաժամանակ Ինստիտուտ Կաթոլիկի հայագիտության ուսուցչապետը:

Նույն օրը, ժամը 12-ին, Վեհափառ Հայրապետն առաջնորդարանում ընդունում է այցելությունը Ժենիգ Ժամանած մասնավոր մի պատվիրակության, որը եկել էր բարի գալուստ մաղթելու Հայոց Հայրապետին:

Պատվիրակության կազմում էին՝ Ժենի հայոց հոգևոր հովիվ **տ. Վագեն վրդ. Թադոսյանը, Մկրտիչ Ծելեֆյանը,** Ժենի եկեղեցական վարչության ատենապետ **Էոժեն Փափազյանը:**

Նույն առթիվ Հայոց Հայրապետն ընդունում է նաև այցելությունը Մայր Աթոռի բարերար Նապոլեոն Պուլլուքյանի՝ Լիոնից:

Ժենի համայնքային պատվիրակությունը, ի պատիվ Հայոց Հայրապետի, կեսօրին «Լասեր» ճաշարանում ճաշկերույթ է տալիս՝ մասնակցությանը տ. Եղիշե սրբազան պատրիարքի, տ. Սերովբե, տ. Ծահե, տ. Հուսիկ և տ. Գյուտ սրբազանների:

Փետրվարի 15-ին, չորեքշաբթի օրը, ժամը 20-ին, Վեհափառ Հայրապետը, ընկերակցությամբ տ. Եղիշե սրբազան պատրիարք հոր, տ. Սերովբե, տ. Ծահե, տ. Հուսիկ և տ. Գյուտ սրբազանների, ներկա է լինում Գուրգեն Գործունյան եղբայրների տված ճաշկերույթին, նրանց ընտանեկան հարկի տակ:

ԱՅՑ ՍՈՎԵՏԱԿԱՆ ԴԵՍՊԱՆԱՏՈՒՆ

Փետրվարի 16-ին, հինգշաբթի օրը, ժամը 9.15-ին, Վեհափառ Հայրապետը պաշտոնական այցելություն է տալիս Ֆրանսիայում Սովետական Միության արտակարգ և լիազոր դեսպան **պրն. Ստեֆան Չերվոնենկոյին,** Փարիզի սովետական դեսպանատանը:

Այս առթիվ Հայոց Հայրապետին ողջելցում էին տ. Սերովբե, տ. Հուսիկ և տ. Գյուտ սրբազանները:

Հայոց Հայրապետի, Նրա շքախմբի անդամների և մեծահարգ սովետական պրն. դեսպանի միջև տեղի է ունենում շուրջ մեկ ժամ տևող ջերմ ու մտերմիկ զրույց, որին մասնակցում է նաև դեսպանատան առաջին քարտուղար Ռուբեն Սահակյանը:

Ժամը 11.30-ին առաջնորդարանի մեջ կրկին անգամ գումարվում է Գերագույն հոգևոր խորհրդի Փարիզում գտնվող եկեղեցական անդամների մի խորհրդակցություն, որին մասնակցում է նաև տ. Եղիշե սրբազան պատրիարքը:

Ժամը 14-ին Լոնդոնից Փարիզ է ժամանում Անգլիայի հայոց հայրապետական պատվիրակ և Լոնդոնի հոգևոր տեսուչ **տ. Ներսես եպս. Պոզապայանը՝** ողջունելու Հայոց Հայրապետին:

Նույն օրը, ժամը 16.30-ին, հյուրանոցում Վեհափառ Հայրապետն ընդունում է այցելությունը Մարսելի Կրոնական Ընկերակցության Վարչության նախագահ և Մայր Աթոռի բարերար տեր և տիկին **Արծրուն Զրբաշյաններին:**

**ԱՅՑ ԶԻԱՆՍԻԱՅԻ ԱՐՏԱԳՅՆ ԳՈՐԾԵՐԻ ՄԻՆԻՍՏՐ
ԼՈՒԻ ԳԸ ԿԻՐԵՆԿՈՅԻՆ**

Փետրվարի 16-ին, ժամը 15.30-ին, Վեհափառ Հայրապետը պաշտոնական այցելություն է տալիս Զրաճսիայի արտաքին գործերի մինիստր **Լ. Կիրենկոյին** Փարիզի նրա պաշտոնատեղիում:

Այս առթիվ Հայոց Հայրապետին ողնկցում էին **տ. Սերովբե, տ. Ծաֆե** և **տ. Գյուտ սրբազանները**:

Հայոց Հայրապետի, հայ եկեղեցու քարձրաստիճան իշխանավորների և պրն. մինիստրի միջև տեղի է ունենում կես ժամ տևող սիրալիր, մտերիմ, շանկական գրույց:

Նույն օրը, երեկոյան ժամը 20.30-ին, **տեր և տիկին Արծրուն Զրբաշյանները** «Աթենն Պլազա» հյուրանոցի հատուկ մեկ ճաշարահում ընդունելություն են կազմակերպում, որին ներկա են լինում **Վեհափառ Հայրապետը, տ. Եղիշե սրբազան պատրիարքը, տ. Սերովբե, տ. Ծաֆե, տ. Հուսիկ, տ. Գյուտ** և **տ. Ներսես սրբազանները**:

Ընդունելությանը ներկա են լինում նաև **Զրբաշյան, Գործունյան, Մոմճյան, Բաբայան, Կուրտիկյան** և **Մելքոնյան** ընտանիքները:

Փետրվարի 17-ին, ուրբաթ: Այսօր, ժամը 12.30-ին, Հայոց Հայրապետը, տ. Եղիշե սրբազան պատրիարքը, տ. Սերովբե, տ. Ծաֆե, տ. Գյուտ և տ. Ներսես սրբազանները կեսօրվա ճաշի հյուրերն են լինում Փարիզի կարդինալ **Զրանտա Մարտիի**, նրա արքեպիսկոպոսարանի մեջ:

Այսօր, երեկոյան, **Վեհափառ Հայրապետին** է սցցելում **Յոհաննես-բուրգից (Հարավային Աֆրիկա) Վաշե Գարազաշյանը**:

ԲԵԼԳԻԱԼԱՅ ՊԱՏՎԻՐԱԿՈՒԹՅԱՆ ԱՅՑԵԼՈՒԹՅՈՒՆԸ

Ժամը 17-ին **Վեհափառ Հայրապետը** հյուրանոցի Իր հարկաբաժնում ընդունում է այցելությունը քելգիանայ պատվիրակության, որը Բրյուսելից եկել էր հատկապես ստանալու Նորին Սրբության օրհնությունները և թարի գալուստ մաղթելու Նրան:

Պատվիրակության կազմում էին գաղութային վարչության ատենապետ, փաստաբան **Էդվարդ Ժաքյանը**, ընդհանուր ժողովի նախագահ **պրոֆ. Արթակ Մխիթարյանը**՝ իր տիկնոջ հետ, վարչության փոխնախագահ **Վահրամ Պարսամյանը**՝ իր տիկնոջ հետ, և վարչության անդամ **Նուբար Տեովկերյանը**՝ իր տիկնոջ հետ:

Հայոց Հայրապետի և քելգիանայ պատվիրակության անդամների միջև տեղի է ունենում ջերմ գրույց, մանավանդ տեղի հայկական համայնքը վերակազմակերպելու և համայնքային մի շարք այլ հարցերի շուրջ:

Սույն գրույցին մասնակցում էին նաև Արևմտյան Եվրոպայի հայրապետական պատվիրակ և Զրաճսիայի հայոց առաջնորդ **տ. Սերովբե** արքեպիսկոպոսը և **տ. Գյուտ** եպիսկոպոսը:

Ինչպես հայտնի է, վերջերս Երուսաղեմի հայոց տ. Եղիշե սրբազան պատրիարք հոր Բրյուսել՝ Բելգիայի թագավորին տված այցելության ստիքով Նորին Վեհափառությունը խոստացել է Բրյուսելի հայ համայնքին մի եկեղեցի նվիրել:



Ջ Մ Ե Ռ

Գործ՝ նկարիչ Ալիսապլանի. նվեր Հայկ Աղաբեկյանից (Փարիզ)

ՀԱՄԱՅՆՔԱՅԻՆ ԸՆԴՈՒՆԵԼՈՒԹՅՈՒՆ՝ Ի ՊԼՏԻՎ

ՀԱՅՈՑ ՀԱՅՐԱՊԵՏԻ

Փետրվարի 17-ին, ուրբաթ օրը, ժամը 21-ին, Փարիզի և շրջակայքի Կրոնական Ընկերակցության Վարչությունը, ի պատիվ **Հայոց Հայրապետի, «Ինտերնացիոնալ»** հյուրանոցի «Իմպերիալ» դահլիճում կազմակերպում է ողջերթի ընդունելություն, որին ներկա են լինում ավելի քան 200 հրավիրյալներ:

Ընդունելության ընթացքում ելույթներով հանդես են գալիս **տ. Եղիշե սրբազան պատրիարքը, տ. Սերովբե արքեպիսկոպոսը** և եկեղեցու վարչության նախագահ **Սեդրակ Քարյանը:**

Այնուհետև, խոսք առնելով, **Վեհափառ Հայրապետը** Իր շնորհակալությունն է հայտնում այս ընդունելության կազմակերպության համար և տալիս է Իր պատգամն ու օրհնությունը՝ հավատարիմ մնալու մեր եկեղեցական, ազգային, հայրենասիրական ավանդույթներին և հպարտ զգալ՝ հայ մնալու և հայ ապրելու վճռականությամբ:

ՆՎԻՐԱՏՎՈՒԹՅՈՒՆՆԵՐ ՄԱՅՐ ԱԹՈՒՒՆ

Վեհափառ Հայրապետի՝ Փարիզ այցելության առիթով մեծագումար նվիրատվություններ եղան **Մայր Աթոռին՝** հատուկ նպատակների համար.

ա) **Տիար Արծրուն Զրբաշյանի** (Մարսել) կողմից.

բ) **Տիար Սուրեն և Գուրգեն Գործունյան եղբայրների** (Փարիզ) կողմից:

Նվիրատվություններ կատարեցին նաև, **Մայր Աթոռի** պաշտոնության համար, տիար **Վաչե Գարագաշյանը** (Յոհաննեսբուրգ) և **Արշավիր Կլորիկյանը** (Փարիզ):

Նույն առիթով տիար **Հայկ Աղաբեկյանը** (Փարիզ) Մայր Աթոռի թանգարանին նվիրեց ֆրանսահայ նկարիչների 14 գեղարվեստական ստեղծագործություններ:

ՄԵԿՆՈՒՄ ՀԱՅՈՑ ՀԱՅՐԱՊԵՏԻ

Փետրվարի 18-ին, շաբաթ օրը, Վեհափառ Հայրապետը հրաժեշտ է առնում **Փարիզից** և մեկնում **Մայր Աթոռ՝** ընկերակցությամբ **տ. Հուսիկ եպիսկոպոսի:**

Ժամը 10.30-ին Ծառլ դը Գոլի անվան միջազգային օդանավակայանում Հայոց Հայրապետին ճանապարհում են տ. Եղիշե սրբազան պատրիարքը, տ. Սերովբե, տ. Ծահե, տ. Գյուտ, տ. Ներսես սրբազանները, տ. Ներսես, տ. Նորվան, տ. Գրիգորիս վարդապետները, տ. Մեսրոպ և տ. Պարզև քահանա հայրերը, սովետական դեսպանատան առաջին քարտուղար Ռուբեն Սահակյանը, Փարիզի հանրածանոթ ազգայիններից՝ Մայր Աթոռի բարերարներ Նուրհան Ֆրենկյանը, Գևորգ Պազըրճյանը, եկեղեցական վարչության անդամները, մամուլի ներկայացուցիչներ, «Յառաջ» թերթի խմբագրապետուհի տկն. Արփիկ Միսաքյանը և ուրիշներ:

Օդանավակայանում Հայոց Հայրապետին ճանապարհում է լնակ ֆրանսիական կառավարության անունից՝ արտաքին գործերի մինիստրության պրոտոկոլի պետ Ժան Լարշեն:

Վեհափառ Հայրապետը փետրվարի 18-ին ժամանում է Մոսկվա, իսկ փետրվարի 21-ին, երեքշաբթի օրը, երեկոյան ժամը 21-ին՝ Մայր Աթոռ:

Բարի գալուստ Հայոց սիրելի Հայրապետին:

ԱՐԹՈՒՆ ՀԱՏԻՏՅԱՆ



ԵՐՈՒՍԱՂԵՄԻ ՀԱՅՈՑ ԱՄԵՆԱՊԱՏԻՎ Տ. ԵՂԻՇԵ ՍՐԲԱԶԱՆ ՊԱՏՐԻԱՐԷԻ ԱՅՅԸ ԱՄՆ ԵՎ ԵՎՐՈՊԱ

1977 թ. նոյեմբեր և դեկտեմբեր ամիսներին Երուսաղեմի հայոց ամենապատիվ տ. Եղիշե սրբազան պատրիարքը, Ժառանգավորաց վարժարանի և ընծայարանի տեսուչ և ս. Աթոռի դիվանապետ տ. Ծաֆն արքեպիսկոպոսի ողեկցությամբ, երկար ճանապարհորդություն է կատարել դեպի ԱՄՆ և Եվրոպա, «պատրիարքարանի վերաբերյալ զանազան գործերու և տեսակցություններու անհրաժեշտության» թելադրանքով:

Սրբազան պատրիարքը ԱՄՆ կատարած իր այցելության առթիվով եղել է անձնական հյուրը ամերիկահայ ազգային բարերար և ծանոթ հասարակական գործիչ Տատուր Տատուրյանի:

Նոյեմբերի 15-ին սրբազան պատրիարք հայրը ժամանում է Նյու-Յորք: Հանուն ԱՄՆ-ի հայոց արևելյան թեմի, առաջնորդ տ. Թորգոմ արքեպիսկոպոս Մանուկյանը օղանավակայանում ողջունում և բարի գալուստ է մաղթում սրբազան պատրիարք հորը:

Նոյեմբերի 16-ին սրբազան պատրիարք հայրը և տ. Ծաֆն արքեպիսկոպոսը ներկա են լինում Նյու Յորքի հայոց առաջնորդարանի բակում Հ. Բ. Ը. Միության ցկյանա նախագահ տիար Ալեքս Մանուկյանի նվիրատվությամբ պատրաստված բանդակագործ Նազյանի՝ Քրիստոսի «Էջն ի խաչէն» արձանի բացման հանդիսությանը:

Նոյեմբերի 18-ին սրբազան պատրիարքը ժամանում է Դետրոյտ: Ի պատիվ նրան տրված ընդունելության, տիար Ալեքս Մանուկյանը ողջունում և բարի գալուստ է մաղթում Նորին ամենապատվությանը:

«Պատրիարք սրբազան հոր այցը թեև կկրե անպաշտոն բնույթ, սակայն ան մեզի կրեյն դարավոր պատմության մը ամբողջ շունչն ու իրականությունը:

Ամերիկայի մեջ հաճախ կափսոսանք, թե որքան հեռացած ենք մեր պատմության արմատներեն, մեր ազգային արժեքներեն և մեր նվիրապետական Աթոռներեն. սակայն այսպիսի ներշնչող առիթները հանկարծ կրե՞րեն ու մեր պատմությունը կմիախառնեն մեր առօրյային: Ու մենք ազգովին կզգանք, թե տակավին անբաժան կմնա այդ պատմությունը մեր կյանքեն. ան կենդանի կերպով կապրի մեր մեջ:

Պատրիարք սրբազան հայրը խորհրդանշել է այդ դարավոր անցյալին. իր ներկայությամբ մենք հաղորդակից կդառնանք այդ պատմության. կտեսնենք ու կզգանք այդ պատմության ողբերգական այլ վեսմ ընթացքը շարժումի մեջ:

Եվ մենք պետք ունինք այդ ապրումին՝ հա՛յ մնալու և հա՛յ ապրելու համար այս ափերուն վրա:

Երուսաղեմի պատրիարքությունը մեր նվիրապետական չորս Աթոռներեն մին է, որ կոչված է կենսական դեր մը կատարելու մեր ապագա կյանքին մեջ: Մեր երկար ու տառապալից անցյալին մեջ ունեցած ենք նվիրապետական Աթոռներ, վանքեր ու ընծայարաններ, սակայն ճակատագիրը լուրջան դատապարտած է զանոնք. այսօր ավերակ են Աղթամարի և Սսի կաթողիկոսանիստ վանքերը, Գլաձորի, Սանահնի և Տաթևի կրթարանները, բայց կանգո՛ւն է Երուսաղեմի Աթոռը, իր անցյալի փառքերով ու գանձերով:

Քրիստոսի ծննդավայրը, որ խաղաղության օրրան մը պետք էր հանդիսանար չարչարված է նույնիսկ Քրիստոսի չափ. և այդ չարչարանքեն անմասն չէ մնացած Երուսաղեմի՝ սրբոց Հակոբյանց միաբանությունը: Ամեն արշավողի դիմաց՝ ընկրկած է ան, ամեն ցավի դիմաց՝ ցնցված է ան, սակայն, գիտցած է դարձյալ ոտքի կանգնիլ ու շարունակել իր դարավոր ճամբան:

Այդ անհավատալի վերապրումը մենք կպարտինք միաբանության անխորտակելի կամքին ու նվիրումին: Այդ միաբանությունը երբեմն արցունքով, երբեմն դիվանագիտությամբ, երբեմն հնարամտությամբ և երբեմն նույնիսկ բռնկեցով պահպանած է մեր դարավոր իրավունքները սուրբ Տեղյաց մեջ: Յուրաքանչյուր եկեղեցի, մատուռ, նշխար ու քար պահպանված են դարավոր հսկումով և օրինակելի նախանձախնդրությամբ:

Որքան բուռն եղած է պահպանության այդ պայքարը, նույնքան մեծ է մեր հպարտությունը այսօր Երուսաղեմով: Այսօր աշխարհի մեծագույն կրոններուն հավասար իրավունքներ ունինք սուրբ Տեղյաց մեջ. և հավանաբար Երուսաղեմը սփյուռքի միակ վայրն է, ուր հայությունը կվայելե միջազգային ճանաչում:

Եղիշե սրբազան արժանավոր հաջորդն է Աթոռին վրա բազմած մեծանուն պատրիարքներուն, և իր անձին մեջ կխտացնե անոնց փորձառությունն ու ներշնչումը. անոր սրբազան առաքելության մեջ կվերապրին այսօր Աբրահամ պատրիարքներու հեռատեսությունը, Շլոյսակիրներու զոհաբերությունն ու Գուշակյան պատրիարքներու գրական ու հոգևոր արժանիքները:

Մենք բախտավոր ենք, որ աշխարհի այդ զգալուն հանգույցին վրա ունինք Եղիշե պատրիարքին նման իմաստուն ու բանիմաց հոգևոր առաջնորդ մը, որուն գործունեությունը պիտի երաշխավորե պատրիարքական Աթոռին անասա՜ն պահպանումը:

Բացի պատմական ու հոգևոր իր հանգամանքներեն՝ Երուսաղեմի

պատրիարքարանը կհանդիսանա արտասահմանի մեր մշակութային գանձարաններեն ամենեն հարուստը: Այնտեղ կպահպանվին հազարավոր ձեռագիրներ, մանրանկարչական գործեր, պատմաբանական զգեստներ, գանձեր ու եկեղեցական իրեր: Եվ այսօր, երբ բոլոր հետաքրքրությունը կա մեր մեջ մեր ազգային ժառանգությանը նկատմամբ, այդ հարստությունները մեր կյանքը ճոխացնող ու մեզ հպարտացնող անփոխարինելի արժեքներ կդառնան:

Ծնորդիվ պատրիարք հոր ուղիղ կեցվածքին՝ Երուսաղեմի պատրիարքությունը այսօր դարձած է լրացուցիչ հաստատությունը Մայր Աթոռ սուրբ Էջմիածնին, դարձած է թև ու թիկունք Ամենայն Հայոց Հայրապետության:

Վերջին քսանամյակին, երբ մեր ազգային-եկեղեցական կյանքը ապրեցավ իր ամենեն դժվար ժամանակները, Երուսաղեմի սրբազան պատրիարքը, իր իմաստությամբ և հայտնատեսությամբ, իր խորհուրդներով և դրական կեցվածքով, բարձր պահեց սուրբ Էջմիածնի նախամեծար դիրքն ու հանգամանքը:

Իր բարոյական հսկա նշանակությունն ունի, մենք մեծ հույսեր կապած ենք նաև Երուսաղեմի պատրիարքության՝ մեր ամենեն գործնական պահանջներուն մեջ:

...Մասնավորաբար մենք պետք ունինք պատրաստված, հմուտ ու նվիրյալ եկեղեցականներու, որոնք պիտի գան հովվելու Ամերիկայի մեր եկեղեցիները: Բարեբախտաբար Երուսաղեմը կամովին տոանձնած է այդ պարտականությունը և արդեն մեզի շնորհած է կարևոր թիվով հոգևորականներ. ներկա դրությամբ մենք կակնկալենք, որ այդ գործը ավելի հիմնավորվի, դառնա ավելի կազմակերպյալ, մասնավանդ, երբ մեր պատրիարքը ունի ձեռնհաս ու փորձառու գործակիցներ:

...Սիյուրքը և մասնավորաբար մեր գաղութը արդար ակնկալությունը ունին, որ կարճ ժամանակի մը մեջ Երուսաղեմի վանքը ի վիճակի ըլլա գոհացնելու մեր հոգևոր առաջնորդներու կարիքը, հասցնեն հմուտ, գիտակից և ծառայասեր եկեղեցականներու մեր հույ մը: Այդ իմաստով ալ Երուսաղեմն է իրավ լրացուցիչը ու Էջմիածնին, առանց մրցակցության՝ լծակից դառնալով անոր:

Հանձնա պատրիարք սրբազան հոր և Ծանե արքեպիսկոպոսին մենք մեր մեջ կընդունինք մեր ամենեն նվիրական հաստատություններն մեկուն արժանավոր ներկայացուցիչները: Մեր հոգևոր և ազգային կյանքին մեջ նախատաքրական դեր մը ունին Երուսաղեմի Աթոռն ու անոր սրբազան ներկայացուցիչները: Եվ վստահ ենք, թե մեր նախատաքրին այդ քաժինը կգտնվի ապահով ձեռքերու մեջ: Այդ ձեռքերը պիտի գործեն շինարար նիզարով, որպեսզի հարստանա մեր կյանքը, որպեսզի ավելի խորունկ կերպով կապվինք մենք մեր եկեղեցիին և մեր արմատներուն և որպեսզի ավելի ուժգնորեն հալ ապրինք մենք»:

Նոյեմբերի 19-ին, կիրակի օրը, սրբազան պատրիարք հայրը ու պատարագ է մատուցում 'Էնտրոյտի հայոց ու Հովհաննես Մկրտիչ եկեղեցում և Բանին կենաց գեղեցիկ քարոզով մխիթարում հավատացյալներին:

Հավարտ ու պատարագի համայնքը ճոխ թեյասեղանով պատվում է Երուսաղեմի հայոց պատրիարքին: Այս առթիվ պատրիարք սրբազանը ոսկյա մի շքանշան է հանձնում Ամերիկայի Հ. Բ. Ը. Միության նախագահ տիար Էդվարդ Մարտիկյանին, որը հանձն էր առել 1969 թվականին

Երուսաղեմի հայոց ժառանգավորաց վարժարանի հին գեղեցիկ շենքը նոր թանգարանի վերածելու ամբողջ ծախսը:

Նոյեմբերի 21-ին, երկուշաբթի օրը, սրբազան պատրիարքը մեծ շքախմբով այցելում է Դետրոյտի հայոց Ալեքս Մանուկյան վարժարան:

Նոյեմբերի 21-ին, ավելի ուշ, սրբազան պատրիարքը վերադառնում է Նյու Յորք և կարևոր տեսակցություն ունենում ԱՄՆ-ի նախկին փոխնախագահ Նելսոն Ռոկֆելլերի հետ, Երուսաղեմի սրբատեղիների կացության մասին:

Նոյեմբերի 24-ին, հինգշաբթի օրը, սրբազան պատրիարք հայրը այցելում է Մայամիի հայ համայնք:

Նոյեմբերի 27-ին, կիրակի օրը, Մայամիի ս. Պողոս-Պետրոս եկեղեցում պատարագում է տ. Ծառե սրբազանը, ուր քարոզում է սրբազան պատրիարք հայրը:

Նոյեմբերի 29-ին, երեքշաբթի օրը, սրբազան պատրիարք հայրը ժամանում է Չիկագո և ներկա լինում երեկոյան Էվենստոնի հայոց եկեղեցու սրահում նոյեմբերի 29-ին նվիրված բազմամարդ հանդիսությանը, որին հրավիրվել էին նաև այդ օրերին ԱՄՆ-ում գտնվող Հայաստանի կառավարության երկու կարևոր ներկայացուցիչներ. արտաքին գործերի մինիստր Ջոն Կիրակոսյանը և Հայաստանի Կենտրոնի երրորդ քարտուղար Կարլեն Դալլաքյանը:

Հանդիսության ժամանակ խոսք է առնում նաև Ջոն Կիրակոսյանը և «հեղինակավոր իր խոսքով ընդգծեց Նոյեմբեր 29 թվականի կարևորությունը վերածնած Հայաստանի և հայ ժողովրդին համար և երկարորեն պատկերացուց մեծ նվաճումները, զոր մեր հայրենիքը արձանագրած էր վերջին կես դարու ընթացքին, մտավորական, մշակութային, գիտական, կրթական, ճարտարարվեստական և գյուղատնտեսական կյանքի զանազան մակարդակների վրա»:

Իսկ Կարլեն Դալլաքյանը «գեղեցիկ պատկերացումներով և գիտական ճաշակով բնութագրեց Նոյեմբեր 29-ը, իբրև հայ վերածնունդի և պետական կյանքի ապահով սկիզբն ու արմատացումը, որով վերջ գտավ մեր ողբերգությունը, և ծնունդ առավ ու զարգացավ այսօրվան Հայաստանի պայծառ իրականությունը»:

Ընդունելության ժամանակ հրավիրվում է նաև տ. Եղիշե սրբազան պատրիարքը իր հայրենասիրական ջերմ խոսքն ասելու Նոյեմբեր 29-ի առիթով:

«Հայաստանեն եկած մեր երկու մտավորականները ու քաղաքական գործիչները, տիար Կիրակոսյան և տիար Դալլաքյան, մին փոխնախագահը մեր հայրենի կառավարության և մյուսը երրորդ քարտուղարը Հայաստանի Վարչության, խոսեցան Նոյեմբեր 29-ի մասին, վերբերելով այն բոլոր բարիքները զորս երկիրը ունեցավ և ունի այդ թվականեն ի վեր:

Խոսեցան մեր քաղաքական ապահովության և տնտեսական բարգավաճման մասին և կորստյան ճամբան մտած, սակայն Նոյեմբեր 29-ով մեր երկրի հարության մասին, իրենց հատուկ հավատքով և եռանդով, անգամ մը ևս տոգորելով մեր սիրտերը հայրենիքի վերելքի և ապագայի հավատքով:

Նոյեմբերի 29-ը թվական մը չէ, այլ հեղաշրջում մը, որ հանեց հայ ժողովուրդը ողբերգութենեն և դրավ զայն նոր ուղիի մը վրա:

Հիմադեորդ դարուն գիրերու գյուտով, ս. Մեսրոպ Մաշտոց բաժնեց

մեր պատմությունը երկու մասերու, անցյալի և ներկայի. ներկա մը որ հասցուց մեզ մինչև ապօր: Իսկ Նոյեմբեր 29-ը հեղաշրջեց մեր պատմական կյանքը իր բաղադրական և գաղափարական նոր երեսներով, և բաժնեց զայն հինի և նորի ըմբռնումներով:

Մենք երախտապարտ ենք մեր հայրենիքի մտքի և սրտի գործիչներուն, որոնք Նոյեմբեր 29-ի կրակը վառեցին մեր հայրենի հողին վրա: Արտասահմանը հագիլ բերավ իր մասնակցությունը այդ ստեղծարար գործին, հեռուն միայն խանդավառվելով, հեռուն ներկարելով իր պաղած ձեռքերը այդ կրակին: Չզլացավ անշուշտ այդ խարույկին վրա դնելով եթե ոչ գերաններ, գեթ տաշեղներ իր հոգիեն և մարմեն, վառ պահելու այդ կրակը:

Հերոսները դուք եք, պատվական հայրենակիցներ, եթե նույնիսկ ըլլանք քննադատողներ ձեր մեծ գործին, մի նեղվիք, դարը ուր կապրինք, դարն է քննադատության: Սակայն պատիվն ու փառքը քննադատին չէ, այլ ստեղծողին: Քննադատը զանազան մըն է ստեղծողին քով, և պատմությունը զանազան ուներուն չէ որ կենտե իր պատմումանը, այլ հերոսներուն:

Մեզի համար ուրախություն է այս երեկո մեր մեջ ողջունելու տիար Կիրակոսյանն ու Դավաթյանը, հերոսները մեր հայրենիքին, կերտիչները այսօրվան մեր Փառքին:

Այնուհետև, Լուս Անջելոս այցելելուց հետո, դեկտեմբերի 6-ին, սրբազան պատրիարքը վերադառնում է Նյու Յորք, ուր Ամերիկայի արևելյան թեմի առաջնորդարանի կողմից, ի պատիվ մեծ հյուրի, տրվում է ողջերթի ճաշկերույթ, որի ընթացքում ելույթներ են ունենում առաջնորդ տ. Թորգոմ արքեպիսկոպոսը, ծանոթ մտավորական Սուրեն Մանվելյանը, որը մասնավորաբար խոսում է Եղիվարդի՝ տ. Եղիշե սրբազան պատրիարքի արձակ և չափածո գրական մեծարժեք վաստակի մասին, «Յուշարար» թերթի խմբագիր Անդրանիկ Փոլատյանը ներկայացնում է քարձրատիճան եկեղեցականի մեջ նաև գրագետ և մտածող մարդը, Սամվել Թումայանը՝ սաղիմական հուշերով պատրիարքի վարչական գործունեությունը:

Վերջում խոսք է առնում սրբազան պատրիարքը, որի «փակման խոսքը շնորհակալության, հուզումի և գնահատության խոսքեր եղավ» բոլոր արտահայտվողների հասցեին:

Դեկտեմբերի 7-ին սրբազան պատրիարքը մեկնում է Բոստոն: Ա. Երրորդություն եկեղեցում Նորին ամենապատվությունը հանդիպում է ունենում տեղի հայ հոգևորականության հետ: Ապա «Պայքար» թերթի խմբագիր Նուբար Բերբերյանը ողջունում է և քարի գալուստ մաղթում նրան:

Դեկտեմբերի 8-ին սրբազան պատրիարքը այցելում է Լուվեյի հայոց նոր եկեղեցի և նույն օրը վերադառնում Նյու Յորք, այցելում Նյու Շրբզիի հայկական դպրոց և Էմբրսքնի ծերանոց:

Դեկտեմբերի 12-ին սրբազան պատրիարքը այցելում է Նյու Յորքում Հ. Բ. Ը Միության կենտրոն և վարիչ-տնօրեն Միսաք Հալկենցի և Միության այլ պատասխանատու անձանց հետ ունենում է հաճելի զրույց:

Դեկտեմբերի 13-ին, երեքշաբթի օրը, սրբազան պատրիարքը հրաժեշտ է առնում ԱՄՆ-ից և Շահն արքեպիսկոպոսի ողնկցությամբ մեկնում Եվրոպա՝ Բրյուսել, ուր հայոց պատրիարքին ողջունում և քարի գալուստ են մաղթում պարոն դե Բրաունը, պարոն դե Լեկունը և պարոնայք Տիգրան Վրոյնն ու Կիրոսան:

ԱՄԵՆԱՊԱՏԻՎ Տ. ԵՂԻԾԵ ՍՐԱԶԱՆ ՊԱՏՐԻԱՐԺԸ
ԲՐՅՈՒՍԵԼՈՒՄ (ԲԵԼԳԻԱ)

«Բելգիայի փոքրաթիվ հայությունը խանդավառության չորս օրեր ապրեցավ Նորին ամենապատվության այցելության առիթով»:

Երուսաղեմի հայոց սրբազան պատրիարքը, Ծաֆե արքեպիսկոպոսի ողնկցությամբ, պաշտոնական այցելություն է տալիս Բելգիայի Նորին Վեհափառություն թագավորին: «Այս այցելության շարժառիթը հին պատմական կապի մը վերականգնումն էր Երուսաղեմի և Ֆլանտրիո թագավորական տունին միջև: Վերականգնումը պիտի կատարվի ս. Հարության տաճարի հայկական բաժնին մեջ վերահաստատելով խաչակիր առաջին երկու թագավորներու հիշատակությունը հատուկ արձանագրությամբ: Երուսաղեմի հայոց պատրիարքը ուզեց ավետել Նորին Վեհափառության թե «Յուդաքեր Կանանց» խորանին ճակատը պիտի զետեղվի մարմարյա արձանագրություն մը, հիշատակելու համար Կոտլեֆրուս դե Պուլիոն, առաջին «Պաշտպան Սուրբ Հարության Տաճարի» Պաղտոսին Ֆլանտրիո, առաջին թագավոր Երուսաղեմի և հայազգի թագուհին՝ Արտա: «Այսպիսով,— ավելցուց ս. պատրիարքը,— պատիվ պիտի ունենանք անմահացնելու խաչակիր թագավորներու քրիստոնեական հավատքը և զոհողության ոգին, ի պաշտպանություն սուրբ Տեղերու և, միևնույն ատեն, արյան կապը, որ հաստատվեցավ անոնց և կիլիկյան հայ իշխաններու միջև»: Հավատքով զեղուն, զգացված և խորունկ շեշտով մը, Նորին Վեհափառությունը շնորհակալություն և ուրախություն հայտնեց իր նախնիքներու նկատմամբ ցուցաբերած ուշադրության համար և հայտնեց իր փափաքը որ միասին աղոթք մատուցվի Երուսաղեմի խաղաղության համար, որպեսզի սուրբ Բաղաքը ըլլա և մնա միշտ աղոթքի տուն մը քոլորին համար:

Խոսակցությունը տարածվեցավ զանազան հարցերու շուրջ, բոլորն ալ կապված այն հույսին, զոր վերջին դեպքերը արթնցուցին Միջին Արևելքի կնճոտ կացությունը պարզելու և խաղաղության նոր դարաշրջան մը սկսելու»:

Պալատ այցելությունից հետո, ի պատիվ հայոց պատրիարքի, պարոն դե Բրաուների բնակարանում ճաշկերույթ է տրվում:

Նույն երեկոյան Բրյուսելի քաղաքագլուխը նույնպես պատվում է հայոց պատրիարքին մասնավոր ընդունելությամբ: Այս առթիվ պարոն քաղաքագլուխը «հանձն առավ եկեղեցի մը տրամադրել հայ գաղութին»:


Դեկտեմբերի 14-ին սրբազան պատրիարքը այցելում է Բելգիայի կարդինալ Սյունենսին:

Սրբազան պատրիարքի այցելությունը Բրյուսել եզրափակվում է համայնքային մեծ ճաշկերույթով, իբր արտահայտություն հայ համայնքի շնորհակալության և երախտագիտության Երուսաղեմի հայոց սրբազան պատրիարքի հանդեպ:

ԱՄՆ և Եվրոպա կատարած իր այցելությունից սուրբ Աթոռ է վերադառնում տ. Եղիշե սրբազան պատրիարքը դեկտեմբերի 20-ին՝ ընկերակցությամբ տ. Ծաֆե արքեպիսկոպոսի:

Ա. Հ.





ԹՈՒՐԲԻՈ ՀԱՅՈՑ ՊԱՏՐԻԱՐԺ ԱՄԵՆԱՊԱՏԻՎ
Տ. ՇՆՈՐՀՔ ԱՐՔԵՊԻՍԿՈՊՈՍ ԳԱԼՈՒՍՏՅԱՆԻ
1977-Ի ՏԱՐԵԿԱՆ ՏԵՂԵԿԱԳԻՐԸ*

Մեր պատրիարքական պաշտոնի 16-րդ տարվան ավարտին, կփորձենք հետադարձ ընդհանուր ակնարկ մը նետել անցնող 1977 տարվան մեր համայնքային կյանքին և գործունեության վրա:

Ամբողջ երկրին հետ, իբրև անոր անբաժանելի մեկ մասնիկը, մեր համայնքին համար ալ դժվարություններով լեցուն եղավ 1977 տարին: Մինչ մեր երկրին դժվարությունները կծագեին տնտեսական ու անիշխանական պատճառներե, մերինները հատաչ կուգային պետական հիմնարկներու անուճով գործող տեղական պաշտոնատուներու քմահաճ տնօրենություններէ:

...Հակառակ այս իրողության սակայն փառք կուտանք Աստուծո, որ անպակաս ըրավ ամենքիս վրայեն համբերության և հարատևության շնորհները, որոնցմով կրցանք տոկալ դժվարությանց և չընկրկիլ անոնց ճնշումին ներքե, միշտ հուսալով և աղոթելով լավագույն օրերու համար, և հալատա-

* Ամեն տարի հանգստմանը և կարևորությամբ Թուրքիայի հազոց ամենապատիվ տ. Շնորք արքայան պատրիարք Գալուստյանը մամուլին է հանձնել պատրիարքարանի և Ստամբուլի հայ համայնքի կյանքին ու գործունեությանը նվիրված հետաքրքիր ու բովանդակալից տարեկան իր տեղեկագիրը:

1977 թվականին էլ տ. Շնորհք արքայան պատրիարքը նրատարակել է տարեկան իր տեղեկագիրը, որից քաղվածաբար «Էջմիածին» ամսագրի ընթերցողների ուշադրությանն ենք ներկայացնում որոշ հատվածներ:

լով թե ուշ կամ կանոխ արդարության զգացումը, խղճմտանքի ձայնը ու մանավանդ օրենքներու հանդեպ հարգանքի գիտակցությունը ի վերջո պիտի հաղթանակեն:

ԿՐՈՆԱԿԱՆ-Բ. Մեր համայնքային կյանքի ամենեն տանելի մասը եղավ մեր գուտ կրոնական գործերը, որոնց անարգել կիրարկումին մեջ գտանք մեր գործությունը և մխիթարությունը: Մեր եկեղեցական պաշտամունքները շարունակվեցան առանց ունե դժվարության: Հայ հավատացյալը ի գործ դրավ իր գուտ հոգևոր ու կրոնական պարտավորությունները անկաշկանդ ազատությամբ: Մեր հոգևորականները և դպրաց դասերը եկեղեցիեն ներս կատարեցին իրենց կրոնական պարտավորությունները ի փառս Աստուծո և ի մխիթարություն մեր ժողովուրդին:

Այս մարզին մեջ ալ կա սակայն կետ մը ուր կաշկանդված կմնա հայ հավատացյալը 10—12 տարիներն ի վեր, և այդ իսկ պատճառով զրկանքի կմտնվին նաև մեր համայնքային հաստատությունները:

...Ներկայիս դժբախտաբար կարելիություն չի տրվիր հայ հավատացյալին իր փափաքած կրոնական կամ բարեսիրական հաստատության նվիրելու իր անշարժ կալվածքը, համաձայն իր սիրտեն բխած ուխտի մը: Այսպիսի նվիրատվություններ հայ հավատացյալները շարունակ ըրած են բոլոր ժամանակներու մեջ: Այս նվիրատվությանց արդյունքն են այն բոլոր անշարժ կալվածները, որոնցմե քիչ շատ ունին մեր գրեթե բոլոր համայնքային հաստատությունները: Սակայն վերջին 10—12 տարիներուն արգելքի տակ է հայ հավատացյալը ի գործ դնելու իր այս կրոնական իրավունքը և պարտավորությունը:

...Այսպիսի խտրականություն մը բացահայտորեն կաշկանդում մըն է լայնք թուրք հանրապետության քաղաքացիի մը կրոնական ու բարոյական համոզումներուն: Հակասական է նախ կրոնական ազատության միջազգային սկզբունքին, զոր ընդունած ու ստորագրած է մեր պետությունը Միացյալ ազգաց կազմակերպության մյուս անդամներուն հետ: Հակառակ է նաև մեր երկրին Մայր Կանոնին—Անա Յասային—որ հավասարություն կխոստանա երկրի բոլոր քաղաքացիներուն, առանց կրոնքի և այլ տարբերությանց: Այս ազատությունը վայելած է հայ հավատացյալը ամբողջ օսմանյան շրջանին, Աթաթուրքի լուսամիտ վարչության ներքև, և ամբողջ հանրապետական շրջանին մինչև 1965-ական թվականները, երբ սկսած ենք զրկվիլ քաղաքացիական ու կրոնական այս իրավունքեն:

ԿՐՈՆԱԿԱՆ ԺՈՂՈՎ. Մեր կրոնական ժողովը, հակառակ իր օրինականության նվազագույն թիվին իջած ըլլալուն, շարունակեց իր գոյությունը և գործունեությունը 5 անդամներով, մեր նախագահության ներքև: Նկատի ունենալով երկրին մեջ տիրող կացությունը, և կառավարական շրջանակներու մտայնությունը, մենք փորձն անգամ չըրինք խնդրանք ներկայացնելու պատկան իշխանությանց՝ մեր կրոնական ժողովը նորոգելու նոր ընտրությամբ: Ունեցանք 12 ժողովներ և մի քանի խորհրդակցական անպաշտոն նիստեր, զբաղվելով մեր պատրիարքական թեմի ընթացիկ կրոնական գործերով:

Կրոնական ժողովը ընթացք տալով Ենիգաբլի թաղային խորհուրդի և ս. Փրկիչ հիվանդանոցի հոգաբարձության կողմե կատարված դիմումներուն, հետքննության, որոշեցինք ձեռնադրությունը երկու քահանայական թեման՝ ձուներու՝ տ. Վարդան քհն. Ծոնքույանը Ենիգաբլի վրա, իսկ տ. Ներսես

քին. Ոսկանյանը հիվանդանոցի վրա: Սարկավազ ձեռնադրեցինք Վահե Իշլեմեյանը Ֆերիզյուլի ա. Վարդանանց եկեղեցիին վրա և Երվանդ Կյուլ-սաթարը՝ Ենիգաբքի ա. Թաղեսու և ա. Բարթողումեսու եկեղեցիին վրա: Տասը դպիրներու ուրաք կրելու արտոնություն շնորհվեցավ զանազան եկեղեցիներու վրա:

Վալերացվեցան մեր դպրաց դասերու 8 տնօրեն խորհուրդներու նոր ընտրությունները: Վալերացվեցավ նաև Ենիգաբքի ա. Թաղեսու և ա. Բարթողումեսու եկեղեցիին նորակազմ դպրաց դասը:

Այս տարի տնօրինեցինք, որ ցարդ այցելու քահանայներով միայն հոգեվոր մատակարարություն վայելող եկեղեցիները դրվին մոտակա հովիվներու մշտական ու պաշտոնական հոգածության ներքև: Ըստ այսմ Պեյրոզի ա. Նիկողայոս եկեղեցիին հովիվ նշանակեցինք Գուգկունճուքի երեց տ. Եղիա քին. Շուշանյանը: Գանտիլիի ա. Երկոտասան Առաքելոց եկեղեցիին՝ Պեյրոքտերեի հովիվ տ. Իսահակ քին. Հեքիմյանը: Էյուպի ա. Եղիա և ա. Աստվածածին եկեղեցիներուն համար՝ Պալաթի հովիվ տ. Երաչյր քին. Սարգիսյանը: Գարթալի ա. Նշան եկեղեցիին՝ տ. Նարեկ քին. Գատեհճյանը: Իսկ Գընալը կղզիի ա. Գրիգոր Լուսավորիչ եկեղեցիին հովիվ նշանակեցինք տ. Ասատուր վրդ. միլոզյանը:

ՀՈԳԵՎՈՐԱԿԱՆ ԴԱՍ. Փառք Աստուծո այս տարի ալ հոգևորականի կորուստ չունեցանք. ընդհակառակը, ինչպես վրեն հիշեցինք, երկու հավելում ունեցանք մեր քահանայական դասուն վրա: Մեր միակ քարձրաստիճան հոգևորականը՝ տ. Շահան եպս. Սվանյան, շարունակեց ատենապետությունը Կրոնական ժողովի և քարոզչություն մեր եկեղեցիներու: Տ. Ասատուր վրդ., տ. Արամ ու տ. Մանվել արեղաները ևս շարունակեցին իրենց քարոզչական և այլ հոգևոր մատակարարությանը պարտականությունները: Ասոնց վրա ավելցավ մեր կողմն Երուսաղեմ դրկված և Սաղիմական միաբան եղած տ. Եզնիկ արեղա Պալյանը:

Իսթամպուլի մեր 33 եկեղեցիներուն համար ունինք 30 քահանա հայեր, որոնցմե մեկը միայն ֆիզիքական անկարողության պատճառով բոլորովին հանգստյան քաշված է: Իսկ մյուսները ամենքն ալ իրենց պաշտոնին ու պարտականության գյուխը կման զանազան եկեղեցիներու վրա: Գնահատելով տ. Բարթող քին. Խրքանյանի անձնվեր գործունեությունը ավագության աստիճան շնորհեցինք: Ունինք 25 ձեռնադրյալ սարկավագներ, շուրջ 50—55 գործոն ուրարակիրներ և 20 դպրաց դասեր:

Մեր քահանայից դասին համար սկսանք տասը դասախոսություններ քաղկացյալ շարք մը հոկտեմբեր-դեկտեմբեր ամիսներուն ընթացքին, ԺԳ դարու հայտնի մատենագիր Հովհաննես Երզնկացի վրդ.-ի «Խրատ հասարակաց» հոգեշահ և հետաքրքրաշարժ գործի մասին:

Գավառներու մեջ կապաշտոնավարեն չորս քահանա հայեր. ծերունագարդ տ. Ղևոնդ քին. Գարթունյան Հաթա նահանգի Վագրեֆ գյուղի ա. Աստվածածին եկեղեցին: Տ. Կիրակոս քին. Տիարսպազրիի ա. Կիրակոս և Տերիքիի ա. Գևորգ եկեղեցիներուն: Տ. Սերովքե քին. Կյուլյան Կեսարիո ա. Գրիգոր եկեղեցին: Իսկ տ. Վարազ քին. Պեյլերյան տարվոյս սկիզբը հովիվ նշանակվեցավ Իսկենտերունի ա. Քառասուն Մանկանց և Գրբրգխանի ա. Գրիգոր Լուսավորիչ եկեղեցիներու: Այս հովիվներու հոգևոր հոգածության հանձնված են նաև վերոհիշյալ քաղաքներու մոտոր կամ հեռուն ցրիվ ապրող հայ հավատացյալները:

Մեր պատրիարքարանն ալ, մեր մյուս նվիրապետական Աթոռներուն կարգին, կաշխատի իր համեստ չափով օգտակար հանդիսանալ նաև արտասահմանի մեր եկեղեցիներուն, հոգևորականներ հայթայթելով զանազան հայ համայնքներու: Ըստ այսմ մեզի կատարված դիմումներուն ընթացք տալով արտասահման դրկված են զանազան ժամանակներու մեջ, հետևյալ հոգևորականները.

Տ. Գարեգին վրդ. Պեքճյան, Մարսիլիա, հոգևոր հովիվ ա. Սահակ ա. Սեարուպ եկեղեցիին:

Տ. Պսակ վրդ. Հաթափյան, Լոնդոն, ժամաբար Անգլիո երեք եկեղեցիներուն (Անգլիո մեջ պաշտոնավարող երկու եկեղեցականներն ալ եպիսկոպոսներ են):

Տ. Խաչատուր վրդ. Սարաճյան, Մելպըրն, իբրև հոգևոր հովիվ:

Տ. Մամիկոն քհն. Ոսկանյան, Նյու Յորք, հոգևոր հովիվ Լոնկ Այլըն-տի շրջանին մեջ:

Տ. Հակոբ քհն. Ռուստեմյան, Աթենք, հոգևոր հովիվ ա. Աստվածածին եկեղեցվո:

Տ. Հովսեփ քհն. Հալլանյան, Կրետե, հոգևոր հովիվ հայոց ա. Կարապետ եկեղեցվո Իրազլիոնի:

Տ. Գալուստ քհն. Թևյան, ի Նիս:

Բացի ասոնցմե մեր կողմե ձեռնադրված ավագ սարկավագներ ալ ունինք արտասահմանի մեջ ծառայող: Միհրան սրկ. Տապաղյան ի Գերմանիա, Խաչիկ սրկ. Յըլմազ ի Մարսիլիա, Ստեփան սրկ. Կյոզյումյան և Կարպիս սրկ. Ծախազյան ի Լոս Անճելըս:

ԳԱՎԱՌ ԱՅՑԵԼՈՒԹՅՈՒՆ. Անցնող հուլիս 21—30 մենք առիթ ունեցանք հովվապետական այցելություն տալու գավառի մեր եկեղեցիներուն և համայնքներուն: Այս այցելության սկզբնապատճառը եղավ Իսկենտերունի և Գըրըզխանի մեր գույգ եկեղեցիներու բարեգարությունները, եղբայրական օժանդակությամբ Իսթանպուլահայ բարեւերներու: Այս երկու եկեղեցիները վերստին օծեցինք և վերաբացինք պաշտամունքի: Այցելեցինք նաև լույն նահանգին մեջ գտնվող Վազըֆ հայկական գյուղը, և ապա հաջորդաբար այցելեցինք Տիարպազը, Մալաթիա և Կեսարիա ուր տեղեր աշխատեցանք գորացնել և մխիթարել մեր ժողովուրդը աղոթքով, պաշտամունքով ու Աստուծո Բանին քարոզությամբ: Մեր վերադարձեն երեք շաբաթներ ետք հանակնկալս փակվեցավ Գըրըզխանի եկեղեցին ապահովության պաշտոնյաներու կողմե: Մեր և տեղվույն համայնքին կողմե կատարված դիմումներուն վրա, երկար ձգձգումներե հետո, ստուգվեցավ որ տեղական պաշտոնյաներու անհատական նախաձեռնության արդյունք էր կատարված սխալը, որ դարմանվեցավ դեկտեմբեր ամսվան ընթացքին, եկեղեցին վերաբացվելով և հանձնվելով տեղվույն քահանային ի մխիթարություն քաղաքի փոքրաթիվ հայ համայնքին: Մարտին նահանգի մեջ գտնվող Վարդո հայկական փոքր գյուղի բնակչությունը տարվույս վերջերը հարկադրվեցավ ամբողջությամբ Իսթանպուլ փոխադրվիլ. տեղավորվեցան զանազան թաղեր:

ՀԱՄԱՅՆՔԱՅԻՆ ՀԱՍՏԱՏՈՒԹՅՈՒՆՆԵՐ. 1977 մայիս 15-ին տեղի ունեցան մեր համայնքային հինգ հաստատություններու խնամակալությանը ընտրությունները, որոնց «Պելկե»-ները հազիվ տրվեցան ավելի քան 7 ամիսներ հետո: Ոչ ոք հասկցավ թե ինչ է այսքան ուշացման դրդապատճառը: Ասոնցմե մեծագույնը ա. Փրկիչ հիվանդանոցը, տարվան ընթացքին ընդունած է 3212 հիվանդներ. մտային բաժնին մեջ ընդունված են 310

մտքի հիվանդներ. իսկ ծերանոցի բաժնին մեջ պատասխարված են 355 նոր տարեցիներ և անկարներ: Կատարված են 1102 վիրահատական գործողություններ: Բոլիքլընիք դիմողներուն թիվը տարվան մեջ եղած է 39,291: Հիվանդանոցի աշխատող անձնակազմը, բժիշկներով միասին, եղած է 229 հոգի: Հակառակ այն իրողության որ վերոհիշյալ հիվանդներեն մեկ որոշ մասը ձրի դարմանված է, հիվանդանոցի այս տարվան ելնմուտքն ալ հավասարակշռված է. ԵՎԲԸ եղած է 29,017,560 թ. լիրա. իսկ ՄՈՒՏԲԸ՝ 29,336,666 թ. լ. մոից որոշ առավելությամբ:

Փուլզումի ենթարկված Գալֆայան որբանոցի և Խասագյուղի ս. Ստեփանոս եկեղեցիի կացության մեջ ոչ մեկ փոփոխություն մտավ նաև այս տարի: Որբանոցը շարունակեց իր առժամյա գոյությունը Սկյուտարի իր սեփական կալվածին վրա առժամյա փոքր դասարաններու մեջ հազիվ 50 աշակերտութիւններով, ընդդէմ նախկին 130—150 ուսանողութիւններու: Իսկ Խասագյուղի եկեղեցիին կապված Ներսեսյան գիշերօթիկ վարժարանն ալ, որ Սկյուտար փոխադրված էր առաջին օրէն, կշարունակե իր դասընթացները վարձու ընդարձակ շենքի մը մեջ 90 աշակերտներով: Մեր մնացյալ 26 վարժարանները շարունակեցին իրենց գործունէությունը շուրջ 6000 աշակերտներով:

Նույն և ավելի թափով շարունակվեցան այն սահմանափակումները և խտությունները, որոնք վերջին քանի մը տարիներէ ի վեր դրված են մեր վարժարաններուն վրա, որոնց ավելի հանգամանորէն անդրադարձած էինք մեր անցյալ տարվան տեղեկագրին մեջ: Այս տարի ալ մեր վարժարաններուն բոլոր բաժիններուն—մանկապարտեզ, նախակրթարան, միջնակարգ և լիսէ—նոր արձանագրվող աշակերտներ՝ իրենց ծնողաց հետ ներկայացան քաղաքին Կրթական Տնօրէնության կեդրոնը, ստանալու համար գրավոր արտոնագիր իրենց համայնքային վարժարանները արձանագրվելու համար: Այս տարի ալ մերժվեցաւ հայ վարժարան արձանագրվելու արտոնությունը այն հայ աշակերտներուն, որոնց հայրերուն ինքնության թողութեուն մեջ ստեղծեց մը կամավ կամ ակամա «Իսլամ» արձանագրված էր իրենց կրոնքը, և որոնք Իսթանպուլի ավելի ազատ պայմաններուն տակ՝ և հիմնվելով երկրին Մայր Կանոնին—Անա Յասայի—ամեն քաղաքացիի շնորհած կրոնական ազատության իրավանց վրա, դատարանական որոշումով վերադարձած էին իրենց նախկին կրոնքին, կամ սրբազրել տված էին «Նուֆուսի» պաշտոնյայի կողմէ ձեռքի վարժությամբ գոծված սխալը: Հայ վարժարան արձանագրվելու արտոնությունը զլացվեցաւ նաև այն հայ աշակերտներուն, որոնք ի հարկէ ստիպյալ, իրենց նախակրթությունը պետական վարժարանով սկսած էին, կամ պատահաբար տարի մը կամ երկու պետական կամ օտար վարժարան հաճախած էին: Այս մասին հատուկ տեսակցություն ունեցած էինք տարվույն ընթացքին քաղաքիս մեծահարգ կուսակալին հետ, որ մեր դիտողագիրը հղած էր տեղվույն Կրթական Տնօրէնության, որմէ ստացված պատասխանը սակայն, հիմնված սխալ տվյալներու վրա, կացության մեջ փոփոխություն մը առաջ չբերաւ:

Ընդունեցինք պատրիարքարանիս մեջ շատ մը քարձրաստիճան հոգևորականներու այցելությունը, որոնցմէ հիշատակության արժանի են Քենթըրպըրիի արքեպիսկոպոսը Դոնալդ Կոգանը, մայիս 1-ին: Մոսկվայի և Համայն Ռուսիո Պատրիարք Պիմեն Ա. հոկտ. 16-ին: Ճիպրալթարի անգլիկան եպիսկոպոսը Շոն Սաթըրթոնեյթը, նոյ. 10-ին: Հոռոմի եկեղեցիի արտաքին հարաբերությանց գրասենյակի նախագահ կարտինալ Շոն Վիլպրանտսը, նոյ. 30-ին:

Անցնող տարվան օգոստոսին, հոկտեմբերին և 1978 թվականի հունվարին պայթուցիկներ նետվեցին պատրիարքարանիս և եկեղեցական ու կրթական այլ հաստատություններու վրա:


Փառք Աստուծո, կյանքի կորուստ կամ անձի վնաս չեղավ:

... Անցնող տարվան ընթացքին մեր բոլոր եկեղեցիներուն մեջ ունեցանք 787 մկրտություն, 474 պսակ և 879 մահ:

Մեր գնահատանքը և օրհնությունը կուտանք բոլոր անոնց, որոնք գրտնըվեցան համայնքային գործերու պատենշին վրա, և ըրին իրենց կարելին, հաճախ դժվար պայմաններու ներքև, գործոն պահելու համար մեր եկեղեցիները և համայնքային կրթական ու բարեսիրական հաստատությունները: Մեր գնահատանքը և օրհնությունը նաև մեր մամուլին, որ հաճախ իրենց և այլոց կամքեն անկախ նեղ պայմաններու տակ արհաբար շարունակեցին իրենց սպասը հայ գիրին ու դպրության: Վարձքը կատար բոլորին:

ՇՆՈՐՀՔ ԱՐՔԵՊՍ. ԳԱԼՈՒՍՏՅԱՆ
ՊԱՏՐԻԱՐԷ ՀԱՅՈՑ ԹՈՒՐԷԻՈ





ԵԿԵՂԵՑԱԿԱՆ ԲԵՄ. ԼՈՒՐԵՐ

Փետրվարի 4-ին, շաբաթ.— Այսօր, երկույան ժամերգության քնթացքին, «Վարագուրեացիներն զՍեդանն»։ Սկսվում է Մեծ պահոց շրջանը։

Առավոտյան Մայր տաճարում կատարվում է Արևագալի հանդիսավոր ժամերգություն, որին մասնակցում է Մայր Աթոռի ողջ սիարանությունը։

Փետրվարի 5-ին, կիրակի.— Բուն Բարեկենդան. Մեծ պահք.

Այսօր Մայր տաճարում, փակ խորանի առաջ, ս. պատարագ է մատուցում տ. Հակոբ քմն. Հակոբյանը։

Փետրվարի 12-ին, կիրակի.— Բ կիրակի քառասնորդական պահոց (Արտաքսման).

Այսօր Մայր տաճարում ս. պատարագ է մատուցում տ. Նշան քմն. Բեկլերյանը։ «Հայր մեր»-ից առաջ քարոզում է տ. Անանիա վրդ. Արաքաջյանը՝ «Զի գալ ժամանակ՝ և արդեն իսկ է, յորժամ մեռեալք լսիցեն՝ ձայնի Որդույն Աստուծոյ և որք լսիցենն՝ կեցցեն» (Հովն. Ե 25—26) բնաբանով։

Փետրվարի 8-ին, չորեքշաբթի.— Այսօր, սկիզբն արա կատարել զկարգ Ապաշխարութեան և զԱրևագալի ժամերգութեան, և սկսեալ զՏէր Ամենակալն յառաւօտուն և ի մաշուն՝ գնեմ քարոզսն և զաղօթսն և զՈղորմեայից երգսն, և զկնի Խոնարհեցո և Ապրեցո։

Իսկ յերեկոյսն զԽաղաղականն՝ գ'նայեաց սիրովն և զի քէն հայցեմքն և ապա Հոգոց և արձակեցեն։

Փետրվարի 13-ին, երկուշաբթի.— Այսօր Մայր տաճարում, երեկոյան ժամերգության ավարտին, կատարվում է Տյանընդառաջի նախատոնակը և անդառան։ Հոգևոր ճեմարանի ուսանողները ժամերգությունից հետո վառում են ավանդական

խարույկը Վեհարանի բակում և զվարթ երեկո անցկացնում:

Փետրվարի 14-ին, երեքշաբթի.—Տեառն-ընդառաջ: Տօն քառասնորեայ գալստեան Քրիստոսի ի տաճարն.

Այսօր Մայր տաճարում ս. պատարագ է մատուցում տ. Մասիս վրդ. Գալստյանը:

Փետրվարի 19-ին, կիրակի.—Գ կիրակի քառասնորդական պահոց (Անառակին).

Այսօր Մայր տաճարում ս. պատարագ է մատուցում տ. Նշան քին. Բեյլերյանը:

Փետրվարի 22—25-ը հոգևոր ճեմարանի տեսուչ տ. Հովհաննես ավագ քին. Մարությանի գլխավորությամբ ուսանողները երեքօրյա ձմեռային պտույտի մեկնեցին Ծաղկաձոր:

Փետրվարի 25-ին, շաբաթ.—Այսօր, ժամը 13-ին, Վեհարանի ընդունելության սրահում, Վեհափառ Հայրապետի նախագահությամբ, գումարվում է Գերագույն հոգևոր խորհրդի ընդլայնված նիստը, որին ներկա են լինում Գերագույն հոգևոր խորհրդի անդամները՝ տ. Կոմիտաս և տ. Հուսիկ արքագանները, դիվանապետ տ. Արսեն եպս. Բերբերյանը, պրոֆ. Առաքել Առաքելյանը, դոկտ. Սարգիս Մելիքսեթյանը, դոց. Հովհաննես Թովուզյանը և դոց. Կարպիս Կարապետյանը:

Գերագույն հոգևոր խորհրդի սույն նիստին հրավիրվել էին նաև Մայր Աթոռին առընթեր ճարտարապետական և իրավագիտական հանձնաժողովների անդամները, այդ թվում՝ ակադեմիկոսներ Բաբյեն Առաքելյանը և Գրիգոր Խանջյանը, դոկտ. Ալեքսանդր Սահինյանը, դոկտ., պրոֆ. Վարադգատ Հարությունյանը, դոկտ., պրոֆ. Կոստանդին Հովհաննիսյանը, դոկտ. Վագեն Հակոբյանը, ճարտարապետ Բաղդիկ Արզումանյանը, Մայր Աթոռի ճարտարապետներ՝ Ծիլվան Խաչատրյանը, Միքայել Հովհաննիսյանը, Հակոբ Բաբախանյանը:

Սույն նիստին ներկա էին նաև Մայր Ա-

թոռի ղեկավար աշխատողներ, այդ թվում՝ հոգևոր ճեմարանի տեսուչ տ. Հովհաննես ավագ քին. Մարությանը, «Էջմիածին» ամսագրի խմբագիր Արթուր Հատիսյանը, խմբագրության քարտուղար Անանիա վրդ. Արաքաշյանը, Միջնեղեցական հարաբերությունների բաժնի ընդհանուր քարտուղար Պարզև Ծահրազյանը, նույն բաժնի աշխատակից Նուբար Միքայելյանը, ֆինանսական բաժնի վարիչ Գառնիկ Քեհյանը, տնտեսական բաժնի վարիչ Անդրանիկ Ութուջյանը, Մայր տաճարին առընթեր եկեղեցական թանգարանի վարիչ Մոմիկ վրդ. Մարգարյանը, վերստուգիչ հանձնաժողովի անդամներ Եփրեմ Ալեքսանյանը և Բարսեղ Թաշչյանը, Մայր Աթոռի փոխադրական միջոցների բաժնի վարիչ Լևոն Խոջամիրյանը և տ. Մասիս վարդապետ Գալստյանը:


Վեհափառ Հայրապետի ցանկությամբ և հրավերով էր գումարվել սույն՝ Գերագույն հոգևոր խորհրդի նիստը: Նորին Աթոռությունը ողջունեց ներկայությամբ բոլոր հրավիրյալների և ապա հանգամանորեն խոսեց հունվարի 28-ից մինչև փետրվարի 18-ը հաղդալ ու Փարիզ կատարած Իր հովվապետական այցելության մասին՝ ամփոփ տեղեկություններ հաղորդելով մանավանդ հաղդալի և Փարիզի հայ համայնքների եկեղեցական-մշակութային կյանքի վերաբերյալ:

Վեհափառ Հայրապետի սույն ուղևորության տպավորությունները լավեցին մեծ հետաքրքրությամբ:

Ժամը 15-ին Վեհարանի սեղանատանը բոլոր հրավիրյալները սեղանակից եղան Նորին Աթոռյանը:

Ընդունելության ժամանակ շարունակվեցին նաև մտքերի փոխանակություններ Վեհափառ Հայրապետի վերջին ուղևորության տպավորությունների մասին: Տ. Կոմիտաս արքեպիսկոպոսը, հանուն բոլոր ներկաների, բաժակ բարձրացրեց Վեհափառ Հայրապետի արևշատության կենաց: Ապա պրոֆ. Առաքել Առաքելյանը և դոկտ. Վարադգատ Հարությունյանը նույնպես ջերմորեն ողջունեցին Հայոց Հայրապետի վերադարձը Մայր Աթոռ՝ արտաքին բարենալիություններ անելով Նրա ապագա գործունեության հաջողության համար՝ ափսոսանքով հարաբերությունների էլ ավելի սերտացման կապակցությամբ:

Գերագույն հոգևոր խորհրդի սույն նիստն ավարտվում է խանդավառ մթնոլորտում՝ Վեհափառ Հայրապետի աղոթքով:



ՍՐԲՈՑ ՎԱՐԴԱՆԱՆՑ ՏՈՆԱԿԱՏԱՐՈՒԹՅՈՒՆԸ ԵՎ
ՆՈՐԻՆ ՍՐԲՈՒԹՅՈՒՆ Տ. Տ. ՎԱԶԳԵՆ Ա. ԿԱԹՈՂԻԿՈՍԻ
ԱՆՎԱՆԱԿՈՉՈՒԹՅԱՆ ՀԱՆԴԻՍՈՒԹՅՈՒՆԸ
ՄԱՅՐ ԱԹՈՒՌՈՒՄ

Ս/ք. փետրվարի 2-ին Մայր Աթոռում հանդիսավորությամբ նշվեցին սրբոց Վարդանանց և Ամենայն Հայոց Հայրապետի անվանակոչության տոները:

Նախորդ օրը, փետրվարի 1-ին, երեկոյան, Մայր տաճարում կատարվեց սրբոց Վարդանանց նախատոնակը:

Փետրվարի 2-ին, հինգշաբթի օրը, Մայր տաճարում կատարվում է առավոտյան ժամերգություն և ապա ա. պատարագի արարողություն: Օրվա պատարագին է հոգևոր ճեմարանի տեսուչ տ. Հովհաննես ավագ քին. Մարությանը:

«Հայր մեր»-ից առաջ Իջման ա. սեղանի առջև քարոզում է տեսուչ հայրը՝ «Ման ոչ իմացեալ ման է, ման իմացեալ՝ անմահութիւն» քննարանով՝ ոգեկոչելով պայծառ հիշատակը 451 թ. Ավարայրի դաշտում զոհված հայոց անմահ քաջերի:

Վերջում Իջման ա. սեղանի առաջ, Վեհափառ Հայրապետի անվանակոչության տոնի առիթով, կատարվում է Հայրապետական մատուցումը:

Հավարտ ա. պատարագի հոգևոր ճեմարանի հանդիսությունների դահլիճում, Մայր Աթոռի դիվանապետ տ. Արսեն եպիսկոպոսի նախագահությամբ, տեղի է ունենում սրբոց Վարդանանց տոնին նվիրված հանդիսությունը:

Հայաստանի պետական հիմնի նվագից հետո քաջման խոսքով հանդես է գալիս հոգևոր ճեմարանի ավագ վերակացու տ. Արտակ քին. Սիմոնյանը:

«1600 տարիներ առաջ, համուն հայոց ոգու ինքնության, Մաշտոցյան հրաշքի հավերժության, քրիստոսապարզ Լույսի կենսատար ծաղկումի, տեղի ունեցավ Վարդանանց պատերազմը, որը քրիստոնեության պատմության մեջ առաջին փորձն էր, որով մի ժողովուրդ իր եկեղեցու, իր հայրենիքի ազատության և անկախության սիրուն ողջակիզվում էր կամավոր զոհաբերությամբ:

- Ավարայրը ռազմական հասկացողությամբ պարտություն էր, սակայն պատմական անընթերցելի հրաշքով ճակատամարտը դարձավ քարոյական մի հաղթանակ հայ ժողովրդի համար և եղավ խորհրդանիշ՝ քաջության, հերոսության և հայրենասիրության:

Թագմական այս պարտությունը հայ ժողովրդի համար կամքով հանդիսացավ սարսիհրոսների արյունից ծնված քարոյական անխորտակելի հաղթանակը: Այս պատերազմն իր էությանը եզնիկ Վորքացու «Եղծ աղանդոց» գրքի քարոյական հաղթանակը կարելի է համարել ընդդեմ գրադաշտական գաղափարախոսության:

Քաաներորդ դարում, երբ պատմական շատ իրադարձություններ զոհաբախվել են, կորցրել իրենց այծմեականությունը, Ավարայրի սխրանքը մնում է չխամրող, հավերժ կենդանի իրականություն-հրաշք: Եվ ամեն անգամ, երբ ոգեկոչում ենք քաջն Վարդանի և 1036 նահատակների հիշատակը, ակնածանքով ու զարմանքով մտա-

ծում ենք, թե որքան ճանապարհ պիտի կտրած լինեք մի ժողովուրդ, ինչպիսի կրոնական, ազգային, մշակութային բարձր մակարդակ պիտի ունենար, որ տակավին 5-րդ դարում ոտքի բարձրանար և տասնյակ հազար կամավորներ բանակեր և իր ազգային սրբություններն ու ինքնուրույնությունը պաշտպանելու համար գնար «գիտակցված մահվան»:

Ավարայրին հաջորդեց Սարդարապատը, Վարդանին հաջորդեց Անդրանիկը, և այսպես դար ու դարեր «վասն Յիսուսի, վասն հայրենեաց» մաքառեցին, որ Վարդանի թափած արյունից վարդ-կակաչներ բացվեն, որ Վարդանի ոգին ամեն հայի կրծքի տակ բողբոջի, որ Վարդանի հավատը ամեն հայի սրտին անձրևի որպես անձկալի շնորհ:

Այսօր, երբ մեր ժողովրդի հայրենական հավերհասել է խաղաղ մավահանգիստ, բազում այսպիսի մահատաղիությունների և հերոսությունների շնորհիվ, մենք մեծ սիրով ու ոգևորությամբ նշում ենք մահ Ամենայն Հայոց կաթողիկոս Վազգեն Ա-ի անվանակոչության օրը:

Ավարայրը հայ ոգու հավերժելու լավագույն արտահայտությունն է: Այդ ոգին դարեր շարունակ պահեցին մեր եռամեծար հայրապետները: Այդ ոգով է աղեցուն մահ ու Գրիգոր Լուսավորչի Աթոռի մերօրյա գահակալը՝ մեր սիրելի Վեհափառ Հայրապետը: Թող իր գահի վրա միշտ հաստատ մնա Նա, և Նրա արի ու բարի ձեռքերում ծաղկի հայրապետական գավազանը:

Տեղ հոր բացման խոսքից հետո հոգևոր ճեմարանի սաները կատարում են «Նորահրաշ» և «Արիացեալք» շարականները: Այս օրվա գլխավոր բանախոս, հոգևոր ճեմարանի դասախոս տ. Անանիա վրդ. Արաքաջյանը ներկաներին կարդում է օրվա խորհրդին նվիրված իր հետևյալ բովանդակալից խոսքը.

«Որմիզդը խելք տա ինձ՝ հասկանամ,— միթմրթաց Նյուսալավուրտը,— Որմիզդը խելք տա ինձ...»

— Միևնույն է, մա պաշարված է:

— Դու ջարդը նայիր, ջարդը...

...Սակայն անտեղի էր Նյուսալավուրտի տագնապն ու մեղադրանքը: Սահմանափակ գործարքի նեղ ուղեղին հասու չէր այն վեհ գաղափարը, որ դրել էր Վարդանն այս մարտի մեջ: Հասու չէր, որ Վարդանը ջնջել էր մարտավարության բոլոր՝ մինչ այժմյա չափերն ու ավանդները, որ մահ կատարում էր անհասկանալին, անցել էր մարդկային բոլոր հասկացողությունները, գործում էր խելահեղ մի սխրագործություն:

Նա փրկում էր Հայրենիքը՝ սխրագործության դնելով մի ողջ սերունդ» (Դ. Դեմիրճյան, «Վարդանանք»):

Մի՛ ողջ սերունդ... մեր մայահայրերին: Փակում են «Վարդանանք»-ը՝ մեր ժամանակների լավագույն գրքերից մեկը, ու ստովի գնում են դեպի անցյալը, հայ ժողովրդի փառավոր անցյալը...

«Յայն հաւատոց զմեզ ոչ ոք կարէ խախտել, ո՛չ հրեշտակք և ո՛չ մարդիկ, ո՛չ սուր, ո՛չ հուր, ո՛չ ջուր... ի քէն տանջանք, և ի մէնջ յանձնառութիւնք, սուր քո և պարանոցք մեր...» (Եղիշէ):

Դաժան է եղել մակատագիրը մեր ժողովրդի նկատմամբ, անողոր է եղել: Գըտնըվելով մեծ ճանապարհների ստորաբաժանումների վրա Հայոց աշխարհն իր վրա է կրել օտարների ատելի հարվածները՝ բնագոյաբար ետ մղելով իրեն նվաճելու, ստրկացնելու ամեն մի փորձ, բազում-բազում անգամներ մղելով օրհասական կոիվներ: Կոիվ է դարձել պահպանելով իր ազգային անկախությունն ու գոյությունը, ու այսօր խաղաղության և շինարար աշխատանքի մեջ մեր ազնիվ ժողովուրդը մոռանալ է ուզում ամեն ինչ. չի ուզում հիշել ո՛չ օտարների բռնության փորձերը, ո՛չ նրանց անգթությունները և ո՛չ էլ անագնիվ ու անեզ դիվանագիտությունները:

Սակայն այս բոլորի կողքին մա չի կարող մոռանալ իր այն բյուր գավակներին, որոնք զոհելով աշխարհում ամեն ինչ՝ ապահովեցին նրա այսօրվա ազատությունն ու անկախությունը:

Հայոց սուրբ երկիրը երախտագիտության է հիշում նրանց անունները, պահում է երկյուղածությամբ:

451 թվականի հայոց պատերազմ: Պատերազմ, որ մեր նախնիք իրավամբ կոչել են մեծ, մեծ՝ այսինքն բոլոր ժամանակներում (հայ ժողովրդի համար) եղող պատերազմներից ամենավճռակալը, բախտորոշն ու փառավորը:

387 թվականի Հայաստանի բաժանումից հետո, բաժանում, որ տեղի ունեցավ Բյուզանդիայի և Պարսկաստանի միջև, հայ ժողովուրդը կորցրեց իր ազգային անկախությունը:

Պարսկական Հայաստանի մասում պարսիկների կողմից սկսվում է մի դաժան հալածական քաղաքականություն: Զգտելով ձուլել հայ ժողովրդին իր մեջ, նվաճել Հայաստան աշխարհն ու կցել այն Պարսկաստանին, պարսից տիրակալները գտնում էին, որ իրենց այս քաղաքական ծրագրի դեմ գոյություն ունի մի պատեհ, մի անխորտակելի պատվար, որն իր անխորտակելիությամբ վճռական արգելք է հանդի-

սանում իրենց այս մտահոգացումների մասնապարհին:

Այդ պատվարը քրիստոնեությունն էր՝ հայ ժողովրդի մոտ չորս հարյուր տարվա հավատքը:

Ի՞նչ անել: Մնում էր միայն մի բան: Զրկել հայ ժողովուրդը ուժից, ֆիզիկապես դիմադրելու հնարավորությունից ու նոր ժխայն սպանել նրա հավատքը:

Եվ ամա Հազկերտը՝ պարսից թագավորը, Տիգրան է կանչում հայ, վրացի և ադվանից նախարարներին ու հրամայում նրանց իրենց ողջ զորքով մեկնել պատերազմելու բուշանաց ցեղի դեմ, որոնք մեծ անհավատություններ էին պատճառում պարսիկներին:

Հազկերտի նպատակը պարզ էր. սպանել քրիստոնյա այս երեք ժողովուրդներին այդ երկարատև կռիվներում ու ապա անցնել իր ծրագրած քաղաքականության գործադրմանը: Նախարարները, որոնց թվում էր և հայոց սպարապետ քաջ Վարդան Մամիկոնյանը, փառքով վերադարձան այդ պատերազմից: Եվ այն ժամանակ պարսից արքան կտրականապես պահանջում է քրիստոնյա նախարարները պետք է որսանան քրիստոնեությունը և ընդունեն զրադաշտական կրոնը: Հակառակ դեպքում Հազկերտը սպառնում է ոչնչացնել նրանց և նրանց իշխանական տները:

Այս անելանելի դրության մեջ ամա քրիստոնյա իշխանները գտնում են միակ ճիշտ և խելացի որոշումը, այն է՝ առերես ուրանալ քրիստոնեությունը, ընդունել պարսից կրոնը և ապա վերադառնալ հայրենիք ու պարզել անկախության համար մոլոդ պայքարի դրոշմը:

449 թ. հայ հավատափոխ նախարարները պարսից մոգերի հետ մուտք են գործում Հայաստան: Հենց առաջին իսկ քայլերից նրանք հանդիպում են հայ ժողովրդի անսելությամբ ու կատաղի դիմադրությանը: Անգղ ավանում, օրինակ, հալերը, մեր պատմությանը քաջ ծանոթ սուրբ Ղևոնդ Երեցի գլխավորությամբ, հարձակվում են պարսիկների վրա, որոնք փորձում էին հաղկական եկեղեցին դարձնել ատրուշան, ու կոտորում են նրանց:

Մկրվում է համաժողովրդական մի խկական պայքար՝ «Վասն Յիսուսի և վասն հայրենեաց» նշանաբանով:

Հայ նախարարները, դեն հետելով իրենց հավատորացության դիմակները, անցնում են քաջ պայքարի, որի նախապատրաստությունները, սկիզբն ու ելքը այստեղ գտնվող շատ-շատերիս հայտնի են: Գիտենք, որ թվով երեք անգամ քիչ հայոց զորքը ասարսից զորավար Նյուսարավոր-

տի բանակի համար 451 թվականի մայիսի 26-ին կազմակերպեց մի այնպիսի սպանդ, որի մասին մոտաձել անգամ չէր կարող այդ փորձված զորավարը:

Դեռ ավելին, պատերազմը իր հետ բերեց նաև իր դաժան հետևանքները Պարսկաստանի համար:

Հայերի կողմից Ավարայրի հաղթանակից հետո սկսվեց Հազկերտի համար ոչ ձեռքնուտու մի քայքայիչ պարտիզանական պատերազմ: Եվ եթե կարելի է առաջադրել տահապալակ՝ չափազանց ճշմարիտ էր Հազկերտի սարգարտությունը՝ ասելով իր խորհրդատուներին. «Ինչ իմ տան մեջ հարուցիք այնպիսի պատերազմ, որի վերջը ավելի չարագույն է լինելու...»: Հիրալի չարագույն՝ պարսիկների համար: Վարդանանց պատերազմն իր ավարտը գտավ 484 թվականին միայն և՛ հայերի լիակատար հաղթանակով:

Հայ ժողովուրդն այս անհավասար պայքարում ոչ միայն կարողացավ պահպանել իր ազգային ազատությունն ու քրիստոնեական հավատքը, այլ նաև ստիպեց գոռոգ պարսիկներին հրաժարվելու իրենց ուզանատենչ նպատակներից: Սա հաղթանակ է քոլոր իմաստներով՝ ֆիզիկական, քաղաքական, քարոյական:

Սիրելի ներկաներ,

Հայ առաքելական ս. եկեղեցին յուրաքանչյուր տարի տոնում է Ավարայրի դաշտում ընկած 1036 մարտիկների հիշատակը: Տոնում է սրբոց հիշատակը: Բոլոր մարդիկ չէ, որ կարող են սրբացվել որևէ եկեղեցու կողմից: Սրբացվում են մարտրկյանքի, բարի վարքի ու կատարած հրաշքների համար: Սակայն քոլոր քրիստոնյա ժողովուրդների մոտ կա, գոյություն ունի մի սրբացում, որի դեպքում չկա նմար, չկա չափ ու ընկություն: Դա սեփական արյունը, մայր հողի համար զոհված հավատարիմ զավակի հիշատակն է: Սուրբ Վարդանը, Ղևոնդ Երեցին ու նրանց 1036 քաջերը մեր Մայր Հայաստանի ամենահավատարիմ զավակներն էին:

Այսօր ևս, փետրվարյան այս պարզ առավոտ, Հայաստանյազ եկեղեցու շատ զավակներ հավաքվել են Մայր Աթոռ ս. Էջմիածնի հոգևոր ճեմարանի հարկի տակ մեկ անգամ ևս երախտագիտությամբ տոնելու պայծառ հիշատակն այն մարտիրոսների, ովքեր աշխարհում չխնայեցին ոչինչ, ո՛չ փառք, ո՛չ անձնական երջանկություն, ո՛չ կյանք՝ հաճում մեր ազգի պահպանման և մեր սուրբ եկեղեցու հավերժության:

Ի՞նչ սովորեցրեց, ի՞նչ տվեց Վարդա-

նանց պատերազմը հայ հետագա սերունդներին:

Նախ և առաջ սա լավագույն մի ապացույց է հերքելու համար այն թյուր կարծիքը, որ իբր թե քրիստոնեությունը պասիվ, դեպի խեղճություն մղող մի կրոն է, որ հայ ժողովուրդը քրիստոնեություն ընդունելով գեների տեղ ձեռքը մանգաղ առավ ու դրանով թուլացրեց նվաճողների դեմ տարվող պայքարի ոգին: Դրա լավագույն ապացույցը Ավարայրն է, ուր հայը մեկ ընդմիջում ապացուցեց, թե խաղաղ աշխատելու, ստեղծագործելու և աղոթելու կողքին գիտե նաև կռվել, դիմադրել ու անհանդուրժողական ոգի ցույց տալ բոլոր նրանց, ովքեր փորձել են կամ կփորձեն մեր փոքրիկ, սակայն ազատասեր հայրենիքը անարգել, ստրկացնել կամ նվաճել:

Երկրորդ և, ըստ իս, ամենակարևորը՝ Վարդանանց պատերազմը, հետագա մեր ողջ սերունդների համար եղավ ճշմարիտ հաղթանակության, նվիրումի մի չքնաղ ու անմոռանալի օրինակ: Նրանով ոգևորված ու նրա քաջալերիչ օրինակը սրտերում մեր նախնիք՝ մեր պապերն ու հայրերը, շուրջ 15 դար գոյության անհավասար պայքար մղեցին շատ ու շատ ազգերի և ժողովուրդների դեմ: Նրանով ոգևորված շատ անգամներ Հայոց աշխարհի գավակները վանեցին թշնամու ամեն մի սարսափ իրենց հոգիներում ու անգամ խիզախեցին:

Ու այսօր ևս շարունակվում է Ավարայրի քաջալերող սխրանքը գոյություն ունենալ մեր սրտերում... ամեն մի տեղ՝ աշխատանքում, գիտության, արվեստի, տնտեսության, ամեն-ամեն մի մարզում: Այդ սխրանքը ապրում է նաև սփյուռքում, ուր ամեն մի գիտակից հայ մղում է իր Ավարայրը հանուն իր հավատքի և հայության, մղում համարյա ամեն օր, այդովը ցանկություն, որ չկորցնի իր ազգային դիմագիծը, կույ չգնա օտարին, որ հայ մնա և ապրի:

Այսօր, այս սուրբ օրը, տոնն է նաև Հայաստանյայց առաքելական ս. եկեղեցու ազգընտիր Հայրապետի: Անձնավորություն, որն իր գահակալության շուրջ 23 տարիների ընթացքում շատ մեծ գործ կատարեց մեր եկեղեցու վերակազմավորման, ամրացման և ծաղկման համար: Եվ եթե այսօր հայ առաքելական եկեղեցին նաև միջազգային ասպարեզներում էլ ունի մեծ հեղինակություն, հարգանք, ապա դրանում վճռական ու շատ կարևոր դեր է

խաղացել Հայոց Հայրապետի համակրելի Անձը:

Այսօր Հայոց Հայրապետը մեր մեջ չէ: Ինչպես գիտեք, մոտ մեկ շաբաթ առաջ Նա մեկնեց հովվապետական այցելության Իրաքի Հանրապետություն՝ մխիթարելու երկար տարիներ իրեն անձկությամբ ըսպասող հայ համայնքին: Ի սրտե ցանկանաք Նորին Սրբությանը նորանոր հաջողություններ իր այդ սուրբ գործում և շնորհավորելով Ս.Տ. Վազգեն Ա կաթողիկոսի անվանակոչության այս տոնը՝ որդիաբար ցանկանաք Նրան բարի վերադարձ Մայր Աթոռ ս. Էջմիածին:

«Յիշեցէք զգործս հարցն ձերոց, որ ինչ քաջութիւնս արարին ի դարս իւրաքանչիւր... եւ ժառանգեցէք զանուն յաիտենից» (Ա. Մակար. Բ 51):

Բանախոսության ավարտից հետո հոգևոր ճեմարանի սաների ուժերով գործադրվում է գեղարվեստական մի ծրագիր:

Երկրորդ դասարանի աշակերտ Արա Տաքեայանը արտասանում է Ռ. Պատկանյանի «Վարդանի երգը» բանաստեղծությունը: Երկրորդ լսարանի ուսանող Հրաչ Օղյուզյանը՝ «Տիկնաք» փափկասունք» հատվածը երգեց: Նույն լսարանի սան Վահրամ Տերտերյանը դաշնամուրի նվագակցությամբ կատարում է Եկմայանի «Լոնեց, ամպերը եկան» երգը: Նաիրի Զարյանի «Ջայն հայրենական» պոեմից մի հատված է արտասանում Վաչագան Ավետիքյանը՝ նույն լսարանից: Հոգևոր ճեմարանի մի խումբ սաներ՝ Հովսեփ Պալըզյանը, Արա Ելուկյանը, Վահրամ Տերտերյանը, Հայկ Զիլինգարյանը, Բորիս Մալյանն ու Վարդգես Ավագյանը, խմբովին արտասանում են Վահան Թեքեյանի «Խորհուրդ Վարդանանց»-ը:

Ապա հոգևոր ճեմարանի երգչախումբը, Մայր տաճարի երգչախմբի խմբավար, վաստակավոր արտիստ Խորեն Մեյխանեջյանի ղեկավարությամբ, կատարում է «Ով Հայոց աշխարհ», «Ահա ծագեց կարմիր արև», «Ազնիվ ընկեր», «Իմ հայրենյաց հոգի Վարդան», «Ծաղկիր, ազատ իմ հայրենիք» խմբերգերը:

Հանդիսության ավարտին ներկաներին իր խոսքն է ասում տ. Արսեն եպիսկոպոս Բերբերյանը:

Հանդիսությունն ավարտվում է սրբազան հոր «Պահպանիչ»-ով և խմբովին կատարված «Հայր մեր»-ով:

ԱՆՆԱՆԻԱ ՎՐԴ. ԱՐԱՐԱՋՅԱՆ



ԸՆՈՐՀՔ ԱՐԲԵՊԻՍԿՈՊՈՍ ԳԱՌՈՒՍՏՅԱՆ

ԱՍՏՎԱԾԱԸՆԶԱԿԱՆ ՍՈՒՐԲԵՐ*

Մասն առաջին

Հին ԿՏԱԿԱՐԱՆԻ ՍՈՒՐԲԵՐ

Գլուխ առաջին

ՆԱԽԱՀԱՐՔ

Աստվածաշնչական սուրբերը բնականորեն կրթվել են երկու մեծ խումբերու. Հին Կտակարանի և Նոր Կտակարանի սուրբեր: Երկուսն ալ գրեթե իրարու հավասար թիվով 40—45 անուն սուրբեր անցած են մեր տոնացույցին: Կակսինք Հին Կտակարանի սուրբերու ներկայացումով:

Հին Կտակարանի սուրբերը մենք բաժնած ենք հետևյալ խումբերու. 1. Նախահարք. 2. Նամասպետք. 3. Անապատի առաջնորդներ. 4. Դատավորք. 5. Գործիչ մարգարեներ. 6. Գիրք ունեցող մարգարեներ. 7. Չանագան ուրիշ Հին Ուխտի սուրբեր, որոնք վերոհիշյալ ստորաբաժանումներեն ունենում են մեկին ներքև չեն իյնար:

Կակսինք առաջին խումբով, որ ներկայացված է Ծննդոց գրքի առաջին 10 գլուխներուն մեջ և կրադկանա յոթ անուններն:

1. Ադամ

Վատն ենք որ շատեր պարզապես պիտի գայթակղին իմանալով, որ Ադամն ալ սուրբերու կարգ անցած է: Երևակայել որ

* Շարունակված «Էջմիածին» ամսագրի 1977 թվականի № 2-ից և 1978 թվականի № 1-ից:

առաջին մեղավորը, մեղքը աշխարհ մտցրնողը, ու զայն տարածողը ամբողջ իր սերունդին վրա՝ ժառանգական ախտի մը նման, սուրբերու կարգ անցած է: Հեգնական չէ՞: Անոր գործած մեղքի հետևանքն զերծ չէ մնացած ոչ մեկ աղամուրի, որուն բնական ու բացահայտ հակումը դեպի չարություն կոչված է քրիստոնեական աստվածաբանության մեջ «Արամային մեղք»:

Ստույգ է որ արդարները միայն իրավունք ունին սուրբերու կարգ անցնելու, բայց, ինչպես կհաստատվի մեր եկեղեցիի հատուկ «դոնացեր»-ի սրբազան տրամաչի մեջ, «ոչ միայն արդարք, այլ նաև մեղավորք խոստովանությամբ և ապաշխարությամբ» կմտնեն սուրբերու կարգը: Ադամ ապաշխարե՞ց: Աստվածաշունչեն ոչ մեկ հատակ պատասխան կատանանք այս հարցումին. ընդհակառակը մեղանշելեն հետո տակավին անգիտչ է Ադամ: Աստուծո հանդիմանական հարցումին իր տված պատասխանեն հալոնի է, որ բոլոր անապաշխար մարդերուն պես, մեղքը վրան չառներ. ուրիշին կվերագրե. «Սա կինը որ ինձի տվիր», ան եղավ պատճառը իմ մեղանշելու: Եիտակ էր ըսածը, սակայն զղջացող մեղավորի մը պատասխանը չէր...:

Այս հարցին վրա լույսի նշույլ մը կձգե Աստվածաշունչի «պարսկանոն» կամ ավելի շիտակ՝ «երկրորդականոն» գիրքերեն մեկին մեջ եղած անցողակի ակնարկություն մը: Փակագծի մեջ ըսենք, որ պատ-

մական եկեղեցիներու՝ այսինքն հունաց, հռոմեացիաց, հայոց և բոլոր մյուս արեւելեան հին եկեղեցիներու գործածած ու Գրքին մեջ, որ կ'ընչվի «Յոթանասնից» թարգմանություն, կան գիրքեր, որոնք չեն անցնիլ հրեից գործածած ու Գրքին մեջ, զոր թարգմանաբար կ'իրարկեն բոլոր բողոքականները: Հավելվածական այս գիրքերը կ'ընչվին «Երկրորդականում», այսինքն Աստվածաշունչի գիրքերու «կանոն»-ին—ցանկին—մեջ ետքեն անցած գիրքեր: Ասոնց մեջ կա «Իմաստութիւն Սողոմոնի» ըսված գիրք մը, որմէ հաճախակի ընթերցումներ կ'ատարվին մեր եկեղեցիին մեջ: Այդ գրքին մեջ կա հետևյալ ակնարկությունը Ադամի մասին: «Իմաստությունը պահպանեց մարդկային ցեղի նախահայրը, ՓՐԿԵՑ զայն իր անկումեն հետո, և տվաւ անոր զորություն տիրապետելու ամեն բանի վրա»: Թերևս այս հավաստումն հետևեցված է, որ Ադամ «Փրկված» է, և հետևաբար՝ արժանացած է սուրբերու կարգին անցնելու:

Ասկէ զատ քրիստոնեական հին շրջանակներու մեջ շատ տարածուն ավանդություն մը կա, ըստ որում Ադամի գերեզմանը կ'գտնվի Գողգոթայի վրա. և առաքելական բացատրությամբ «Երկրորդ Ադամը»—Քրիստոս—խաչվեցաւ ճիշտ անոր գերեզմանին վրա և իր փրկարար արյունը թափվեցաւ ու թափանցեց մինչև Ադամին ոսկորները և անոր կյանք տվաւ: Այս ավանդության արձագանքն է շատ մը խաչելության նկարներուն ներքև նշմարված գանկը և խաչաձև երկու ոսկորները, որոնք Ադամը կ'ներկայացնեն: Դարձյալ ըստ քրիստոնեական այդ ավանդության՝ երբ Հիսուս «դժոխք իջաւ» (Ս. Պետր. Գ 19) իր մահէն հետո, և «զորունս դժոխաց խորտակեաց», առաջին անգամ ազատեց Ադամը, որուն հետևեցան Հին Ուխտի մյուս սուրբերը: Քրիստոսի փրկագործությունը լրիվ պիտի չըլլար եթէ արդարեւ փրկված չըլլար Ադամը, մեղքի առաջին պատճառը և պատասխանատուն:

Ամեն պարագային, Ադամը սուրբերուն կարգը դասելով եկեղեցին կուգէ հաստատել այն հավիտեական ու անհերքելի ճշմարտությունը, թէ Քրիստոսի քաւյարար արյունը փրկության պատճառ կըլլա բոլոր արամորդիներուն, սկսյալ իրենց նախահայրեն, և թէ՛ Ադամի փրկությամբ վերջ գտած է ադամային անեծքը բոլոր անոնց համար, որոնք կապաշխարեն և կ'հավատան Ավետարանին և Քրիստոսի քաւյարար տնօրէնության:


Սերտ նմանություններ և հակադրություններ կան Ադամի և Քրիստոսի միջև.

ու այդ իսկ պատճառով «Երկրորդ Ադամ» կ'ընչէ զԱյն Պողոս առաքյալ: Ադամ եղաւ Հայրը մարդկային ցեղի, ըստ մարմնո. իսկ Քրիստոս եղաւ Նոր մարդկության Նախահայրը ըստ հոգւո: «Առաջին մարդը, Ադամ, ստեղծվեցաւ իբրև շնչավոր—ապրող—ոգի, իսկ երկրորդ Ադամը՝ իբրև կենդանաբար Հոգի: Առաջին մարդը ստեղծվեցաւ երկրի հողէն. իսկ երկրորդ Մարդը՝ տիրաբար իջաւ երկինքէն» (Ա. Կոր. ԺԵ 45—47): «Ինչպէս Ադամով ամենքս կ'ենեմք, նույնպէս Քրիստոսով ամենքս պիտի վերակենդանանանք» (Անդ. հմբ. 22): Ադամ մեղանշելով եղաւ պատճառը մարդկային ցեղի դժբախտության. իսկ Քրիստոս, իր մահով, ի գլոխ հանեց ամբողջ մարդկության փրկությունը և երջանկությունը: Առաջ բերեմք սակայն Պողոս առաքյալի ուսուցումը այս մասին իր իսկ բառերով.

«Ինչպէս որ մեկ մարդով մեղքը աշխարհ մտաւ, և մեղքին պատճառով՝ մահը. ու այսպէս մահը տարածվեցաւ ամբողջ մարդկության վրա, որովհետև ամենքը մեղանշեցին...: Ադամ զաւիթ մարդուն—Քրիստոսին—նախապատկերն էր, տարբեր իմաստով մը: Սակայն Աստուծո շնորհքը—Քրիստոսով աշխարհ բերված—բոլորովին դուրս է բաղդատութենէ Ադամի մեղքին հետ: Որովհետև եթէ Ադամին մեղքին պատճառով շատեր մեռած, շատ ավելի ուրիշներ առատացան Աստուծո շնորհներով և պարգևներով, շնորհիվ մեկ մարդու, Հիսուս Քրիստոսի: Դարձյալ, Աստուծո պարգևները անբաղդատելի են իրենց արդունքներով քան մեկ մարդուն մեղքը: Ադամին մեկ մեղքին պատճառով դատապարտության վճիռ մը տրվեցաւ. իսկ Աստուծո շնորհքը՝ արդարացման վճիռը տվաւ այնքան մեղանշումներէն հետո: Եթէ մեկ մարդուն մեղքով մահը թագաւորեց, ուրիշ մեկու մը ձեռքով, այսինքն Հիսուս Քրիստոսով, պիտի ապրին և թագաւորեն անոնք որոնք առատապէս պիտի ստանան Աստուծո շնորհները և արդարացման պարգևները: Ուստի, ինչպէս որ մեկին հանցանքովը բոլոր մարդերը դատապարտության ենթա ինկան, այնպէս ալ ուրիշի մը—Քրիստոսի—արդարությանբ բոլոր մարդիկ կ'յանքի արդարացում ստացան: Եվ ինչպէս որ մեկ մարդուն անհնազանդությամբ շատ շատեր մեղքի դատապարտության ենթա ինկան, նույնպէս ալ մեկի մը հնազանդությամբ, բազմաթիվ մարդեր պիտի արդարանան» (Հռոմ. Ե 12—21):

(Ծառնակելի)

(«Աստվածաշնչական սուրբեր», Իսթանպուլ, 1977, էջ 88—86)



ԲՈՒՂԱՐԱՀԱՅ ԹԵՄԻ ԹԵՄԱԿԱՆ ԽՈՐՀՐԴԻ ԱՏԵՆԱՊԵՏ ՕՆԻԿ ԱՍԼԱՆՅԱՆԻ ԾՆՆԴՅԱՆ ՏՕ-ԱՄՅԱԿԸ

Ա/թ. հունվարի 14-ին Սոֆիայում նշվեց բուլղարահայ թեմական խորհրդի ատենապետ Օնիկ Ասլանյանի ծննդյան 80-ամյակը:

Ամենայն Հայոց Վեհափառ Հայրապետը, նկատի առնելով Օնիկ Ասլանյանի շուրջ մեկ ու կես տասնամյակ աղթ թեմում կատարած վաստակը, Իր հայրական հատուկ ուշադրությանն արժանացրեց հոբելյարին և ողորկեց օրհնության հետևյալ կոնդակը՝ նրա ծննդյան ՏՕ-ամյակի առթիվ.

Ուրախ ենք, շատ ուրախ, որ նախախնամությունը Ձեզ կոչած է ապրելու երկար տարիներ ու օժտած՝ գործելու անսպառ ու մշտանորոգ եռանդով, Բուկար հայրենիքի սուրբ հողի վրա, հայ համայնքի ծոցի մեջ:

Ձեր անձնուր բառապատկերները մատուցած բուկար և հայ ժողովուրդներին ու նաև Մար Աթոռ ու Էջմիածնին, Մենք ջերմապես գնահատում ենք և սիրով ընդառաջելով թեմական խորհրդի և թեմակալ առաջնորդ տ. Տիրայր եպս. Մարտիկեանի միջնորդութեան, այսու հղում ենք Մեր սրտագին բարեմաղթությունները և օրհնությունները՝ Ձեր սիրելիութեան և ազնաշուք Ձեր տիկնոջ՝ տիկին Ժենեա Ասլանեանին, որ միշտ եղև է բարի հրեշտակը Ձեր կեանքի, թե՛ Ձեր ուրախ օրերին և թե՛ երբեմն Ձեր դժուարութեանց պահերին:

Կմենք աղոթող որ Տերը Ձեզ և Ձեր տիկնոջը պարգևի ևս երկար, արևոտ ու խառատ տարիներ ընտանեկան երջանկութեամբ ու Ձեր հասարակական գործունեության հորանոր շինարար իրագործումներով՝ ի պայծառությամբ բուկարահայ համայնքների և եկեղեցիների:

«Ողջ լինուք գորացեալ Սուրբ Հոգով և յաւետ օրհնեալ ի Տեառնէ և ի Մենջ».

**ՎԱԶԳԷՆ Ա.
ԿԱԹՈՂԻԿՈՍ ԱՄԵՆԱՅՆ ՀԱՅՈՅ**

Տուա կոնդակս ի 29 նոյեմբերի
1977 փրկական ամի,
և ի տունարիս հայոց ՌԵԻԶ,
ի մայրավանս Արթուր Էջմիածնի:
ՀՄԻ, ՏՏՏ

Կազմակերպված հանդիսությանը ներկա էին Ռումինիայի և Բուլղարիայի թեմերի հայոց առաջնորդ տ. Տիրայր եպս. Մարտիկեանը, Բուլղարիայի արտաքին գործոց նախարարությանն առընթեր կրոնական գործերի կոմիտեի նախագահ Ստոյնո Պարլովը և խորհրդական Պորիս Միլեր, բուլղար պատրիարքարանի ս. Սիմոնի քարտուղար տ. Տոմեաիեն եպիսկոպոսը, բուլղարահայ «Երևան» մշակութային կազմակերպության կենտրոնական վարչության նախագահ Գ. Գաբրիելովը, թեմական խորհրդի անդամներ, եկեղեցական վարչության ներկայացուցիչներ:

Տ. Տիրայր եպիսկոպոսի քաջման խոսքից անմիջապես հետո Սոֆիայի հայոց եկեղեցու հոգևոր հովիվ տ. Մեսրոպ քմն. Բենյամինը բնօրոգում է Ամենայն Հայոց Հայրապետի սրբատառ կոնդակը:

Ներկաները երախտագիտությամբ և հոռնակաչ ունկնդրեցին Վեհափառ Հոր օրհնության խոսքը:

Կրոնական գործերի նախագահ Ստոյնո Պարլովը կարդաց Բուլղարական Ժողո-

վերդական Հանրապետության Պետական խորհրդի նախագահության հրամանագիրը՝ Օճիկ Ասլանյանին «Աշխատանքային կարմար դրոշ»-ի շքանշանով պարգևատրելու մասին՝ ի վարձատրություն նրա երկարամյա պետական և հասարակական գործունեության: Օճիկ Ասլանյանը որպես տնտեսագետ նպաստել է Բուլղարիայի տնտեսական զարգացման վերելքին:

Հանդեսին ելույթներ ունեցան նաև Գաբրիել Գաբրիելովը, Խաչատրյոյի եկեղեցական վարչության կողմից՝ ատենապետ Կարո Ծիրինյանը: Հանդիսությունը վարում էր թեմական խորհրդի փոխատենագետ և

Սոֆիայի եկեղեցական վարչության ատենապետ Կարո Տեր-Մեսրոպյանը, որը և լնթերցեց թեմական խորհրդի և եկեղեցական վարչության ողջույնի խոսքը:

Հորելյանական հանդեսն ավարտվեց Օճիկ Ասլանյանի շնորհակալական ջերմ ելույթով:

«Էջմիածին» ամսագրի խմբագրությունը, իր ջերմ բարեմաղթությունները միացնելով բոլորին, ցանկանում է հոբելյար Օճիկ Ասլանյանին նորանոր հաջողություններ՝ նրա թեմական և հասարակական ծառայության ճանապարհին, ինչպես նաև քաջատողջություն և երկար տարիներ:





ԲՈՎԱՆԴԱԿՈՒԹՅՈՒՆ

Հաղորդագրություն	3
ԱՐԹՈՒՆ ՀԱՏԻՏՅԱՆ	
Հայրապետական այցելություն Բաղդադի հայոց տիրախնամ թեմին	6
Վեհափառ Հայրապետը Փարիզում	36
Ա. Հ.—Երուսաղեմի հայոց ամենապատիվ տ. Եղիշև սրբազան պատրիարքի այցը ԱՄՆ և Եվրոպա	42
Թուրքիո հայոց պատրիարք ամենապատիվ տ. Ծնորմը արքեպիսկոպոս Գալուստյանի 1977-ի տարեկան տեղեկագիրը	48
ԻՐԱՅՐ ԱԹՈՒՈՒՄԻ—Եկեղեցական բեմ. լուրեր	54
ԱՆԱՆՈՒԱ ՎՐԴ, ԱՐԱՎԱԶՅԱՆ—Սրբոց Վարդանանց տոնակատարությունը և Նորին Սրբություն Տ. Տ Վազգեն Ա կաթողիկոսի անվանակոչության հանդիսությունը Մայր Աթոռում	56
ԸՆՈՐՀԶ ԱՐՔԵՊԻՍԿՈՊՈՍ ԳԱՂՈՍՏՅԱՆ—Աստվածաշնչական սուրբեր	60
Բարդարանայ թեմի թեմական խորհրդի առևնապետ Օնիկ Ասլանյանի ծննդյան 80-ամյակը	62

ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱԾԻՆ

«ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин»,
Rédaction de la revue «Etchmiadzine», Etchmiadzine, Arménie, URSS

Հանձնված է արտադրության 24.2.1978 թ.: Ստորագրված է տպագրության 5.3.1978 թ.:
Տպագրական 4 մամուլ + 8 ցերիք, թուղթ 60 × 84¹/₂, պատվեր 136:

Մայր Աթոռ ս. Էջմիածնի տպարան, 1978 թ.